



159

159



١٤٩



(رشته جواهر)

*** بسم الله الرحمن الرحيم ***

هر جوهر فروش بازار بلاغت و بیان خلال عرض
 رأس المال کوهر تابدار و میوارید چنانده عقود لائی
 حد و ثنای حضرت رب رحمانه زیور افزای دکانچه
 شروع مقصود و مرام اولسه صفت د دوستدین ربح
 و سودی تا تمام اولمق مسلم اهالی کرامدر (نظم)
 ☆ فاتحه فکرت و ختم سخن ☆
 ☆ نام خدا یست برو ختم کن ☆
 ☆ پرده کشای فلک پرده دار ☆
 ☆ پرده کی پرده شناسان کار ☆
 ☆ مهره کش رشته باریک عقل ☆
 ☆ روشنی دیده تاریک عقل ☆

وهر غواص بحار زخار عرفان احابین غوطه ابانه و افاده ده
 دهان انبان کلامی سر بسته ابریشم تار صلا و سلام
 بی ختمیت اتسام و درود آل و اصحاب عظام ایلر سده
 تعب انقاس فرو خورده دن زیاده تا مل نفع تام اولدیغی
 محزوم کار کههان بنامدر (نظم)

☆ مه که نکین و آن زبر جسد شدست ☆
 ☆ خاتم او مهر محمد شدست ☆
 ☆ بحر زمین کان شد و او کوهش ☆
 ☆ پرد صدف از پی تاج سرش ☆
 ☆ چشمه خورشید که محتاج اوست ☆
 ☆ نیم هلال از شب معراج اوست ☆
 اما بعد بو عبد فقیر دلکسیر احقر درویشان روشن ضمیر (بیت)
 * پایمال رهگذار هر ادیب *
 * خاک پای مولوی یوسف نسب *
 بو گونه عرض احوال ایلر که زمانلردر که آستان قدسی
 آشیان حضرت مولا نامن کل الوجوه اولانا قدسنا الله
 بقدر سائنه العلیاده کر بسته اخوان جان پر میان اولفله
 هر زمان اهم اشتغال آثار اولیا به صرف انظار و اقصای
 آمالم ریاض واردات اسلاف بکاردن اجتنای از همار
 اسرار اولمش ایدی و دائماً طفل رضیع جانم شیر شکر میر
 کلمات اکابر ایلر اغتدا و مدی الدهر بو ظلمت کده عالم

کون وفسادده نجوم نکات مؤلفات اولیای کاملین ایله
صراط مستقیمه اهداده اولوب بومشغله مابه الافتخارم
وشرف روز کارم ایدی بنابرین رغبت شکن بلغای
عجم و عرب رونق فزای مجالس انس و ادب سباح
قلزم حکم غواص بحر اسرار (ن والقلم) باب مدینه علوم
وعرفان استاد دبستان کشف وایقان جهبذ الجهابذه
استاذ الاساتذه محرم رسول الکنونین ابن عسم نبی الثقلین
والد الحسنین الاحسنین خلعت طراز من کنت مولاه
فعلی مولاه مظهر اعزاز ما انتجیته ولكن الله انتجاه
خورشید سپهر امامت جشید سریر کرامت (شعر)
* لافتی الاعلی در سینه خود نقش کرد *

* ورنه از بهر چه می بینم فنا در آفتاب *

* در قیامت چون رساند شربت کوثر بخلق *

* جام گردد در کار حوض کوثر آفتاب *

کرم الله وجهه ورضی الله عنه حضرت تهرینک
نثر الالائی نامیله مشهور اولان اثر لری که درج فراید
مواعظ و نصایح و مهر پرتو پاش جهان اعمال صواحد
حروف هجاء اوزره هر حرفده زیب صحایف واقع اولان
لطایف کلماتی کویا که بیست و هشت طبله سوق منای
معارفدر هر بار انیس و دمبدم ضمیمه ورد سلیم اولغین
بر مضمون (بیت)

فقره فقره از کلام شیر مردان کوش کن
زانکه بر بوجهل جهل آن ذوالفقار حیدرست
برای تعمیم فائده زبان عربی ایله آشنا اولمیان یارانه فقاواسن
تفهیم ایچون مع قلة البضاعه وعدم الاستطاعه حسب
المقدور شرح و بیانی تصمیم اولاند قدده بعد الاستخاره
کستاخانه اول کاره تجاسر اولندی آنک کبی درر لجه
بلاغتک میانه سنه کلام بی انسجام آمیخته اولمق همان
فراید شاهواری رشته تار پنبه به تنظیمه مشابه اولدیغی
ملاحظه سیله بورساله (رشته جواهر ۱۱۲۰) نامیله
مسمی قلندی فیض روحانیت صاحب کلام بلند مقامدن
ناشی تاریخ سال شروع اسم مر قومک عددی موافق
بولندی (بیت)

نیست جز بوی نبی سوی خدا رهبر ترا
از علی جو بو که بوی بو علی مستقذ راست
فی الحقیقه بوجمعیدن مراد دل پریشان جناب سیادت
نشان قره عیون الفقراء السالکین ملجاء الصالحاء المتورعین
الحسب النسب والتجیب الادیب نجبه اولاد جلال
الملة والدين جالس سجاد سلطان العارفين الشيخ محمد
صدر الدین چلبی افندی انبیه الله نباتا حسنا وعمره بعمر
الطویل معززا ومکرما وبلغه الی اقصى مدارج المعالی
واناله مراتب جده العالی حضرت تهرینک نیم لحاظه

عنایتلری و احرار نظر کیمیا خاصیتلریدر (بیت)

☆ بلغ السیادة فی ابتداء شبابه ☆

☆ ان الشباب مظنة للسودد ☆

وسائر نظاره انداز التفات اولان اخوان معایب پوشاندن
دخی بوفقیری بردعای خیرایله شادان پیورملری نیاز
اولنور (مصرع) در حضرت کریم تمنایچه حاجتست ☆
و علی الله التکلان ☆ فی حرف الالف ☆

(ایمان المرء يعرف بإيمانه)

ایمان اقرار باللسان و تصدیق بالجنانیدن عبارتدر شق
اول محسوساتدن و شق ثانی معقولاتدن اولمغله وجودنه
آثاری ایله استدلال و کالنه مقتضیاتیلله حکم اولنور
معنای لطیفی کشینک کمال ایمانی یمینلرنیدن یلنور پس
ایمدی مؤمن کامل عظمت خالق ادراک ایتیکله یمین
باللهدن زیاده حذر ایدوب هتک حرمت اسم اللهدن
غایت احتراز ایدر و یونک خلاقی سخیف العقل وضعیف
الایمان اولان کسسه محض کلمات مزخرفه سنی ترویج
وزعم فاسد نجه رغبات ناسی تهییج ایچون اثنای مکالمه ده
اقوال واهیه سنی تأید و بلکه اکاذیبی تسدید ایدوب ایمان
مغلظه ایله مجلسی نادئ نفاق پیشکانه ممائل ایدر
اعاذنا الله بؤکونه عادت قبیحه ضعف ایمانه علامت وعدم
تصدیق بالجنانه امارتدر

(اخوان هذا الزمان جواسیس العیوب)

جواسیس جاسوسک جمعیدر (جس الاخبار و تجسس
تفحص عنها ومنه الجاسوس) معنای لطیفی بوزمانه ده
صورت اخوانده کورینلر (طوبی لمن شغله عیبه
عن عیوب الناس) حدیث شریفندن غافل اولمغله
بالجمله عیجولردر هم جلسلرینک عیوبنی تفحص ایدرلر
اکثر ناس بربرلریله برادرانه الفت و محبانه انسبت ایدرلر
اما حقیقت محبتدن بیخبر اولوب اصل موأخاندن بهره ور
اولمدقلری اجلدن هر عیب که برادرنده کورر آنی خاطر
نشان ایدوب مجلس دیگره ارمغان ایدر (شعر)

ابناء دهرک فالفهم مثل العدى بسلاحک

لا تغرر بتبسم فالسيف يقتل ضاحکا
ایمدی عاقل دانایه لازم ولاذب و متحتم و وایجدر که (بیت)
هر که زبانش دکر و دل دکر * تیغ بیایدزدنش بر جگر
ما صدق اولان حرف کیران و عیب بینان مقوله سی ذواتک
صحبترلرینه مبتلا اولدقده آگاه و متبصر اولوب مهمما ممکن
احوالنی ساتراوله (بیت)

☆ اکل امرئ تحسین امرأ ☆ و نارتوقد بالیل نارا ☆
دینلر تجارب کثیره دن صکره دیمشدر

(اخوانك من واساك في النشأ لامن ساواك في النسب)

مصادرده المواساة کسی را بر چیزی همچو خویش داشتن

و مختارده نشب مال و عقار اولق اوزره مسطور در معنای
لطیفی ای مؤمن و موحد سنک برادرک فی الحقیقه اول
کیمسه در که سنی امور معاشده کنیدی ایله برابر طوتوب
معاونت و مظاهرت ایلیه و تحصیل کفاف و نفقه عیال
حصولنده یار و یاور اوله زانکه قرابت نسبه ده سنکله
دعوی مساوات ایدوب رطوبت احوالک حاسد و غنا
و ثروتک کوردیکه معادات اظهار یلیه (بیت)

فتاده چه غم ایتدی یوسف ولی آه

فلک بنمله برادر میدر ندر بیلم
کلامی انشایدن برادرندن ستم کشیده اولتر دندر (شعر)
* برادر که اومر ترا دوست نیست *
* چنان دانکه نا آشنا ترکبست *
* چو ییکانه باشد ترا دوستدار *

* تو اورا چو جان و خرد دوستدار *
والحاصل بو کارخانه ابداع و اختراعه ید قدرت خالقیه
اساس انداز ایجاد اوله لیدن بین الاخوان محاسده و میانه
قرب و عشایره منافسه و معانده اکسک اولماشدر (ع
محبت صادقیکدر کشینک اقر باسندن * خواستجه محضا
اخوت دینه حسبیه محبت صادق و یار غار صدیق موافق
اولان وجود شریفلر قدرتی پیلوب رعایت خاطرنده
مجد و ساعی و حب المقدور حقوق ظاهره و باطنه سنه

مراعی اولق الزم و واجبدرا اگر چه کیم (بیت)
* صاد الصدیق و کاف الکیمیا معا *
* لا توجدان فدع عن نفسك الطمعا *
مضمونشجه بو کونه صدیق حمیک وجودی مانند کیمیا
و عنقا عدیمر

(اخوک من واساک فی الشدة)

کلام سابقدن بونک معنایی ظاهر و باهر اولور حقیقتده
یار وفادارا کا دیرلر که زمان شدت و عسرتده غمکسار
اولوب یاران صفادن اولیه (حکایت ایدرلر که فرمان
فرمای قلم و عقول و فنون حضرت ذوالنون قدس سره
جنابلری بروقتده سرمستی صهبای حقیقت غلبه سندن
ناشی چند روز کنجیده حواصل ناس اولماز اوضاع
مستانه اظهار اتمکله کیفیت حالات عشاق الهیدن
بیخبر اولان بی بصیرت لراول استاد دبستان عشق رفتار
لا ابالیانه سنی حاشا جنونه جل ایدوب مانند شیر زیان
زنجیره چکوب بیمارخانه یه قودیلر احبابندن برقاج کسنه
ککستان خاطر شادیلرین نسیم تسلیت ایله کشاده ایتک
قصیدله زیارتلرینه وارد قده سؤال یوردیلر که سز کیملر سز
ونه مصلحت ایچون کلدیکز انلردخی جواب و یروب بزل
کرامتلی سلطانم حضرتلرینک محبان صداقت پرورلری
و غمکساران معاونت کسترلرند نوز دیدکلرند ههم اندم

بوتله سنك اندازلق ايدوب اطرافنده بولمان ايجار
 واشجاری باشلرينه ياغدردي انلردخی بو وضع مجنونانه بی
 کوروب عزیزمشارالیه حضرتلرینک یانندن مانند
 شیطان کریزان اولدقلرنده بیوردیلرکه ای گروه دروغ
 پیشکان وی شرذمه ریا اندیشکان مقدا سنك محبان
 صداقت نهادك وصدیقان مودت معتاد کز دیدیکز
 چونکه بولکلامکز صادق در نیچون فعلکز قولکزه غیر
 مطابقدر دوست دوستك سمندن روگردان اولماز
 و یار صادق قرینندن جفا کورمکه فی الحال تغیر بولماز
 دیولوم وتعییر ایلدی (بیت)

❖ واذا صفالك من زمانك واحد ❖

❖ فهو المراد فان ذاك الواحد ❖

(ادب المرء خیر من ذهبه)

ادب نفسنی قول ناپسندیده دن و افعال ناسنجیده دن
 صیانت ایدوب کشی کندینک وناسک حرمتی حفظ ایلکه
 دیرلر معنای لطیفی کشینک ادبی التوندن خیرلودر
 فی الحقیقه ادب اولدرکه جمیع احوالده دبستان (علمنی
 ربی فاحسن تأدیبی) آدابیه مؤدب اولان سلطان اریکه
 نشین نبوت چاره رسان ضعفای امت علیه اکل التحیات
 و ازکی الصلوات حضرتلرینه متابعت ایلیه (شعر)
 ❖ ادب آموزازان ادیب که اولم ❖

❖ ادب از حضرت خدا آموخت ❖

❖ بر کسی خوان سبق که در همه حال ❖

❖ سبق از لوح کبریا آموخت ❖

آدمه ادب فضه و ذهبدن خیر لو اولدیغی ینسه یه محتاج
 دکلدلر زیر اخلیه آداب ایله زینت یاب اولان ذات فضیلتآب
 محبوب القلوب و هر قلنده اولورسه مطلوب و مرغوب
 اولسی محسوس و مشاهددر حضرت مولانا قدسنا الله
 بقدرسانیتیه العلیا بیوررلر که (مثنوی)

از خدا جویم توفیق ادب ❖

بی ادب محروم کشت از لطف رب ❖

❖ از ادب پر نور کشته نه فلك ❖

❖ وز ادب معصوم پاک آمد ملك ❖

اعزّه اکابر بیورمشلرکه مؤمن موحده سیمای مشایخ و ملوک
 و علما و صلحایه پیرایه بهترین و سرماییه خوشترین ادبدر
 ریاض اخبار سالقه دن بو کلفجه حکایت غریبه چیده
 دست یراعه در که و قناتسلطان مصر و پادشاه
 روم میانه لرنده تحابب و تواد وقوعندن ناشی هر بری شاخ
 سرسبز نخل نجیب یعنی شهزاده لبینه آخرک در ناسفته
 عصمت دخترینک اختر خورشید طلعتنی تنظیم سلاک نکاح
 ایدوب هر بار جانبدن رسل و رسائل دائم و متواصل ایدی
 بناء علی هذا یو ایکی مملکتده اولان مزارع و مشاجرک

ورعایات و عساکر عمارت و رفته خالری قیاسدن افزون
و تحدید و تخمیندن بیرون اولوب اول ایکی شهر یارک هربری
انحلال مشاکل امور کلیه و جزیه ده یکدیگر ایله استشاره
و شمع و تدابیرین بر برینک پرتو مهر رأی انورندن اناره
پیشه همیشه لری ایدی برکون ملک قلمرو قاهره قیصر
روم جنابنه ارسال پیغام و نامه ایلدی بو مضمونده که
هر کسک فرزند دلپسندی زبده حیاتی و عمده زندگانیدر
کندی متواری پرده فنا اولدقده نامی پسرینک حیاتی
ایله باقی قالور (بیت)

✽ زندست کسی که در دیارش ماند خلغی پیاد کارش ✽
پس ایلدی فرزندک انتظام حال و فراغ بالی ایجاب
اید جک مال و منال و سهولت معاشنه مؤدی اوله جق
ارزاق و اموال تدارکی لازمدر حالا بن پسر جان برابرم
ایچون شو مقیدار ضیاع و ستور و عبید و اما احضار
و مهیا ایلدم ایا جناب شریفلری شهرزاده عالی منزلتلی
ایچون تلید و طارف عروض و نقود دن نه مقوله اشیا
اعداد و افراز بیور مشلدر قیصرک بو کلام خولیا
انجام محاط علم عالم آراسی اولدقده نسیم تعجب پیرامنکرد
کلسه ان خاطر ی اولوب غنچه ای کشایش نمای نیم
تبسم اوله رق بیوردیکه اصناف مال بر یاری وفادار
و بر محبوب ناپایدار هزار آشنادر عاقل کامل اکا استظهار

ایتمز و امتعه فانیه دنیویه به اعتماد ایله صوب عقبایه کتمز
بن فرزند ار جندیملک زیور آدایله مزین و اشکوفه مکارم
اخلاقه ریاض احوالی رشک کلشن اولدوغین مراد
ایدوب کنجور خزان سجایای سنجیده و مالک دفاین افعال
پسندیده اولسنه صرف همت ایدوب بذل نقدینه مجهود
و مکننت ایلدم مال معروض زوالده و آداب تغیردن
سالمدر هر حالده چونکه بو فریده تابدار خبر سعادت
اثر سلطان مصرک زیب سامعه سی اولدی (الادب
خیر من الذهب) دیوب تسلیم ایلدی (شعر)

ادب بهتر از کنج قارون بود ✽

فرزونتر ملک فریدون بود ✽

✽ بزرگان نکردند پروای مال

✽ که اموال را هست رودر زوال

عنان سوی علم و عمل تافتند ✽

که نام نکو از ادب یافتند ✽

(اظهار الغنی من الشکر)

معنای لطیفی کشی غنا اظهاریلک نوع شکر دندر عبد مؤمن
من کل الوجوه حضرت خالقه جل و علا متوکل اولدوغنه
علامت کبری و ظاهر و باطنده رزاقیت باریه به اعتماد
ایدوب کرم حقه متوسل اولسنه امارت عظمی اولدر که
مالک اولدوغی مکننت مالیه دن مستحقینی بهره مند

ایلیوب بلکه هر حالده جهت فقر و احتیاجی استار
و آثار غنا و ثروتی اظهار ایله کریمانه جنبش ایلیه تا که
دفترخانه ملکوتیه نام نامی زمره عباد شا کریندن
مقید اولوب طرف اشرف ملک الملوك جهان آفریندن
طغرای رحمتله موقع برات آزادی احسان اولنمغله
مسئد اوله حضرت امام شعرانی مشارق الانوار
الحمدیه نام کابنده اراثت ایلدیکی شععه ید بیضای
قلم انجم رقلرنددر که مشایخ عباد خواصدن ابراهیم
خواص قدس سره حضرتلری بر سر تراشه خلال
حلقده طرف خالقدن هر نه فتح اولور سه اجرت تراش
اولق اوزره نیت ایدوب تراش اولدی هنوز دخی انجمامه
رسیده اولمدین عزیز مشارالیه حضرتلرینه خزانة غیبدن
هزار دینار فتح اولوب انلردخی بریره اهدا و مقابله دست
مزدینه احصا یوردیلر شخص سر تراش عزیزک پاینه
روی سا اولوب دیدیکه ای شیخ کامل وی عارف آگاه
دل بوفقیه جناب شریفکزی رضاء الله تراش ایتدم حالا
اکسیر رضا طالیم حاشا که رضاء الله مقابله سنده درهم
ودینار قبول ایلیم و بنم التونه احتیاجم یوقدر قیاس
یورلسونکه ریا ایدوب قبولدن نکول ایلیم زیرا بن
کفاف روز مره می صنعتله اکنساب و ادخار و اقتنادن
غایت اجتناب ایلرم دیوب عذر خواه اولدی (بیت)

بر در میکرده رندان قلندر باشد
که ستانند و دهند افسر شاهنشاهی
زهی همت مردانه که سر تراشی کبی صنعت قلبیه ایله تحصیل
معاشه قانع اولوب بی زحمت و تعب بلا امنیه و طلب کندویه
اعطا اولان هزار دیناره طالع اولمیه (بیت)
حقیر مبین کد ابا عشق را کین قوم
شهران بی کر و خسروان بی کلهند
حضرت جناب کبریا جلت ذاته عن التحدید و الانتهاء قرآن
کریمنده بواوصاف جلیله ایله متصف اولان وجودش بر فطر
حقنده بیورر (للفقراء الذین احصروا فی سبیل الله
لا یستطیعون ضربا فی الارض یحسبهم الجاهل اغنیاء
من التعفف تعرفهم بسماهم لا یسئلون الناس الخافا
وما تنفقوا من خیر فان الله به علیم) ینه کتب مر قومده
شیخ مرحوم شعرانی علیه الرحمة حضرتلری بیورمشلر که
حضرت داود صلوات الله علی نبینا وعلیه زمان سعادت
نشانلرنده ملوکدن بریسی کشتزار عالم مشالده یعنی
رؤیای اعاجیب اشتمالده هر دانه سی بیض نعام مقداری
بر توده کسندم مشاهده ایدوب اطراف نواحی ربع مسکونه
قاصد چالا کلر و انجای مساکن آفاقه جاسوس دراکلر
ارسال و البتده وجود خارجیه بولنسون دیورلیغ
بلوغ جهان مطاعلر ایصال ایلدی زیرا خاصه ذاتی

ولازمه متخيله باثباتي بويله ايديكه عالم شهادتده حقيقتي
اولميان شي رؤياده چشم دل آگاهنه چهره نما اولمازدي
سرحد اردل عمر محافظلرندن بر پير پيست وصد رسيده
درگاه معلاسنه عرضحال ايدوب ديديكه اي شهر يار
سكندر اقتدار وي تاجدار معذلت نثار خرمنكده
خوابده مشهوديكز اولان كندم اعجوبه نمون فلان شهر
خرا بك فلان محلنده مدفوندر في الحقيقه خبر ويريكي
موضعه آدمير كوندر وب تعيين ايتديكي موقعي برايكي
قامت انساني مقداري حفر ايتدكلرنده خسرواني
برخم هردانه سي بيضه مرغ آتشخوار قدر كندم ايله
مالامال بولنوب حضور سلطاني به كتور وب عرض
ايتدكلرنده حضرت داود عليه السلام جنا بلرندن
بونك سرو حكمتي استخبار ايلدي وانلره دخی وساطت
ناموس اكبر ايله حضرت ذي الجلال جل عن الشبيه
والمثال طرف اشرفندن بو كونه وحی آسماني نازل
اولديكه بوندن اقدم زمان سابقده برفقير الحال كمسنه
بر شخصدن بر قطعه زمين استيجار ايدوب آني حرايت
ايدر كن بر قدره كبيره لبريز خالص العيار ابريز بولوب
صاحب ارضه كتور وب بوسنك حق صريحك و مال
صحيحكدر ديوب تسليم ايلدي اولدخی قبولدن اعراض
ايتدكده مكر حارث مرقوم هنوز دخی كلفت اولاد

وعیالدين ساده بر مرد آزاده ايمش اول مبلغه ينه كندی
قرايب وعشايرندن بر يسنك دختر فرخنده اختريني
نكاح و بالجملة لوازمي كور وب مرآمني الحاح ايتدكدن
صكره بقيه فلان مال ايله صنعت زراعت و حراشته
اشتغال ايلدي بو كندم انك زراعتيله حاصل اولمشدر
ديو حل اشكال ايلدي

(احسن الى المسى تسوده)

معنای لطيفي اي مؤمن آگاه دل اسائه مقابل احسان ايله
ومسي اولان كيمسه بي لطف وكرم فیلغله خوشحال وشادمان
ايله كه حقيقتده سن سيد و خداوندي ومالك ارجندي
اولورسن (بيت)

✽ يقنلر خاطر ناشادي يارب شاد اولسون ✽

✽ بنمچون نامر ادا اولسون دينلر بر مر ادا اولسون ✽

مضمون دستور العمل ايدوب هر محل ونا محله معامله
هموار ايتك كار اولياي بكار وشيمه مردان تقوا شعاردر
(تخلقوا باخلاق الله) امرينه امثال ايدن سرمايه داران
مجاهده وغواصان قلزم مشاهده هر ظهوري حقندن
وهر كاري فياض مطلقدن ييلوب (بيت)

هـب ظهورات پس پرده ده استاد كدر ✽

✽ اختيار عي صنور سن حر كاتن صورتك ✽

مألني دائماً معاينه وشهود ايدرلر (بيت)

در حیرتم که بانسق حکمت ازل *

* مشتی فضول را طمع اختیار چپست

اصناف لطف و کرم و اقسام جور ستمی بالجمله حقک تجلی
جبال و جلالنک آثاری ملاحظه ایدوب فقط مخلوقک
بوظهوراته محل و آلت اولدیغی جهته حقوقه رعایت
و محافظه ایدرلر جناب شیخ اکبره کبریت اجر قدس
سره العزیز حضرتلری پیور مشرکه (وعن بعض العارفين
من توجه اليه مكره من الخلق ونظر اليه بعين القلب
اندفع غضبه فانه ان كان غضبه على الخلق فهو شرك
ينافي التوحيد وان كان غضبه على الخالق عز وجل فهو
جراة على الله تعالى ينافي العبودية والعباد بالله من الخالين)
معناسی بعض عارفیندن نقل اولنور که بر کیمسه په خلقدن
بر مکر وه توجه ایلد که چشم قلبله نظر ایلسه غضبی
مندفع اولور زیرا اکر غضبی اول مکر وهک مظهری
اولان مخلوقه ایسه مرتبه عرفانده شرک اولوب
توحیدی منافی اولور و اکر غضبی خالق اولور سه
عزوجل بومعامله الله تعالی اوزرینه حرامدر عبودیتی
منافی اولور بویکی حالدن دخی الله صغنی کر کدر
(والكاظمين الغيظ والعافين عن الناس والله يحب
المحسنين) نظم کر یمنده دخی بومعنايه اشارت وارد
ایمدی عقلا دخی مجازاة بالا حسان کهنکاره زیاده مؤثر

اولدیغی مقرر در زیرا بر کیمسه اسائت ایتدیکی کیمسه دن
البته فعلا یا قولاً مجازاته مترقب اولور نفسک بر مکر وهه
ترقب و انتظار ی وقتنده فی الجملة انقباضی وجدانله
هر کسک معلومیدر پس ایمدی اصابت مکر وه توقع
ایتدیکی ذاتدن اول مقابله ده لطف و احسان کورد که ده
و انقباض معهود مندفع اولوب عداوت محبت تبدیل
واندیشه مساوت فکر اخوته تحویل اولور لامحال محب
محبوبنی اعظام ایتمک لا کلامدر

(اداء الدین من الدین)

معنای لطیفی دینک اداسی کمال دیانتدن و حقوقی ایفا
وقور معرفتدندر هر کیمکه روز حسابیه ایمان کتوره
یقینا ییلور که عرصه کاه محشرده و زمان ظهور خیر
و شرده هر کسک حتی قضا اولنه جقدر و هر مدیونک
دینی اعمال حسنه سندن داینه ادا اولنه جقدر بناء علیه
کمال تدین ایله متصف اولان کیمسه بوعالمده تدار که ده
(الدین شین الدین) مفهومندن خوف ایدوب ذمتی
دیوندن تخلیصه سعی و کوشش و روز رستاخیز ده
دیوان قاضی الحاجاته حقوقدن سالم و بری اولدیغی
حالده وارمغه اقدام و ورزش ایدر اوائل ظهور اسلامده
حضرت رسول اکرم صلی الله علیه وسلم مدیونا وفات
ایدنلرک نمازینی قلمقدن ممنوع ایدیلر

(اخفاء الشدائد من المروءة)

معنای لطیفی شدتتری صافلقی مرؤتند در مرؤت دیو
بذل مالاید و زیاده احسانی دائم و ایصال نفع غیر
ذمت همتنه مهم و لازم ایتمکه دیرلر فی الحقیقه مؤمن
و موحد و عارف متعبد مبتلا اولدیغی شداید و عسرتی
و امراض و اوجاع و محنتی اظهار و اعلان ایتمکده یار
و صدیقی اولنلر مغوم و محزون و دشمنلری دلشاد و بمنون
اولورلر اخفا صورتند دوستلرین غوم و همومدن صیانت
و اعداسنی شنیعت شمتدن حمایت ایتمش اولور بومعامله
عین مرؤت اولسی هویدا و ظاهر در صورت کتم
و اخفاده کنیدیسی دخی شمتدن فارغ الخاطر اولور
فخر کائنات علیه افضل الصلوات حضرتلری (نعوذ
بالله من شماتة الاعداء) بیوروب شمتانت اعدادن
تحريك لزومنی تفهیم و بومضمونده نیجه اخبار ضمننده
محاسن اخفای شدایدی امت مر حومه یه تعلیم بیوردیلر
خصوصا فرقة اهل سلوك و گروه پرشکوه صعلوک
بای وجه کان مبتلا اولدقلری بلیاتی هدیه الله ملاحظه
ایدوب افراد آفریده یه ابانه و افاده دن زیاده محافظه
ایتملری الزم و اوجبدر زیرا عادت حسنة باری تعالی بویله
جاریه اولمشدرکه بر عاشق صادق راه معرفت حضرت
خالقده هر نه مرتبه بلیات جسمانیه یه ملاقی اولور سه

صفوت دل آکاهی اولقدر مزداد اولوب مراتب
معنویه دن بر پایه رفیعه یه مترقی اولور (بیت)
* لله در النایبات لانها *

* صده الشام و صیقل الاحرار *

طالبان اکسیر معرفت الهی مس وجودین آتش کوره
بلاده کاهی کدازان ایدوب جسمدینی روح ایتمز سه
ابریر فیض و فتوحه واصل اولماز (البلاء للولاء کالذهب
للذهب) اریکه نشینان کشور ارشاد اولان مشایخ
کزین و چهره کشایان صور غیبه بولنان کاملین مکملین
مسترشدان فرمان برانه و حق جویان صداقت نشانه
ریاضت و مجاهده ایله تنبیه اکید و مخالفت نفس آیه ایله
توصیه ده تشدید بیورملری بومعنایه شاهد حال و برهان
سداد اشتمالدر (بیت)

* بلا کش تا جال دوست بینی *

* که مرد بی بلامرد لقانیست *

حکایت بودردمند بیچاره اثنای سیاحتده محبیه مصر
قاهرده زمرة مجاذیبدن بر کیمسه کوردمکه صورتا شکلی
دیوانه اما فی نفس الامر عاقل و فرزانه ایدی قرق بش
سنة اولمشکه اول دیار جلیل الاعتبارده کوچیه کرد
و خاموش اولوب بومدنده فرد واحد اول ذات شریفدن
برکله اصفا و کوش ایتمک واقع اولمامش صنعت ملامتده

و نیجه تیز دست و چاپک و چالاک اولدیغی اصلی عربمیدر
یوخسه اعجمی التسمییدر بر ذاتک معلومی اولدیغندن
ادراک اولنور البسه دن برجیه پشمینه سیاهو کیوب
پاوسر برهنه دائمی برتهی چوب تنباکوا کسک دکل مانند
مرغ وحشی طبیعت نه کیسه ایله انسیبت نه بر مکانده
آرام واستراحت ایلردی لکن بو فقیرک لله الحمد اول
قیام کرامه حسن اعتقاد اولغله صورت کمال و دادم
عکس انداز تا بناکی اولوب (بیت)

☆ چشمک دله ایدر شو قدر آشنا نگاه ☆

☆ گویا که بر بر یله ازل صحبت ایلمش ☆
وز نیجه هر نه وقت که مصادف اولور دم بنی آماج خدنگ
نظاره ایدوب سمت دیگره صرف دیده کرامت نشاره
جواز کوسترمزدی بو کیمنه دخی البته اول ذات شریفه
دوچار اولدجه دکا کین ناسدن برنده قرار ایدوب بحسب
القدره پیرامن کرد خاطر آکاهی اولوب نزل مختصر
نان و پیز و قهوه و دخان ایله کاهی عرض عبودیت ایتک
معتادم و صفای سینه و فوادم ایدی بناء علی هذینه
بر کون بر محله اشارت و ایمانله تکلیف جلسه خفیفه
ایدوب عادت مألوفه مزاوزره تناول جبن و رغیفه
رخصت نما اولدیلر لازمه اکل و شرب انجامه رسیده
اولدقده وضعی ایله اظهار و جمع و الم ایلوب پراه سرد

کشیده قیلدی و یوزیمه باقوب زبان حال ایله صورت
اشتکا کوستردی فقیردخی سلطانم جوهر وجود کرده
نه کونه عرض حادث اولدی مبادا که بر عارضه و مرض
سببیه خاطر آزرده اولمیه سزدید یکمده طوطی مثال
زبان رومیانه ایله کفتاره آغاز و بو وجهله کشف راز
ایدوب حالا زانولرم معذوره بودرده ابتلا من زمان بعید
و دوردر دیو احوالی آشکار و اسرارینی اظهار ایلدی
بعض احبایه بو خصوصی نقل و بیان فی الجملة اهلینک
معلوملری اولدیکه بو ذات شریف عربی الاصل دکل
ار و آمدن ایمش وصمت و سکوتی ایکمیتدن اولوب محضا
مخالفت نفس بد فرجامدن ایمش (بیت)

(درین ره نیست خود بینی نجسته)

(تی لا غرد لی باید شکسته)

(افضل الزهد اخفاؤه)

زهد لغته ترک ایتکه دیرلر قومک اصطلاحنده بالجملة
اشیادن رغبتی اسقاطه دیرلر دنیا و ما فیها دن روگردان
و ماسوی اللهدن معرض و کریزان اولان کیمسه یه زاهد
اطلاق اولنور معنای لطیفی زهدک افضلی آنی کزلمکدر
قال النبی علیه الصلاة والسلام (لو کانت الدنیا ترن
عند الله جناح بعوضه ماسق منها کافرا شربة ماء)
بو طائفه جلیله خداوند جهان آفرین جیل جلاله

قتند بر پشه مقداری اعتباری اولین متاع فنا شعاری
بالکلیه ترك ایلوب رضاء الله طالب وجعیت خاطره
راغب اولور لر لکن پهلوان میدان عرفان اول عارف
دقیقه داند که (یت)

* درونی آشنا اول طشره دن بیکانه صانسونلر *

* عجب زیبا روشدر عاقل اول دیوانه صانسونلر *
فخواستجه بو حالی خلقدن اخفایه کمال مرتبه مجد وساعی
و آفت شهرتدن خلاص ایچون کتم واستاره غایت
مراعی اوله حضرت مولوی قدس سره العزیز (مثنوی
(چبست دنیا از خدا غافل بدن)

(نی قشاش ونقره وفرزند وزن)

بیور لر ظاهرده بونلرک وجودی وار ایسه ده کوکلده
علاقه سی اولدجه معدوم کبیر بلکه بو صورتده ریادن
خوفناک اولیوب پی غم ویم سلوکی اولان طریقه ده
چاپک و چالاک اولور وقال علیه السلام (ان الله يحب
العبد الغنی التقی الخفی) خفادن مراد ریادن اجتنابدر
ایمندی مطلب اعلی کوکل محبت اللهیه مر بوط اولمق
ایمش یوخسه صورت ترکله خلقه مغبوط اولمق دکل
ایمش احباب ملامیه بو اخفایه رعایتده بذل مجهود ایدر لر
(استراحة النفس فی الیأس) یأس نا امید اولمقدرد
معنای لطیفی نفسک استراحتی نا امید و بی نیاز اولمقدرد

امور دنیویه ده زبرا امور اخرویه خصوصصنده لطف
الهییدن و کرم نامتناهیدن نا امید اولمق کفر در دیمش لر
قرآن کریمده (لا تقنطوا من رحمة الله) بیوروب
عباد مؤمنین و گروه موحدین بو مقوله یأس اخرویدن
نهی اولمشدر (مصرع) نامراد اولکه بر مراد اوله سن *
وزنجبه عارف آکاهلر و کامل صاحب انتباهلر مر دات
دنیویه خصوصصنده یأس اختیار ایدوب مستریخ اولمش لر
وامور لرین بالکلیه اراده علیه یه تفویض ایدوب
پی قید نیک و قبیح اولمش لر (الیأس احدی الراحین)
صورت خواهشده تعب کثیر اولوب بر امر عسیر اولدیغنه
برهان عقلی اقامت ایدوب دیمش لر که حصوله خواهشکر
اولدیغک وجود پذیر اولمسنه ارادت رب ذی الجلال
قدیر تعلق ایتدیکی تقدیرجه ظهور یاب اولوب آنکله
کامیاب اولور سن اما عقینده برخصوصی دخی کندویه
مطلب ایدوب آنک دخی حصولی ایچون اقدام واهتمامه
شروع ایدر سن اول دخی صورت اولی کی تقدیر حقه
موافق اولوب حاصل اولور سه بر مراد جدیدی دخی
متفکر و آمل اولمغه باشلر سن فهلم جرا منسلسل اولور
اگر حصولی تقدیر ربانی یه مطابق اولیوب تخلف
ایلر سه فوآتی ایچون سکا تحسر و تأسف امر مقرر در
بو مقدمه معلومک اولدیسه مراد دنیویه دن یأس

و قنوط موجب راحت اولدیغی مفهوم اولور و حدیث
قدسیده وارد اولمشکه قال الله تعالی (عبدی یرید
وانا اریده و لایکون الا ما اریده) (شعر)

(*) اگر محول حال جهانیان نه قضاست (*)

(*) چرا بجاری احوال پر خلاف رضاست (*)

(*) هزار نقش بر ارد زمانه نبود (*)

(*) یکی چنانچه در آینه تصور ماست (*)

جناب شیخ صدرالدین قنوی قدس سره العزیز تفسیر
فاتحه ده پیور که سفر و حضرده هم صحبت اولدیغ
اعزّه کرامدن اکل بر مرد عالمقام و سامی محل ایل
دوچار اولوب رتبه عالیّه سن شهود ایلدم مراتب کاندن
اوج علایه صعود ایدوب ظهورات کونیه دن برشی
واقع اولماز که اول وجود شریفک خلاف مرادی
و منافق فوادی اوله بو وجود مکرمدن اجل و اتم بر مرد
مفخیم کورمدم ایددی کنیدی اراده سن اراده حقه
افنا ایلین وجود محترم ملک حال و شانلرین اصفا ایلوب
اثرلرینه اقتفا ایتک کر کدر نته کیم حضرت سهروردی
عوارف المعارفده پیورلر (بیت)

(*) ان لم تکنوا مثلهم فتشبهوا (*)

(*) ان التشبه للکرام فلاح (*)

(ادب عیالک بنفعهم)

عیال عینک کسر یله عیالک جمعیدر جیاء جیئک جمع
اولدیغی کبی (وعیال الرجل من یعوله ای یقتقره)
معنای لطیفی عیالکی تأدیب ایلکه انلره تأدیب فائده
ایدر بو کلامده واقع اولان عیالدن مقصود ازواج
و خدام و مولوددر علم تدبیر منزل و تربیه اولاد و عیال
حکمت عملیه اقسامندن بر قسم فوائده مالد رالبته هر
آدمکه عیالنی بر مقتضای شرع و حکمت تأدیب و تربیت
ایلیه انلره دنیوی و اخروی فوائده کشیره عائد و راجع
اولوق مقرردر سیم اولادک اخلاق حسنه ایلکه اتصافندن
سودمند اولنلر هم کندولره و هم پدرلرینه دعای خیر
ایدرلر اگر تعلیم علوم نافع ایلوب زیور اعمال صالحه
ایلّه ذاتی محلی و سمت ریاضت و مجاهده به سابق اولوب
آینه دل بی غلن روشن و محلی ایلر سه نعم المطلوب
اول فرزند سعادت مند دن اقتباس انوار علمیه و عملیه ایلین
ارجندلر دخی دعوات صالحه ایلکه ایکبسی معایاد و تذکار
ایتملری بی شک و مرادر زهی پدر نیکبخت که بویله بر پیر
عالی کهره صرف همت ایلیه قال النبی علیه السلام
(اذا مات ابن آدم انقطع عمله الا من ثلث صدقه
جاریه او علم ینفع به او ولد صالح یدعوله) تأدیب
و تربیه اولاده وقتنده اهتمام و زماننده قیام ایتک لازمدر که
تربیه سودمند اوله شرح عضدیه ده مسطور در که

انسانك مراتب استانی درت مرتبه در سنك فصول
 اربعه سی منزله سنده مرتبه اولی سن طفولیت در که
 فصل بهار مثابه سنده بومشبه و مشبه بهک هر برنده حکم
 وسلطنت اخلاطدن خلط دیمکدر مرتبه ثانیه سن
 شبایدر فصل صیف منزله سنده بو ایکس سنده حکم
 صفرا نکدر مرتبه ثالثه سن کهولت در اوقات خریفه
 مشابه بونلرده حکم سودا نکدر مرتبه رابعه سن شیخوختدر
 وقت شتایه مماثل بونلرده حکم بلغم نکدر پس امدی
 طرفی تشبیهک هر برنده وقت علاج اخلاطدن حکم
 بر خلط لطیف منقادک اولدیغی وقتده در خلط لطیفدن
 مراد دم و صفرا در وقتلری بهار و صیفدر انلره مشابه
 اولان سن طفولیت و سن شبایدر اما شول دملرده که
 حکم و غلبه خلط کثیف و عاصیلک اوله ایام خریف
 و دم شتا کی انلرده علاج و مداواتک فائده سی اولیوب
 اولدیغی صورتده دخی نادر اولدیغی کی كذلك مشیله
 اولان وقتلرده دخی تعلیم و تربیه مفید اولماز بونک
 ایچوندر که عقلا تربیه اولاده سن طفولیت و شبایده
 اقدام و اهتمام ایدرلر (انتهی کلامه) تفصیل حقوق
 و شامت عقوقه متعلق بو محله جوق کلام اقتضا ایدر
 لکن بو مختصرده اکارخصت املا اطنابه بادی اولمغله
 بو مقدار دن ازدیادی ترك اولندی في حرف الباء

(برالوالدین سلف)

اب و امه والدین اطلاق تغلیب قیلندندر عمرین و قرین
 کی معنای لطیفی والدینه لطف و کرم ایلک اعمال
 صالحه نک جمله سندن مقدمدر روی الشیخان مر فوعا
 عن عبد الله ابن مسعود رضی الله عنه قال یارسول الله
 (ای العمل احب الی الله تعالی قال الصلوة علی وقتها قال
 ثم ای قال برالوالدین قال ثم ای قال الجهاد فی سبیل الله)
 صدق رسول الله برالوالدین و اکرام ابوین حقنده
 اخبار صحیحیه و آثار صریحه چوقدر خصوصاً انظم
 کریمده و فرقان حکیمده انلره عقوقدن (فلا تقل لهما
 اف ولا تنهرهما) آیت شریفه سیله بوامت مر حومه
 نهی اولنشلردر خصوصاً مادر مهربان و والدۀ شفقت
 نشانه کمال برواحسانه (الجنة تحت اقدام الامهات)
 حدیث صحیحی جمله یه شامل برهان قطعی کاملدر
 والدینی حیاته اولمیا نلردخی کاه کاه صدقات و دعواتله
 ضیافت ایتک بلکه اعقاب مکتوبه ده روحلرین خیرایله
 یاد ایتک لازمه ذمت اولاد در

(برکة العمر فی حسن العمل)

البركة النماء والزيادة) معنای لطیفی عمرک برکتی حسن
 عملده در قال رسول الله صلی الله علیه وسلم (يقول
 ربکم یا ابن آدم تفرغ لعبادتی املاء قلبک غنا و املاء

يدك رزقا و يا اين آدم لا تباعد مني املاء قلبك فقرا واملاء
يدك شغلا) رواه الحاکم من فوغا سعادت دنيا و آخرت
عبادت حضرت خالق هر بوط و فوز و نجات نشأتين
بندگی موجد کونین منوط اولدیغی دلائل عقلیه و نقلیه
ایله ثابت و کثرت از اعمال حسنه ده سبزه رحمت رحمانیه
نابتدر (بیت)

(*) سرمایه سعادت دنیا عبادت تست (*)

(*) سرمایه کرامت عقبا عبادت تست (*)
علت غایبه خلقت ثقلین عبودیت حضرت خدای
متعال جلست ذاته عن النقایص والشین اولسی (وما خلقت
الجن والانس الا ليعبدون) کریمه سیله متحقق و امثال
امر الهییدن اعراض ایدن سرکشان هر دو جهانده
رستکارا اولدیغنه عقل و نقل متفقد و لکن (بیت)
(*) عبادت باخلاص نیت نکوست (*)

(*) و کر نه چه آید ز بی مغز پوست (*)
وز نجه عبودیت بی اخلاص قشر بی لب مثالی مردود
و فر وزینه آتشگاه مقوله سندن معدود در جناب
حضرت مولانا قدسنا الله باسرارها العلیا پیورر که (مثنوی
(*) از برای چاره این خوفها (*)
(*) آمد اندر هر نمازی اهدنا (*)
(*) کین نمازم را میامیز ای خدا (*)

(*) با نماز ضالین و اهل ریا (*)
ایمندی هر مؤمن و موحد هفت کام عبادت ریده غایت
الزم و اوجب در که نقود اعمالی پوته خلوصده کداخته
ایلیوب بیغش ریا و سمعه صیرفیان ملاء اعلایه خالص
العیار تسلیم ایلیه (بیت)
(*) نیت خالصه بر سکه حقانیدر (*)

(*) دکه بر سینه یه اور مر مضراب ازل (*)
اگر نفسی خلوصدن بهره مند و نیت خالصه ایله سودمند
دکسه بر استاد کامل و بر عارف آکا مدلت دامن
تربیه سته آویزان و امری قبول و خدمتده دخول ایدوب
خاک راهننده غلطان اوله تا که تحصیل خلوص نیت
و تکمیل صفای طوینت ایلیه زیرا مجرد بدرقه عقل ایله
راه هدایه سالک و صفای منزل مقصوده مالک اولق
محالدر بومدعایه بعثت انبیا علیهم السلام شاهد و بعض
خصوصده حضرت فخر المرسلین صلی الله علیه وسلم
جناب لرینه تعلیم جبریل امین بومعنای مؤیددر
(بکرة السبت والخمیس برکة)

میانده ایامده بو ایکی روز فیروز یوم جمعه یه مجاورت
سببیه سائر دن ممتاز اولغله شانلرنده (بارک الله السبت
والخمیس) حدیث شریفی وارد اولمشدر بکرة ضم
با وسکون کافله (اول الیوم) معنا سنه در معنای لطیفی

سبت و خجسك اوللرنده زياده ونما واردر لفظ بكرة نك
سبته اضافتي بمعنى في در حديث شريفه ثابتدر كه
حضرت رزاق ذوالجلال جل جلاله ناسك ارزاقني
طلوع فجر ايله طلوع شمسك مايننده تقسيم ايدر
حديث شريفك جمله ايامه شمولى طلوع فجر و خورشيدك
مجموع روزانده دخولى مقرر در سبت و خجسك مجاورت
جمعه حسبيله ايام سائر اوزرينه مزيتنى بياندر مطلقا
استحارده متيقظ و اول اوقات مبارك كه بي غفلة كچورميبوب
محافظه اولمقلغك فوايدى ان شاء الله تعالى قريبا
افاده اولنور

(بشر نفسك بالظفر بعد الصبر)

صبر طرف هوايه ميل ايتيوب اسباب هوايى مدافعت
ايتمكه قادر اولمقدر صبرايكى نوعدر بريسي صبر
عن المعاصى والا تايدر يعنى نفس اماره و شياطين مكاره
معاصى و آثام طرفنه دعوت ايتدكده قوت مصابرت
وتقوى ايله دفع ايليوب راه راستدن چقميه نوع ثانى
مصائب و بلايه صبردر يعنى نفسه مكر وهى اولان
نسنه كه بلا و محنت و فراق و مصيبتدر متوجه اولدقده
جزع قبيح ايتيوب تحمل ايد . ميانه عوام ناسده صبر
بومعنايه استعمال اولنور وايكى نوعى دخی مقبول و ممدوح
بل واجب و مفروضدر معنای لطيفى نفسكه تبشير ايله

ظفر ايله صبردن صكره يعنى بر مرادك طريق حصولده
صبره دسترس اولورسن اول مرادك حصولنه ظفرياب
اولغه مبشرسن عالم دنيا ده عون الهى صابر ايله بيله
اولديغنه (ان الله مع الصابرين) برهان قويدر وعالم
آخريده اجور جزيله به نيلانى (انما يوفى الصابرون
اجرهم بغير حساب) بشارتيله دافع شك صورى و معنويدر
اخبارده كمشدر كه جناب حضرت حى و دود حضرت
داود عليه السلام جناينه ارسال بيورمش بومضمون
شريف نمونده كه ياد اود سعى و كوشش ايله تاكيم بنم
اخلاقى پيرايه روزكار و حليه ذات سعادت شعار
ايدسنى بنم جمله صفات حسنه مدن بريسي اولدر كه
بن صبورم (بيت)

✽ صبر بهتر مرد را از هر چه هست ✽

✽ تا پيا بد بر مراد خویش دست ✽

هر كيكه سپر صبرى كشيده روى عزيمت ايدوب تير بران
حوادثدن رو كردان اوليه قى زمان يسيرده خدا نك
اميدنى هدف ظفرده دوخته ميانه نشانه ايدر زبرا
(الصبر مفتاح الفرج) دست كنجوران طلبه طرف
خداوند شهادت و غيبدن تسليم اولمشدر كه باب كنجينه
مرادات بونكده كشاده اولور (شعر)

✽ كليلدر كنج مقصود صبرا ست ✽

در بسته انکس که بکشد صبر است *

* چو خار ای کوه و چو دیبای کردون *

* لباسی که هرگز نفرسود صبر است *

حکایت زمان سابقه بر جوان ملک خوی بردختر
عالی کهری گرفته کند تروج ایدوب زن و شوهر اولدرینه
متعاقب اول مرد صداقتکاره داعیه تحصیل علوم
باعث ترک مرز و بوم اولوب عزم غربته راغب اولدی
دیار بعید ده هرده سال جد بلیغ و سعی بیدریغ ایله
ملکه قیل و قاله مالک و بعد التکمیل ینه درون وطن
اصلی به سالک اولدی خلال منازل راهده برکون برکامل
آگاهک سعادتخانه سنه نزول ایلوب اول ذات ملک
صفات لوازم مهمانی به مراعاتدن صکره تجسس فروع
واصوله آغاز ایدوب و کیفیت ایاب و ذهابندن استکشاف
راز ایتدکده اکساب علوم کلیه و جزیه آرزوسایله
اغتراب ایدوب بحمدالله تعالی فنون متداوله بی جمع
و تحصیل ایلدم الحاله هذه صوب وطن اصلی به وصول
امیدیه عازم سبیل اولدم دیدی اول میربان صاحب
عرفان بو جوابی کوش ایدوب محض ایقاظ و ارشاد ایتک
قصیده آبا جهانده اساتذہ کزدن بریسی تعلیم علوم
غریبه اثناسنده سزه اسم اعظمی تفهیم ایلدیمی دیوب
جواننده خیر بو مقوله خبری استادلر مدن ایشتم دیدی

اول مرد هشیار دیدیکه اگر اوچ سنه بنم دخی خدمتمده
مجد و ساعی اولوب قیام مصالحده اولورسک سکا اسم
اعظم رب کریمی مدت معهوده انقضاسنده تعلیم
ایده یم اول دخی بسرچشم دیوب اول ساعت دست
کرامت پیوستنی تقیل ایلدی علی السحر ایکی رأس
کا و کوه پیکرک زماننی یدینه تسلیم و تفویض ایدوب
خدمت حراشته تعیین و تحریض ایلدی اول کون
خرمنکده افلاکده دانه انجم غربال هاله ایله پیوده
و پیمان سیمین ماه دست دهقانی زال کردونده نموده
اولنجیه دک ادای خدمت لازمه ده صرف مقدور ایدوب
ایرتسی کون ینه عادت قدیمه مقرره سی اوزره کار
اکارینه مأمور اولوب حاصلی اوچ کون برضوال سابق
عزیز مشارالیهک فرماننه مطیع و موافق اولوب روز
چارمده ینه مقدمات کاره شروع و تک و تنها چفت
سورمک ایچون ارض معینه به رجوعه قیام ایتدکده (ع
☆ در خانه اگر کسست یک حرف بسست ☆

وزنجیه اول مرد کامل اول مهمان صاف دله کوشده
چشم لطفله ایمانی یکنی ایدوب دیدیکه سنی سه روز
استخدامدن مرادیمز امتحان و امره امثالکی اختیار ایدی
تمام مرد صادق طویت و برذات صداقت شعار و وفادار
اولدیغک معلوم فقیر اولدی ایمدی سکا او یله مضبوط

خزانه حافظه اولسونکه اسم اعظم خداوند قدیر
مقتدار یمز اولان مشایخ کرام واعزه ذوی الاحترام
حضراتندن بالمشافهه اخذ وتلقی ایتدیکمز اوزره
اسم پاک صبور در و یوسر واجب الاکتامک صدقنه
اشارت خاتمه اسماء حسنی اولدیغی بین الظهور در
دیو ختم مقال ایدوب اون مرد رهروی اجلال ايله
تشبیع ودعای (عون الله معک) ايله تودیع ایلدی رهنمایی
یدرقه توفیقله قطع منازل وطی مراحل ایدرک پر روز
مینت تو آمده مسقط رأسی اولان بلده یه وضع قدم
ایدوب عیارانه تغییر صورت وتبذیل اثواب ايله کندی
خانه سنه کلوب مسافرانه دق باب ایتدی درون خانه دن
کیمدر نعره سی کلدکده زبان نیازی کشاد ایدوب پر مرد
غریب مهمان اولغه کلد م الله تعالی پی رانده دور باش
رد ایدوب الم زده و کشتب ایلکزدیدی نه کوردیکه
برجوان مهباره (شعر)

خط شبرنگ برویش ند میدست هنوز
پوی سنبل بمشاش نوزیدست هنوز

نشیدست اذانی ز بلال خط سیر
بانک اسلام بکوشش رسیدست هنوز
طشره جیقوب اهلا وسهلا مرحبا دیه رک تمام اکرام
وتوقیر وفوق ما ینبغی تعظیم وتخطیر ايله بیورک خانه

بزم دکل سز کدر دیوب بالجمله لوازم مهمانداری یه رعایت
وطعام وشرابده زیاده علی ماهو العاده تکلف ايله ضیافت
ایلدی چونکه سیاح فلک نور د خورشید عالمتاب
مسافر خانه مغربده زیر خرقة ظلمتده در خواب اولدی
جوان میربان شب خیر باد ایدوب خلوتسرای حرم
جاننده خرامان اولدی خریف معهود بو وضعی کوروب
رفیق وسوسه یه هم جلبس وندمای افکار فاسده یه
انیس اولوب عقل قاصر نجسه بویه تحقیق ایلدیکه
بونقش باز کوندن فهم اولنان معنا بودر که مدت مدیده
بنم غیبو بنم صاحبه البیت اولان مکاره یه مستثقل اولغله
شاهد زور ايله بنم موتمنی اثبات ایدوب بو جوان نازینه
علاقه نکاهله قرینه اولمشدر صورت اخری محتمل دکل
و بونلرک ایکبسنی دخی طعمه شمشیر ایتامک لایق ومحل
دکلدر دیو متقلد تیغ آتشتاب نیم شب صوب حرمه
راه پنهاندن شتاب ایلدی سر بالینلرینه واروب کوردیکه
ایکی جامه خواب پر برینه ملاصق برنده عورت و برنده
اول پسرناز پرور مانند شارق نور پاش اولوب شکر خوابده
مقدمات اعتقادی بونلرک پر برینه مقارنتدن دخی زیاده
موکد واشتعال نائرة غضبی مشدد اولغله تیغنی غلافندن
مانند افغی عریان ایدوب آیا قنقبسنی اول دارالانتباه
عدمه پویان ایتسم دیوردا شناسنده نام پاک صبور

اول ساعت خاطرینه خطور واستغفرالله کویان
خارجیه ده اولان میبسته مرور ایلدی شب دوم و شب
سیوم یواسلوب اوزره اراده هلاک ایلوب اسم صبوری
تذکیر ایلدیکه سوء قصدندن تنفر ایتدی خلاصه سخن
نصاب ایام مسافرت دردنجی کون غایت بولوب صاحب
خانه چلبی بونک اغترابنک سببی نه اولدیغندن وابتدای
نهضت و انتهای منازل و حرکتدن قح کلام و سؤال
مرام ایلدکده تحصیل علوم ایتدیکنی و تکمیل و اتمامندن
صکره وطن اصلی جانبیه رو براه اولدیغنی افاده ایلرکن
اول جوان کلچهره برآه سرد چکوب نرکس جهان پینلرین
فیاضه کلسنه رخسار ایدوب بنم دخی پدر والا کهرم
طلبه علوم زمره سندن بر وجود شریف ایمش والده
مکرمه بی تروج ایتدیکی سال فرخنده فالدیه سودای
تحصیل ایله توجه غربت ایلش هنوز هژده سالدرکه
نه حیات و مماتندن خبرونه بردیارد ملاقی اولمش بر کیمسه دن
اثر وار حتی پدر مهر بان کتدیکی سالده بنده کز قدم
نهاده ساحه وجود اولمش الان اسنانندن اون یدنجی
پایه به رسیده اولدیغنی زبان مادر مشفق ده معدود در
دینجه اول مرد حسرت پرور مثال شیرزیر کره یرندن
صحرایوب های نور دیده کریم معتادم با کوره شجره
فؤادم محصول عمر شتابانم روح روانم اوغلم جانم دیوب

دراغوش ایلدی بوهنگامه کرما کرمله نهانخانه حرم
طرفنه کتدیله الله اوج مشتاق کریمه شادیده اتفاق ایدوب
بر مجلس آتشین اولمشدرکه ع نه کورلمش نه ایشیدلمشدر
بو حکایتک فحوا سندن صبرک فوائدی نه پایه ده اولدیغنی
معلوم سامعین دور بین اولق مقرر در ای نور دیده
صبر حقنده آیات قرآنیه ده واحادیث نبویه ده قتی
چوق منافع و محاسن بیان اولمشدر بو مختصرده بو مرتبه
ایله اکتفا اولندی

(بطن المرء عدوه)

معنای لطیفی کتبیک شکمی دشمنیدر (اعدا عدو
نفسک التي بین جنبیک) حدیث شریفک مال شرف
لزمیدر مشارب حیوانیه بی پیشنهاد ایدوب خوش علف
اولنر تمیز حلال و حرام ایتوب رزمگاه جهاد اکبره
تلف اولق مقرر در الجوع طعام الله یحیی ابدان الصدیقین
فحوا سنجه خوان نفیس انسانیتدن بهره مند اولق همت
عالیه اصحابنه مختص واصحاب شکم بهایمله اشتراکدن
خلاص اولوب مرتبه ابا حنده طبله خوار لغه مرخصدر
حضرت مولوی قدس سره العزیزک بو آیات سعادت
اساسندن صاحب بصیرت اولان وجودل مال شناس
اولورلر (مشوی)

تن چو با بر کست از ان

شاخ جان در برک ریزست و خزان
برک تن بی برکی خاست زود
این بیاید کاستن آنرا فرود
اقرضوا الله قرضه زین برک تن
تا پروید در عوض در دل چمن
قرض ده کم کن ازین لقمه نذرت
تا نماید وجه لاعین رأت
تن ز سر کین خویش چون خالی کند
پرز مشک و در ا جلالی کند
عداوت شکم بوندن اوز که اولماز که پر خوارلق سالکی
قسوت قلبه مبتلا ایدوب شاهدان عالم غیب ایله آشنا لقند
منع ایدر و چشم و گوش دلی کر و کور ایتدر مک ایچون
حق کوروب ایشتمکدن دور ایدر
(با کرسعد)

معنای لطیفی اول نهاده متیقظ و آگاه اولکه سعید
اوله سن و خورشید سپهر نبوت چاره ساز در ماندگان
امت صلی الله علیه وسلم حضرت تری بیور مشرکه (اللهم
بارک لامتی فی بکورها) رواه ابوداود الترمذی اول شهر یار
اقلیم جهاد اکبر بر محله سریه و عسکر کوندرسه لر اول
نهاده ارسال بیور لر ایدی جناب امام علی کرم الله
وجهه و ابن مسعود رضی الله عنه یو حدیث شریفی

دخی روایت بیور لر قال النبی صلی الله علیه وسلم
(یا کرموا طلب الرزق فان الغدو برکة ونجاح) عالم
ربانی حضرت شیخ شعرانی رحمه الله علیه شیخ علی
خواص حضرت تلرندن نقل بیور لر که حضرت حق جل
جلاله ارزاق محسوسه بی صلاة صبح عقینده و ارزاق
معنویه بی صلاة عصر دن صکره بخش و تقسیم ایدر
انکچوندر که بویکی وقت مبارکده بز خوابدن نهی اولندق
زیرا بو وقت لرده خواب عدم فاقه یه و کرم قسام ارزاقه
قلت اعتنای مشعردر وینه ناقل کلام شیخ عالمقام
حضرت تری بیور لر که اعقاب صلاة صبحده خواب
بو مضرات معنویه دن غیری علت اخری دخی ایجاب
ایدر که وجع جنبدر بر مدت وقت معهودده خوابی معتاد
ایتمش ایدم اول اثناده مرض مر قومه مبتلا اولوب
سببی دخی بیلمکده عاجز اولدم شیخ امین الدین
حضرت ترینه احوالی افاده ایتدیکمده اولمیه که بعد
صلاة الصبح خوابه اعتیاد ایده سن دیوب انس بن مالک
حضرت تلرندن یو حدیث شریفی روایت بیور دی قال
علیه السلام (من واطب علی النوم بعد صلاة الصبح
ابتلاه الله بالیعج) شیخ حضرت ترینه یعج ندر دیو سؤال
ایتدم وجع جنبدر دیو بیور دیلر صلاة صبحدن صکره
طلوع آفتابه دک خوابی ترک ایلدم بحمد الله تعالی مرض

معهوددن خلاص اولدم لمنشه

دولت فیض خدایی دل آگاه بولور

غافل اولمه که یوانلر آنی ناگاه بولور

کلشن جانیه اولان بلبل دستان سرا

نفخه بوی کل وصلی سحرگاه بولور

(بشاشه الوجه عطیه ثانیه)

معنای لطیفی زمار عطا و مکرّمه بشاشت و روی دل

ارائی عطیه ثانیه در (بیت)

شرم کرم اگر نکند ازد کریم را

کرد بحالت از رخ سائل که میبرد

کر مکاران صاحب عرفان فقرایه بذل نوال و نثار اموال

ایتدکری وقتده اظهار بشروع و عواطف ایدوب بر کونه

معامله بالجماله ایدر که کویا که کندیلر فقیر و محتاج

و فقرای باب الله اغنیای ذوی الایته ایدر صدقه

نهائینک مقبولتی که اخبار صحیحیه ایله مثبتدر معامله

مذکوره نک عند الشارع اوضاع مستحسنه دن اولد بغنه

مجتدر اصحاب البابه خفی دکلدر که هر کسک جود و سخایه

ورزشی کنجینه مواهب الهیه نک بیدریغ متوالی اولد بغن

ادراک و شهودی مقداریدر شول وجود مسعودر که

(الاغنیاء و کلاء الرحمن) مضموتی تصدیق ایدوب

وکالت پادشاه کونین الله مباحی و مفاخر لدر عبال الله

اولان فقرایه خدمتده چاک و چالاک رشذعت بخل

وامسا کدن متفر لدر جناب علی ابو الحسن نین رضی الله

عنهم حضرتلری پیشگاه باب سعادت مایلرینه توجه ایلین

سائلری تمام عزت و اکرام ایله استقبال ایدوب اهلا و سهلا

و مر حبا ای بنم بار و بنگاه اجور جز یله می ساحه درگاه

کبریا پناهه بی مزد و اجرت نقل ایلین یار غار صاف البالم

دیو هزار توقیر واجلان ایله دستار احتیاجنی پر زیور

غنیه احسان ایدردی

(ربع الدنیا بالآخره ترجیح)

معنای لطیفی دنیایی آخرته صانکه ربع کثیر ایدرسن

عروض و نقود نشائه دنیویه نک سرعت فناسن فهم

ایلین کرده انبوه اصحاب زکا و فطنت امتعه متنوعه

فانیه به توجیه نظاره اعتبار ایتزلر باقیات صالحات که

صوالح اعمال و محاسن افعالدر عند الله باقی و جاوید

اولوب عمالی نشائه اخرویه ده قریر العین و سعید اوله جفته

تصدیق و ایمان بلکه تحقیق و عیان ایتمکله طریق

شک و امتزایه کتمزلر بو معامله جیه ایله سودا کر بازار

اطاعت و انقیاد اوانلره دنیایی آخرته بیع ایتمش سود

بمحاسب ایله تجارت رابحه به مستحق صلحا و عباد اطلاق

اولنور و روی انه قال علیه السلام (بان جبریل اتانی

وقال ان الله تعالى قال وعزتی و جلالی انه لیس من الکبائر

کبیره هی اعظم عندی من حب الدنیا (مثنوی)
هر که آجز بین ترا و مسعود تر
هر که آخر بین ترا و مطرود تر

ای آنرا کزین ملک بچست
که اجل این ملک را ویرانگرست
حقارت دنیای دنیسه بی چشم بصیرت ایله ادراک ایدن
نقادان تیز فهمان زمره سندن بر مرد پاک پیورر
(جان در حمایت یکدمست و دنیا وجودی میانۀ دو عدم
دین بدنیافروشان چه خرنند یوسف فروشنند تاجه
خرند) (بیت)

بقول دشمن پیمان دوست بشکستی

به بین که از که بریدی و با که پیوستی
فقهای عظام علیهم رحمة الملك العلام پیورمشلر که
بر کیمسه مالم اعقل بنی آدمه وقف اولسون دیسه شردمه
زهاده صرف اولنور که زاهد تارک دنیا و راغب درجات
عقبایه دیرلر بعض مشایخ کرام پیورمشلر که معانی
آیات قرآنیه تتبع اولنسه که اوتوز جزئدر تخمینا انجیق
بر جزئی معاش دنیویه به متعلق تقریباً یکر می طقوز
جزئنده گاه صراحة گاه اشاره بیان و ترغیب امور
اخرویه متحققدر حضرت امام شافعی رحمه الله
پیورمشلر که علایق دنیویه قلمدن بر کونه مطرود و زخارف

امتنه فانیسه پیش نگاه اعتبارمدن بر پایه ده مر دود در که
اکر بالجملة نعم دنیا و ما فیهای بر رغیفه مزاد ایتسه لر
اشترادن روگردان اولوب قید ابتلائی محببیه پابسته
و مستهان اولمام خلاصه سخن دنیا و اهل البسنتک هوانه
(و ما هذه الحیوة الدنیا الا لهو و لعب و ان الدار الاخرة
لهی الحیوان لوکانوا یعلمون) برهان قاطع کفایت ایدر
و مستسقیان مرض حرص و آرزو خذلانه (لوکانت
الدنیا ترن عند الله قدر جناح بعوضه ماسقی منه کافرا
شربه ماء) حدیثی دلیل و حجت اقامت ایدر
(بلاء الانسان من اللسان)

لساندن مراد کلامدر محاز مرسلدر ذکر محل اراده
حال قبیلندندر قال علیه السلام (البلاء مؤکل بالمنطق)
معنای لطیفی کشفنک بلاسی لساندندر فی الحقیقه اکثریا
بنی نوع انسان افتاده و حل بلا اولوق عصای عاقبت
بینی به اتکا ایتیموب بی اندیشه کویا اولمسندن ناشیدر (بیت
اول اندیشه و آنکھی گفتار

پاز بست آمدست و پس دیوار
عاقل دانا سخنده ایداع اولسان تأثیراتی مشاهده ایدوب
نامحل گفتاره لب کشا اولمقدن احتراز ایدر (بیت)
کبک اکر خنده بیجا نکند

من ضامن که گرفتار بشهباز نکرده

هرگز خصوصاً اول سخن که دل غیره ناخن زن اوله
ز برا مجروح شمشیر خون آشام ایچون امید بهودی
منقطع اولماز لکن زخمدار تیز کاری سخن مرهم سلیمانی
اعذار ایله تسلیمیدن منتفع اولوب البته اثر باقی قالور (مثنوی
نکته کان جست نا که از زبان
همچو تیری دان که جست اواز کان

وانکر دد از ره آن تیرای پسر
بند باید کرد سیلی راز سر
چون گذشت از سر جهانی را گرفت
کر جهان ویران کند نبود شکفت

ای زبان هم کنج بی پایان تویی
ای زبان هم رنج بی درمان تویی
حکایت سر بازان معرکه جهاد اکبردن مشایخ سالفه
نامور زمره سندن حضرت حسین منصور علیه رجه
الرب الغفور حائر قصب السبق کمال اولان صف نشینان
درگاه لایزال عدادندن بر وجود مکرم ایکن اوائل ساو کده
خرقه پوشان صعلو کدن همقدسری بر جاعله بر کون
خلال صحبتده عارج اعلا معارج نبوت واصل اقصی
منازل قربت مفخر کائنات علیه از کی الصلوات
حضرت تیرینک معامله معراجیه سندن مکالمه اثناسنده
الکلام میجر الکلام) فخوا سنج سلسله صحبت اول مبلغه بالغ

اولدیکه سلطان کشور ازل وابد اول شب حضرت
احمد دن هر رجا که معرض انهایه رسیده اولوردی همان
اول آن قرین شرف قبول ایدوب سبجل اجابته کشیده
قیلوردی دینلادی حضرت منصوره کمال انبساط ال
ویروب دیدیکه اکر اول نازنین بزمگاه قرب القرب طبقات
بحیم بالکلیه عذیم و فرق کفار خا کسارک داخل
دار نعیم اولمربنی مراد ایدوب جمیع افراد ثقلین رحمت
رب کریم ایله قریر العین اواسه لر خزینه جود ربانیدن
نه نقصان اولوردی اکر بوفقی رزمان سعادت لرنده کلمش
اولیدم جناب مکارم نصایبلرندن بو خصوصی پرسان
اولوردم دیدی (بیت)

ازان پیچیده ام همچو صدف در طرف خاموشی
که نتواند نهاد انکشت کس بر حرف خاموشی
اول کیچه مردم چشمی نجله نشین خواب و سیاح تخیله سی
تماشای دیار عالم مشان ایچون تهی ساز زین ورکاب اولدقده
سلطان قلم و اقالم بلاغ مربع نشین پیشگاه قصر
مازاغ صلی الله علیه وسلم حضرت تیری اریکه آرای
ظهور اولوب خطاب خطاب امیر وجواب تو بیخ انکیزی
متضمن پیوردیلر که ای حسین منصور نیچون سرکوی
ادبدن دور و مهجور اولوب هرزه کردی بادیه خلیع
العداری و برون تازی دایره حکمت ناشناسی و خامکاری یه

اجترأ ايتدك معاشر انبيا وعرسلين خلاف مشيت
دادار جهان جهان آفرين اولان مستحيل طلب ونياز
ايتزلر وكنجينه اسرار قدر مؤيدلرينه تسليم اولنور
اما كشف راز طريقه كتمزلر (مشوى)

هر كه را اسرار كار آموختند

مهر كردند و دهانش دوختند
ايمدى فرمان پادشاه كائنات سنك قضا و قدره اعتراضك
ايچون بويله جارى اولديكه نهايت سنين عمر كده وجودك
زيور سردار و جان سپاران نبردگاه عشق و محبت كروهنه
سردار اوله سنن (بيت)

جانان ديله ين جهاننه باقر

يوق يوق نه جهانكه جاننه باقر
انجامكار سرمستى سلافة صهباي عشق الهيدن ناشى
عقبات طريق معنادن بر عقبه معضله بر زخمي ايله حال
تباهى معلوم صغار و كبار و كلر وى سپداشتهارددر (رباعى
در كوى تورسم سرفرازي اينست
عشاق ترا كينه بازى اينست

باكي نبود اكسرم رفت زتن
باشد كه ترا بنده نوازي اينست
خلاصه سخن عاقل كامل اكشار كلامه مائل اولميوپ
اغلب احوالى سكوتله كذار ايتك كر كدر زيرا (من كثر

كلامه كثر ملامه (مضمونك ثبوتى ظاهر و آشكاردر
و محل كفتارده خاموش اولق دخی جاده حقدن كرىوه كبر
خلاف اولمقيدر (الساكت عن الحق شيطان اخرس)
خواسنك تحقيقى مانند مهر نصف نهارددر (بيت)
دوجيز طيرة عقلست دم فرو بستن

بوقت كفتن و كفتن بوقت خاموشى
(بكاء المرء من خشية الله قره عين)

خشيت خوفه ديرلر قره عين سروردن كياه در شرح
حريريده بوكونه صحيح ايلشلكه ان دمعه الحزن حارة
ودمعه السرور بارده ولهذا (قيل للمدعوه اقر الله
عينك مأخوذة من القمر وهو البرد وقيل للمدعو عليه
اسخن الله عينك مأخوذة من السخنه وهى الحرارة)
معناى لطيفي كشتنك خوف الهيدن بكاسى قره عيندر
يعنى سروردن باعتبار مايؤل اليه جامع الصغيرة سبوطى
مرحوم انس بن مالك رضى الله عنه روايتى ايله بو حديث
شريفى روايت بيوررلر (من ذكر الله ففاضت عيناه
من خشية الله حتى يصبب الارض من دموعه لم يعذبه الله
يوم القيامة) و حديث آخرده بيوررلر كه (لا يدخل النار
من بكى من خشية الله ما لم يلج اللبن فى الضرع) نقل
اولنور كه روز جزاده قنكه فرقه عصاة مسلمينك
اوزرلرينه اصل بخيدن مانند جبال عاليات بر قطعه

آتش سرزده اولوب هجوم ایتدکده شفیع عاصیان
امت آب افشان بیهوشان معصبت صلی الله علیه وسلم
حضرتلری دفع و رفعنه سعی و کوشش ایدوب نشاندہ
سیلاب مدافعه اولق ممکن اولمقدہ لب جنبان استمداد
اولوب یا جبرائیل یتش کہ آتش نائرة طاقت سوز سقر
امت درد مندمی سوزان و خاکسترا یتک ایچون زبانه کش
اولدی دیوندا ایتدکده فی الحال حضرت روح الامین
ید مؤید سلطان دینه بر قدح سمین لبریز آب ناب و یروب
یارسول الله بو آبی علو بر تاب دوزخه افشاندہ ایلہ دیو
اشارت ایلہ وقتما کہ مثال کوه پر شکوه اولان نار پر شرار
اوز رینه اول آبی صاچدقدہ فی الحال اطفا ایلہ جناب
ناموس اکبردن سوال ایدوب یا جبرائیل بو آب نه کونه آبدر کہ
ادنا شراره سنی هفت در یایله دفع ممکن اولمین آتش
غضب فروز کانون حمیمی تسکین ایلدی دیدکده
یارسول الله بو آب دکلدر الاسنک امتکدن بعضیلر پیغوله
خاواتده خوف الهی ایلہ کریه ایتدکدری وقتده دیدہ
غم دیدہ لرندن ریزان اولان قطرات اشک چشمدر کہ
فرمان حضرت رب رحمان ایلہ جمع و چیده ایدوب حفظ
ایتمش ایدم اشته هنکام اظهاری رسیده اولدی دیو
جواب ویره حضرت عمر بن الخطاب رضی الله عنه
جنابلرینک فرط سیلان دموعدن رخسار پرا نور لرندہ

ایکی خط پیدا اولوب کاه کاه آه جانکاه ایدوب تولیدی
مادر مهر بانم بنی طوغرمییدی دیو خشیه اللهدن فریاد
وواویلا ایدردی یوما من الایام اسواق مدینه منوره ده
براسب صبا رفتاره سوار اولوب کیدرکن بر محله بر کیمسه
تلاوت قرآن کریم ایدردی (ان عذاب ربک لواقع)
آتی کوش مبارکنه ایرشدکده بیهوش اولوب سر بام
خانه زیندن افتاده سطح زمین اولدی بخود ولای عقل
خدمه پا کدل سعادتخانه لرینه کتوردیلر غنچه مزاجلری
تمام بر آی نسیم عافیت ایلہ کشاده و پرا تهاج اولوب
طشره چیقمدیلر و حضرت سفیان ثورینک قدس سره
العزیز موتنده قاروره سنی بر طیب حاذقه ارائت ایلدیلر
علام قطعیه طیه ایلہ استدلال ایدوب دیدیکه بونک
صاحبنک جاکری خوفدن منقطع اولمش بعد الیوم
امید بهبودی محالدر ایمدی هر کسک حضرت حقک
غضبندن خوف و بیمی مراتب الهیه ده عرفانی مقدار یدر
انلر که رقدہ غفلتله خفته اوله لر (اولئک کالانعام
بل هم اضل) ماصدقلر یدر خوفدن بری و عاریلر در
(انما یخشی الله من عباده العلماء) عالم بالله اولان وجود
شریفلر زیاده خوفناکلر در (ان المخلصین علی خطر
عظیم) زیرا ظاهرده دخی ندمای پادشاه ذله قلیله
ایچون معاتب اولور لر (من خاف نجاة) فوا سنجه روز

رستاخیزده انجق اول طائفه جلیله پی با کلدرد (الا ان اولیاء الله لا خوف علیهم ولا هم یحزنون)
(بركة المال فی اداء الزکوة)

معنای لطیفی نما و برکت مال ادای زکوتده در مفهوم
مخالفی حضرت مولوینک بویت شریف لردن منفهم
اولور (یت)

ابر بر ناید پی منع زکات وزرنا افتد و باندر جهات
بویتک مضمونی حدیث شریفده دخی وارد اولمشدر
(خذ من اموالهم صدقة تطهرهم) آیت کریمه سنده
اولان امر امر وجو بدر بو تقدیرجه زکاتی اخراج
اولنان مال اصناف اموالک غایت اطیب واحسنیدر
ماله مال تسمیه اولندیغی قلوبک اکامیلی زیاده
اولدیغیچوندر دیمشلر ادای زکاة ارکان قصر اسلامک
بررکن رکینی ورزاقیت حضرت باری یه ایمانک دلیل
مبینیدر مال شق روح روان و محبوب طبعی بنی نوع
انساندر محضا امثال فرمان ذی الجلال ایچون کشی
محبوبنیدن مفارقت ایتک تمام شرط تدین و مردی
و محبت خالق و هابده ابراز کرمیت و خطام دنیویه
علاقه سنده اظهار سردیدر قال الله تعالی (والذین
یکتزون الذهب والفضة ولا ینفقونها فی سبیل الله فبشرهم
بعذاب الیم) وعیدنده مفسر وندن بعضیلر (کل مال

لا تؤدی زکوتده فهو کثر وان کان علی وجه الارض)
دیو بیور مشلر مرتبه فرضبنده صلاوة وصوم و حج و شهادت
ایله زکاة مساویدر اقسام اربعه شروط اسلامک
عمدا تارکی نیجه مستحق عذاب شدید ایسه تارک زکاة
دخی بر مقتضای وعید مؤاخذ اولیق ظاهر و بدید در
(نعم المال الصالح للرجل الصالح) حدیث شریفنده
مال صالحدن مراد زکاتی و یریلان مال ورجل
صالحدن غرض مؤدی زکاة اولان مرد خوشحالدر
عشرة مبشرة دن عبد الرحمن بن عوف حضرتلری
رضی الله عنه میانه اصحاب سعادتآبدیه ثروت و غنا ایله
مشار الیه بالبنان اولنلردندر بر کون مدینه منوره یه
صلوات الله علی افضل ساکنیها بر قافله عظیمه کلدیکه
جمله اجمالی مأکل و ذخایر مقوله سی و بالجملة مشار الیه
حضرتلرینک مال حلالی و خدمه کاربان مزبوره جیعا
عبید واجیری اولوب اصلا غیرک شی یسیری یوغیدی
برکروه انبوه اولغله سراپا محیه طیبه نک دروب واسواق
صیاح دواب و جمال ایله مالا مال اولدی حضرت عایشه
صدیقه رضی الله عنها وعن ابیها یوندر دیو سؤال
بیوردقلرنده عبد الرحمن رضی الله عنه حضرتلرینک
قافله سی کلدی بو کثرت اول صاحب مکتکدر دیدیلر
حضرت صدیقه بیوردیلرکه صدق رسول الله (لانه کان

يقول عليه السلام اني رأيت الجنة فرأيت فقراء المهاجرين
والمسلمين يدخلون الجنة سعيا ولم ار من الاغنياء يدخلها
معههم الا عبد الرحمن بن عوف رأيت يده يدخلها معهم
جنودا على اربع (بوحديث شريف حضرت عبد الرحمن
كوش ايتد كده بحر زخار سخاسي جوش وخروش ايدوب
يا عايشه بو قافله بي جمله بار و بنكاه واشتراني ايله في سبيل الله
انفاق وجميع خدمه سي اولان ارقا بي طلبا لمرضات الله
اعتاق ايتدم اوله كه حضرت باري بني دخی لطف
واحسان ايدوب سائر داخلين كي ساعيا داخل دار جنان
ايليه ديدى ودخی بو كلام درر برك معنای باطنی
اراده اولند قدده ممكندر كه مال ايله مراد جسم انسانیده
ايداع اولنان قواده طلبا لرضاء الله تصرف اولنه
نته كيم بو خبر صحت ائرده بيور لمشدر وفي الجامع الصغير
روی ابو موسی عن النبي عليه الصلاة والسلام (على كل
مسلم صدقة فان لم يجد فيعمل بيديه فينفع نفسه ويتصدق
فان لم يستطع فيعين ذا الحاجة الملهوف فان لم يفعل
فيأمر بالخير فان لم يفعل فمسك عن الشرفاته صدقة)
معنای حديث هر مسلم اوزرينه صدقه واردر اكر مال
بولماز سه ايله عمل ايدوب هم كندی نفسی متفع اوله
وهم تصدق ايليه اكر عمل ايتكه قادر اولماز سه
كندودن استعانت ايلين ارباب حاجات مظلومينه

اعانت ايليه اكر بو كادخی قادر اولماز سه شراشمكن
امساك ايليه تحقيقا انكچون بو حالت صدقه در
(برك لا تبطله بالمنه)

معنای لطيفي احسانكي اظهار منت ايله ابطال ايليه
منت احسانتي محسن اليه اوزرينه تعداد ايتكه ديرلر
حضرت بيضاوي بيض الله وجهه بو آيت كريمه نك
تفسيرنده بيورلر قوله تعالى (يا ايها الذين آمنوا لا تبطلوا
صدقاتكم بالمن والاذى) اي لا تخبطوا اجرها بكل
واحد منها تمام آيتده كه (والله لا يهدي القوم الكافرين
كريمه سيدر بيورلر كه وفيه تعريض بان الرياء والمن
والاذى على الاتفاق من صفة الكفار ولا بد للمؤمن من
ان يجتنب عنها) عاقل كامل اول كيمسه به ديرلر كه
في الحقيقة محسن حضرت خدای رحمان اولوب عبد
اول صفتك ظهورينه آلت اولديفن اذعان ايدر ومحسن
اليه تحمیل منت ايدوب اجر و ثوابدن حرمانه رضاداده
اولماز بو معامله جميله ايله آخرتده درجاتي نقصان بولماز
(بيت لراقه) غرايب انده كه نو دولتان سفله نهاده
تعظمي كرم ناقص العيارينه دكر

(بقية العمر لا قيمة لها)

معنای لطيفي بقية عمر ايچون قيمت يوقدر ازمنه ثلثه كه
حال ومستقبل وماضيدر زمان ماضينك تداركي ممنوع

و مستقبل موهوم غیر مجزومدر فقط زمان حالده تدارك
آخرت ممكن اولديغن درك ايدوب عاقل اولان عمرندن
منتفع اولور (مثنوی)

روزها رفت کور و بالک نیست

تو بمان ای آنکه چون تو بالک نیست
مشایخ کرام فئام اهل سلوکی تقویت مواقبتدن تحذیر
ایدوب الوقت سیف قاطع کلام شریفی ایله تعریض
وتنبیهی تکریر ایدر لر (بیت)

دلاکدایی ورنندی ز پادشاهی به

دمی فراغت خاطر زهرچه خواهی به
نته کیم هوای نفسانیه به مخالف و معارض اولان کبار
اولیاء و اصلیندن شیخ عمر بن فارض قدس سره
حضر تتری بیور لر (بیت)

وکن صارما کالوقت فالوقت فی عسی

وایاک علی فهی اخطر علة
بو قول ذوالهوله دخی اشارت بیور لر که (من اهل
وطیقة الوقت طوقته مقت) راه خداده سعی و کوشش
جزء طبیعتی اولان طالب راغب لری مر بیان دبستان
طریقت تضبیع اوقاتدن منع ایدر لر معنای بیت حقیقت
اساس دیمکدر که ای سالک هر وقتده نفسک اوزره
اجرای احکام الهی و امضای امر سبحانی ایلمده ده

وقت کبی سیف صارم و شمشیر جازم اول زیرا عسی دیمده
بغض عظیم واردر اومارم نیجه ایامدن صکره جناب
حقه توبه و انابت ایدم هله الان عیش و عشرت ایده لم
باب توبه مفتوح ددر دیمکده معصیت شدید واردر (مثنوی
صوفی ابن الوقت باشد ای رفیق
نیست فردا گفتن از شرط طریق

تو مکر خود مرد صوفی نیستی
هست را از نسیه خیرد نیستی
ودخی حذر ایله رجا ایدر مکه بعد زمان متوجه اولورم
و اعمال صالحه ایشلرم دیمکدن زیرا بوالعل اخطر علتدر
آنکچونکه هر وقتده برخاصه واردر پس اول وقت که
فوت اوله وقت آخرد آتک ادراکی قابل اولماز واکر
وقت اولده ضایع اولان خواصک تدارکنه سعی ایتمه
حاضر اولدیغی وقتک خاصه سی فوت اولور نته کیم
حضرت جنیدی مریدلرندن بریسی محزون کور نیجه سببندن
استخبارده ابرام نمون اولدی (قال فاتی ورد من اورادی
فقال له صاحبه اقضه فقال کیف اقضیه والوقت
مصرف بامر آخر اهم منه) مصرع
ایره مز منزل مقصودنه اهل اهللی (*) فی حرف التاء
(تدارک فی آخر العمر مافات فی اوله)
معنای لطیفی عمرک آخرنده تدارک ایله عمرک اولنده فوت

لامک تشدیدیه مصرع ثانیه
اولان علی یاء منکم ایله ترویجی
معناسنه اولان اعلینک مخفیدر
للطابع

اولان نسنه بی آخر عمر دن مراد آنفا مذکور اولان
زمان حالدر هر مؤمن و موحد و واجبد که همان بولندی
حالده بالجملة جرایمه توبه واستغفار ایدوب رحمت حق
طالب اوله خصوصاً که سلم پایه سن اربعینه پانهاد
اولدقده وحل دشوار گذار هوا وهوسدن دامن چیده
اولوب محضاً عبادت خدا ایچون نفسنی تفریح و تحصیل
قرب معنوی جناب خدایه جد بلیغ ایلیم طبرانی اسناد
حسن ایلیم مرفوعاً بوحديث شریفی روایت بیورر قال
النبي عليه الصلاة والسلام (من احسن فيما بقي غفر له
ما مضى ومن اساء فيما بقي اخذ بما مضى وما بقي) جناب
مولانا من كل الوجوه اولانا حضرت تیرینک مشنوی شریفده
ترغیب توبه خصوصنده ایراد بیوردقلری معنای منیف
بوحديث شریفک مضمونیدر (مثنوی)

کر سیه کردی تو نامه عمر خویش

توبه کن زانها که کردستی تو پیش

عمر اگر بگذشت بپخش این دمست

آب توبه شده اگر اوبی نمست

پنج عمرت را بده آب حیات

تا درخت عمر گردد با ثبات

جمله ماضیه ازین نیکو شود

زهر بادینه ترا گردد چو قند

سپهات را مبدل کرد حق

تا همه طاعت شود آن ماسبق

صحیح الاسناد اولق اوزره روایت حاکم رحمه الله ایلیم
بر حدیث آخرده دخی بیورر لر که قال النبي عليه السلام
(من سعادة المرء ان يطول عمره ويرزقه الله الانابة)
وقال الله تعالى (يا ايها الذين آمنوا توبوا الى الله توبة
نصوحاً) اجمالاً معنای شریفی ای مؤمنان عن صمیم البال
رجوع ایلک جمیع معاصی و مناهیدن الله رضا سینه
خالصة و صادق شوائب ذنوبیدن صفوتده مبالغه اولان
توبه ایلیم دیمکدر (بیت)

هر کر توبه از معاصی نیست از عذاب ابد خلاصی نیست

معلوم عزت اولسونکه آفتاب روح روان افق مغرب

جسد دن طالعه و تابان اولدقده باب توبه مطلق و عذر

معاصی پیشکان درگاه عاجز پناه کبر یاده مر دود مطلق

اولماز حکایت زهری رضی الله عنه نقل ایدر که بر کون

حضرت عمر رضی الله عنه مجلس خیر البشر شفیع روز

محشر صلی الله علیه وسلم حضرت تیرینه کریه کان کلوب

یا عمر سبب کریه ندر دیو استخبار بیوردقلرنده دیدیکه

یا رسول الله پیشگاه باب سعادت آمده بر جوان نور سیده

کریان طورر آنک سر شک چشمی قلبی سوزان واشک

دیدم می چکیده ایلدی حضور شریفه کلسون دیو

فرمان یوردیلر اول جوان ناتوان نادی شرف مبادیلرینه
کله دکه ده موجب کریه دلسوز ندر دیو سوال یوردیلر
دیدیکه بنم برگاه عظیم وقهر دادر کرد کاردن خوف
و بیم وار انکچون اغلرم جناب فخر کائنات علیه السلام
یوردیلرکه سندن حضرت احدیت دستگاه شریک
صادر اولدیمی خیر اولمدی دیدی یا خود قتل نفس
انسانی ایله نفس اماره سکا غادر اولدیمی اولمدی دیدی ایمدی
حضرت غفار الذنوب سنک کاهک سموات وارضین
مقداری دخی اولور سه مغفرت و روز عاصی سوز حشرده
نثار رحمت ایدر بعد ازین یار رسول الله بنم جرم هفت اجرام
سپهر دوار و جبال راسیات کردون مقداردن بزرگتر در دیدی
حضرت سلطان انبیا علیه السلام یوردیلرکه سنک
کاهکمی اعظم در یا خود عرش اعلامی کاهم یو کدر
دیدی سنک جرمکمی مقدارده زیاده در یا خود عفو
و رحمت رحمانی دیدی یار رسول الله عفو و غفران حضرت
ستار بنم کاهمدن اعظم و بسیار در دیدکده ایمدی
کاهکی خبر و یر دیدی یا حبیب الله حضور شریف کده
سویلمکه استخیا ایدرم دیوب تکرار سویله البته دیو
الحاحدن صکره بو وجهله کویا اولدیکه یدی سنه در
نباشلق عادت و مردکان اسلامی برهنه قلمق صنعت ایدی
بواننده بنات مخدرات انصاردن بر دختر سیم بر و براه

عالم دیگر اولوب دفن ایتد کلرنده بر شب قبرین آچوب
گفتن صویدم الوب کیدر کن تکرار نفس و شیطانک
مکرینه اویدم دونوب کلوب حاشا اول میتدیه زنا و مقارنته
اجترا ایلدیکمه بعد اجراء الفساد اول مرده بیجان
المندن طوتوب بکا دیدیکه ای ظالم بدکار دیان یوم دین
اولان حضرت قهاردن حجاب ایتدک معدلتگاه قیامتده
کرسی قضا در میان اولوب ظالمدن مظلومک حقنی
آلویردیکی و قتده بنی عسکر بنی موتی ایچنده عریانه ایقاف
و آلوده لوث جنابت ایدوب محتاجه آب صاف ایلدک
جناب نبی کریم بو کلامی کوش ایتدکده همان ساعت
یرلندن سریعا صحرا یوب اول قائلدن اعراض و تولی ایله
برغیری محلی دخی شرف جلو سلیله مشرف یوروب
ای فاسق سیهکار (ما اجزاک علی النار) دیو حضور
عزت لندن طرد ورد یوردیلر بوندن صکره اول جوان
نومیدانه جانب محرایه کریه کان و توبه کویان روانه
اولوب تمام یدی کون نه یدی ونه ایچدی خواب و خوری
نفسنه حرام ایتدی حتی بی تاب و توان بر موضعه دوشوب
یوزن خاکه سوروب دیردیکه الهی بن مذنب و خاطی
و جانی شفیع المذنبین اولان حبیبک در کاهنه رجای
شفاعت ایله قاصد و عانی اولدم بزرکی کاهم کوش ایدوب
بنی حضور شریفندن رد و باب شفاعتی بکا منسد ایلدی

ای ارحم الراحمین حالا سنک بایکدن غیری ملجاء و مأوی
 یسلم و جناب عزتکدن اوز که کیمسه به نیاز و التجا قلم
 یارب اگر بکا فضل و عنایتکدن مرحت ایدوب جرمی
 عفو قرین ایدرسک حبیبک رجه للعالمین جنابنه اعلام ایله
 والا بکا دنیاده بر آتش جسد سوز حواله ایدوب بو جسم
 مکر و همی یاقوب اعدام ایله که آخرتده نار حیمیه تأخیر
 ایتموب بروفق معصیت تعذیر اولم بواشاده حضرت
 جبریل امین نازل اولوب وحی آور اولدی بومضمونده که
 یا محمد حضرت پادشاه خالق الانام سکا سلام ایلدی
 و دیدیکه کروه عبادی خلق و ایجاد ایلین کندیمیدر
 یو خسه بنی یم جواب و یروب یوردیکه (وهو الذی
 خلقهم و خلقنی) و رزاق بندکان جناب احد میدر
 یو خسه حضرت احد میدر یوردیکه (بل هو الذی
 رزقهم و رزقنی) و قابل توبه کنه کاران نبی آخر زمانمیدر
 یو خسه حضرت غفار و رحانمیدر یوردیکه (هو الذی
 یقبل التوبه عن عبادہ و یعفو عن السبئات) عباد
 مذنبیندن بر بنده شرمنده می حضورینه ارسال ایلدکده
 ذنوبندن فقط بریسنی کندویه اظهار ورجای شفاعتله
 عرضحال ایتدکده اندن روگردان و کریزان اولدی یا فردای
 قیامتده عرصه عرصاتده شرمده عصاتک ذنوبی مانند
 جبال شامخات مشهودی اولدقده انلردن اعراض

وشفاعت لرین اغماض ایدرمیکه حالا ذات مکر می بنم
 رسولمدر و عالمیه رحتدر لکن اندن ارحم و احوال
 عبادہ اعلم حالا اول بنده کستاخلک نیازی قبول ایتدکده
 اول قولمه اعلام ایلسون جناب حبیب کبریا علیه
 الصلاة والسلام بنفسه سر یعا کتدیله یا خود اصحاب
 کرامدن بر قاج وجود شریف کیدوب اول مستندی
 بولدیله عفو و غفران خدا و رحمانه تبشیر ایدوب حضور
 رسول الله کتوردیلر و اول تشنه بادیه یاسی چشمه آب
 زلال مکرمته یوردیلر هنکام قدوملری اقامت صلاة
 مغربه تصادف ایتدکده قبل الملاقات تحریمه بند فریضه
 مغرب اولوب امام انبیاء علیه وعلیهم ازکی التحایا حضرت لرینه
 اقتدا ایتدکدرنده بعد قرائة الفاتحه سورة کریمه تکاثری
 قرائته شروع یوردیلر (حتی زرتم المقابر) صداسی
 کوش زدی اولدقده بر صیحه شدیدہ اوروب مغشیا علیه
 زمینه دوشدی عقب فراغ اول مکحل سرمه مازاغ
 اول خسته پستراشیاقلک احوالی تفحص ایچون نگاه
 انداز مرحت اولوب کوردیلر که نقد جانی خزنه کنجینه
 رحتمه تسلیم ایتش (شعر)
 بقدر آنچه شوی پست سربلندی شوی
 کرفته ایم عیار بلند و پستها
 نسیم جاذبه پیش راه ما بفرست

که کشت سدره ماغبار هسنيها
پس ايمدی ايام ماضيه ده معصيت وغفلتله گذران اولان
اوقات عمر ايجون کشي بولنديغي حالد منيب وتائب
اولوب تلاقي مافات وروح حضرت رسول عليه السلامه
اتباع ستن واكشار صلوات ايله انتساب ايلم کدن تغافل
ايتمک کر کدر (پيت)

انرا که چنين شفيع باشد قدرش همه جارفيع باشد
(تکاسل المرء في الصلوة من ضعف الايمان)
معناي لطيفي کشتنک صلاته تکاسلي ضعف ايمان دندر
تکاسل دن مراد ترکدر صاحب نظران عواقب ينه
بومعني خورشيد ائوردن اظهر وهو يدا تر در که شيطان
عليه ما يستحق اوائل حالد يديوز بيک سال عبادت
ذی الجلال ايله اشتغال ايتمش ايکن بر کره سجده امرنده
عدم اطاعت ايله متمرّد اولوب سائر ملائکه کي فرمانبر
اولوب متعبد اولديغيچون درگاه حضرت رب عزندن
مطرود وملوم وابدالابد مقهور ومهان ومرجوم اولدي
پس ايمدی اوقات خسته ده شب وروز اوتوزدرت
سجودی تارک اولان وجودک قوت ايماني نو جهله مسلم
اولور ثبوت فرضيتي ايجون حجت اتخاذ اولنان دلائل
قطعيه به که آيات کریمه واحاديث نبويه دن عبارتندر
اعتقاد واعتمادی نيجه محکم دينلک ممکندر اگرچه

فرضيتي انکار ايتدکجه کفري مثبت اولماز ابوحنيفه
رحه الله مذهبنده کافر اولدي دينلک لکن مذهب
شافعيده رحه الله بر کره عمدا بش وقتي ترک ايلسه خدا
قتل اولنور ارندادا دکل لقوله عليه السلام (من ترک
صلوة متعمدا فقد کفر اي استحق عقوبة الکافر) وعلمای
دين رحهم الله بيور مشلر که بر کيمسه اوقاتنده جماعتله
صلوات خسته مداومت ايتسه حضرت باري اکا بش
خصال احسان وکرامت ايدر اولکي خصلت اندن ضيق
عيشي رفع ايدر ايکنجي عذاب قبری رفع ايدر اوچنجي
کاپي يميندن اعطا اولنور درديجي قنطرة صراطی
برق خاطف کي مرور ايدر بشنجي جنة بلا حساب داخل
اولور و بونک مخالفی بر کيمسه صلاته تهاون وتکاسل
ايلسه حضرت حق اني اون ايکي بليسه به مبتلا ايدر
اوچي دنيا ده اوچي عندالموت اوچي قبرده اوچي روز
محشرده اماشول بليسه که دنيا ده در اولکيسي آنک کسبندن
برکتی رفع ايدر ايکنجي اندن سيمای صلحايی رفع ايدر
اوچنجي قلوب مؤمنبنده بغيض اولور اماشول بليسه که
عندالموت واقع اولور اولکي روحی عطشانا وجايغا
قبض اولنور کرکسه وجهه ارضده موجود اولان طعام
وشرابي يوب ايجسون ايکنجي اکا نزع روح مشد اولور
اوچنجي زوال ايماندن خوف اولنور اماشول بليسه که

قبرده واقع اولور اولکی سوال منکر و تکیده صعوبت
شدیده چکر ایکنجی ظلمت قبرمشتد اولور اوچنجی آنی
قبر صیقر حتی اضلاعی یعنی ایکولری صیقلور اما شول
بلیه که قیامتده واقع اولور اولکی حسابی مشدت اولور
ایکنجی غضب حضرت ربه مظهر اولور اوچنجی نار
حمیده عقوبت اولور قال النبی علیه الصلاة والسلام
(الصلوة عماد الدین فمن اقامها فقد اقام الدین ومن ترکها
فقد هدم الدین) اجالا بویله معنی ویرمشلرکه برکیمسه
عامدا اوچ کوندن زیاده صلاتی ترک ایلسه و توبه ایتسه
تحقیق اول کیمسه دینی هدم ایدر بومعنا مذهب ابوحنیفه
رحمه الله حضرت تدرینه کوره در امام شافعی رحمه الله
قتنده برکون و برکیمسه ترک ایتسه دیمکدر حتی ابوحنیفه
رحمه الله حضرت تدری پیوررلرکه برکیمسه اوچ کون و اوچ
کیمه تارک صلاة اولسه قتله مستحق اولماز لکن فاسق
و عاصی اولوب شرعا شهاده و قضایه و تولیته و سائر
اماناته اهل اولماز بو تفصیلات شرع شریفک مقتضاسیدر
اما بودخی معلوم اولسونکه حقیقتده نماز حضرت حقه
توجهدن عبارتدر بو توجه مراتب اوزره در مصلینک
حالتده کوره نماز عوام ناس بر قالب بیجاندر زیر نماز حضور
قلبله نماز اولور حضور مذکور ایه ریاضات و مجاهدات
اولدجه صورت پذیر اولماز و نمازک حقه درت علامتی

وارد علم ایله شروع و ادب و حیایله قیام و تعظیم ایله
ادا و خوفله خروج اشته بو اصل نماز خواصک نمازیدر
اما اخص خواصک نمازی ماسودن کلیت ایله اعراض
و بحر شهودده استغراقدر بویله اولان نمازده حضرت
رسول الله صلی الله علیه وسلم (قره عینی فی الصلوة)
پیوردقلرینک سری منکشف اولور و حقیقت صلاة
دکدر الا حضرت باری به مناجاتدر حدیث شریفده
(وان المصلی یناجی ربه) پیورلمشدر (شعر)
مرا عرض نماز آن بود که یک ساعت
غم فراق ترا باتو باز بکذارم
و کرنه این چه نمازی بود که هر ساعت
نشسته روی بمحراب و دل پیازم
جناب حضرت مولانا قدس سره العزیز نماز ایچنده اولان
اسراری تمیزه ترغیب پیوررلر (مثنوی)
بچه بیرون آراز بیض نماز
سرمرن چون مرغ بی تعظیم و ساز
بشنواز اخبار آن صدر صدور
لا صلاة تم الا بالحق حضور
پنج حس ظاهر و پنج درون
در صفند اندر قیام صافون
گفت پیغمبر رکوعست و سجود

بردر حق گفتن حلقه وجود
حلقه آن در هر آنکو میرند

بهر او دولت سری بیرون کند
(تراحم الایدی علی الطعام برکة)

معنای لطیفی ظاهر در بوکلام فرخنده انجامدن علی وجه
الکنایه مهمانی اطعام ترغیبی منفهم اولور ومحضا اتفاق
طعام بر فعل محبوب و بر کار مرغوب اولدیغی بو حدیث
شریفدن معلوم اولور روى الشيخان وغيرهما مر فوعا
(ما من يوم يصح العباد الا وملك ان ينزلان من السماء
فيقول احدهما اللهم اعط منفقا خلفا ويقول الاخر
اللهم اعط ممسكا تلفا) و روى الشيخان قال الله تعالى
عز وجل (اتفق اتفق عليك) نه کیم حضرت مولانا
قدس سره حضرتلری حدیث اولک معنای منیفی
منوی شریفلرنده ایراد بیوررلر (منوی)

گفت پیغمبر که دائم بهر پند

دو فرشته خوش منادی میرند

که الهی منفقا ترا سیردار

هر درمشارا عوض ده صدهزار

ای خدایا ممسکا ترا در جهان

نومده الازیان اندر زیان

بو عمارت کهن طاق عالی رواقده نیجه کرمکاران دائم

الاتفاق کورلمشدر که سفره جود و سخاسی هر کسه کشاده
ونعم فراوانی وضع و شریفه بیدریغ و آماده در فلذلک
هر زمان یوزمان بوستان دولتی نشوونمای اقبال ايله
سر سبز و شاداب و کندیلر محبوب قلوب احرار و عبید
و شیخ و شاب اولدقلری بی شبهه و ارتیابدر
(توکل علی الله یکفیک)

معنای لطیفی حضرت الله توکل ايله که اول الله سکا
کاقیدر (ومن يتوكل على الله فهو حسبه) یعنی من
یتق بالله فی الرزق فهو حسبه (دیو تفسیر ایتشلر رزق
خصوصنده حرامدن پرهیز ایدوب بلکه شبها تی و حلالی
تمیز ایتک الزم و اوجیدر عبدالله انصاری قدس سره
منازل السائرینده توکللی بویله بیورمشلر (التوکل کله
الامر کله الی مالک و التعویل الی وکالته و هو من اصعب
منازل العامة و او هی السبل عند الخاصة) یعنی امرک
کلبسنی مالک و یرمکدر و آنک و کالته اعتماد قیلقدرد
بو مرتبه عوامک منازلنک اصعبی و خواصک قتنده اضعف
سبلدر عوام ایچون اصعبیت بو جهتدندر که نفوس
عوام اسبابه محبت ایتکله اسباب بونلره حقدن حجاب
اولمشدر الله اعتماددن اسبابه اعتمادلری زیاده در
اصلی بودر که ترک اسباب ایده منزل اسبابه مرا جعتسز
برکار اولماز زعیله توکل بوانه کیده منزل مع هذا سبب

میان ده بر آلت ملاحظه در عوام بویله بیلدکر یچون
توکل انلره اصعب منازدر اما توکل خواص قنده
اضعف سبیل اولسی انکچوندر که بر خوای (ان الامر
کله لله) بر کیمسه نك هیچ بر کارده مالکیتی یوقدر
کما قال الله تعالى لرسوله (لبس لك من الامر شیء) پس
اشرف عالم کزیده بنی آدم صلی الله علیه وسلم حقنده
خطاب بویله اولیحق مادونده اولان کیمسه نك ملکه
نیجه مدخلی اولور خواص یلدیله که علی الاطلاق
ملك انکدر نه شیده انی وکیل اتخاذایتسونلر بلکه جمله
امرلرین حقه تفویض ایلشله وفقر و غنادن هر نه
ویرسه اکا راضی اولمشدر (مثنوی)

(تفأل بالخیر تنله)

معنای لطیفی خیر ایلله تفأل ایلله که خیره نائل اولور سن
تفأل بر خصوصده شرسو یلمیوب خیر ایلله تعبیر ایتدکر
مختار صحاح نقلی اوزره مثلاً بدوستک مر یض اولدیغنی
استماع ایتدکده یا سالم دیمک کبی وفلان کشتی فلان شبنه
طالبدر دینلسه یا واجد دیو نطق ایتک کبی حدیث
شریفده (انه کان یحب الفال و یکره الطیره) وارد اولمش
و بر حدیث آخرده روایت ابن عباس ایلله رضی الله عنهما
ثابتدر که (یدخل الجنة من امتی سبعون الفا بغیر حساب
هم الذین لایسترقون ولا یتطیرون و علی ربهم یتوکلون)

لایسترقون افسون ورقی ایتزلر دیمکدر عاقله لایق اولان
وسر اولان اولدر که هر کارده خیر ایلله تعبیر ایدوب
بحسب الامکان احبا و اعدا نك خاطر لرینی تهمیر ایلله که
بو معامله البته کشتی یه خیر ایراث ایدر
(تطرف بترك الذنوب)

معنای لطیفی ترك ذنوبله کوشه کیر اول طرف بر طرف
طوتمق یعنی ترك ذنوبه مصاحب اولدیغنی حالده عزلت
اختیار ایلله دیمکدر بهر حال ناسله اختلاط بسیار معاصی یه
باعث اولوب لامحاله آدمی کنه کار ایدر (یت)

درین زمانه رفیقیکه خالی از خلل است

صراخی می ناب و سفینه عزلت است
بترك لفظنده اولان با سببیه اولورسه معنا ترك ذنوب
سببی ایلله تطرف ایلله دیمکدر مجالس انبای زمانه غیبت
و عیوب ناسدن بختله مالی و خیر و ثوابدن خالی اولغله (یت
قور تارر باشنی سنك جنکدن)

خلق اراستندن یلان کبی یلان
معناسنجمه هر کسله صحبت و آشنا و بیگانه ایلله الفت ایلین
اعراض ناسدن بختله مبتلا اولمق مقرر در (شعر)
بلدیكك بلدیكك شخصی مصاحب اوله
همنشینی کشتنك شویله بیل ای اقبل ناس
سرفت طالبی اولماز سه سخا اهلی کرک

بوتلرا اولما ییغز باری کمرک قدر شهناس
خصوصا که طالب وسالک اولان وجود لره نفس اماره
صاحب لریله مخالطه سم معنویدر قال النبی علیه الصلاة
والسلام (ایاکم ومجالسه الموتی قالوا من الموتی یا رسول الله
قال اهل الدنیا واهل الغنا) بو خبر صحت اثرک
معناسنی ملاحظه ایدن کیمسه یه بو بایده دلیل دیگر
لازم دکلدر

(تواضع المرء یکرمه)

معنای لطیفی کشفینک تواضعی کندینه اکرام ایدر (بیت)
تواضع کند هر که انسان بود

که نخوت ز افعال شیطان بود
تواضع سبب رفعت و باعث عزتدر بو خبر صحت اثرده
اعمال اندیشه ایدن مردم دانشوره معلوم اولور که قال
النبی علیه السلام من تواضع رفعه الله هر عبد مؤمن که
الله ایچون ایلیه حضرت حق آنی عالی ایدوب دارینده
آنک درجه سنی بلند ایلر (بیت)

تواضع ترا ارجنندی دهد زوی شرف میر بلندی دهد
ضدیکه تکبر در **لو** کبر ایله آلوده اولمق خصایص ناقصان
اولدیغی ظاهر اولور متکبر غرضی ذات دنائت سماتندن
اولان نقصانی پوشیده ایتکدر اما فی الحقیقه قیامجن
اظهار ایتش اولور انک چونکه صفت ذمیه کبر آدمی

خور و بی مقدار ایلر (شعر)
تا توانی بکرد کبر مکدر متکبر بری ز کبر نخورد
کرتوبی کبر و بی ریا باشی خاص درگاه کبریا باشی
تواضع هر کسدن حسد را اما اهل دولتدن صدوری
احسندر (بیت)

تواضع ز کردن فرازان نکوست
کدا کرتواضع کند خوی اوست
نقل ایدر لر که ابن سماء مجلس هارون الرشیده تشریف
ایتد کده هارون قیام ایدوب اکرام تام کوستردی بو وضع
درویشانه بی کور نجه دیدیکه ای خلیفه سنک سلطنتک
حالنده تو ضعیف جهتی سلطنتکدن بزرگتر در هارون
بو کلامی تحسین ایدوب بو سخن بلیغک موقعنده واقع
اولدی دخی زیاده سویله دیدکده ابن سماء زبان کشای
حکمت اولوب دیدیکه حق تعالی پر بنده سنه مال و جاه
و جمال احسان ایتد کده اول کیمسه مال ایله بندکان خدایه
کرم و عطا ایتسه و جمال ایله عفت و پرهیز و احتمایه
ساعی اولوب جاه و بزرگی حالنده تواضع نما اولسه حق
سبحانه و تعالی اول بنده بی مخلصان و مقربین کر وهندن
ایدر هارون ممنون اولمغله دوات و قلم استیوب کنندی
دست خطیله بو کلماتی تسطیر ایلدی (شعر)
زیرکان آزموده اند بسی بتواضع زیان نکرد کسی

از تواضع بلند کرد و نام و ز تواضع رسیده اند به کام
متواضع بزرگوار بود مظهر لطف کرد کار بود
(تغافل عن المکر و ه توقر)

تغافل صیغه سی امر در تغافل دیو کور و کورم ز لنگه دیر
توقر مضارع در امر د نصکره واقع اوله مجزوم در معنای
لطیفی مکر و هدن تغافل ایله یعنی بر مکر و کورد کده کورم
معامله سی ایله که صاحب وقار اوله سن افلاطون الهی
وصایا سنده بیورر که بر قضیه که سندن صادر اوله معذور
طوته سن اخوان کدن صادر اولد قده ملامت ایله (واذا مروا
بالله و مروا کراما) بوشیمه کریمه خصایص اولیای
آگاهانند در (مثنوی

من ندیدم در جهان چست وجو

هیچ اهلیت به از خوی نکو
بوکار نیکویه تقلید ایدن رفته رفته مردان راه حقه ملحق
اولق مقرر در (مصرع) وشبه الشئ منجذب الیه
(تأکید الموده فی الحرمه)

معنای لطیفی محبتک تأکید تعظیمه در حرمة بو محمله
احترام و تعظیم معناسنه در بالخاصه نفوس انسانیه
توقیر و تکریمدن ممنون و تحقیر و تذلیلدن محزون اولور
جبلت القلوب علی محبة من احسن الیها) خواستنه اکرام
محبتی تأکید و اخوتی تجدید ایدر (بیت)

جای ایتشدی لیلی به مجنون دل ایچنده
بر صورت ایدی جلوه قلن مجمل ایچنده
معناسنجه عارف حقیقت شناسلر افراد ناسه مظهریت
نظر ایله باقوب انلرده ظاهر اولان صفات عکس پرتو
مهر حقیقی اولد یغن بالمعاینه مشاهده ایتلریله اجلال
نور حق و اکرام شئون فیاض مطلق ایدرلر بو معامله مهر و
ودادی اکدو باب عداوتی منسد ایتسی مسلم کارا کهاندر
(تأخیر الاسائه من الاحسان)

معنای لطیفی اسائنده تأخیر احساندن بعضدر اسائت
نقیض احساندر کذا فی الصحاح بو محمله جرایم مقابله سنده
اولسان جزا مراد در مطلقا عجله ایله ظهور یافته اولان
مصلح اکثر یا بر وفق شرع شریف عاجلا و آجلا مدحه
صالح اولد یغنی معلوم ذوی العقول و امضا کرده
اولوالالباب و فحولدر (التأنی من الرحمن والعجالة من
الشیطان) حدیث صحیح بو مدعایه دلیل صریحدر (بیت
بی تأمل مباش در همه حال بگذر از طریق استعجال
هر که دارد تأنی اندر کار بمرادات دل رسد ناچار
خصوصا که دولتمندان و حکام مستحق ضرب و قتل
اولان نا کاملرک ترتیب جزاری و اجرای مکافات و سزاری
ماده سنده ترک عجله و شتاب و تدبیر تربیه و مجازاتده اندیشه
صواب ایتلری لازم و اوجیدر تا که مجرمک سبب عقوبت

اولان گاهی ظاهر و مبین اولد بجه تعزیر و تعریکه ادنی
بهانه واهی ایله تصدی ایتمه شاید که افک و افتر اولوب
غرض و حساد و اعدا تعالی ایله جلوه نما اولان اکاذیب
مقوله سی **اوله** تأخیر صورتنده **دروغ** بی فروغ اولدیغی
آشکار **اولور** سه هم اول متهم حقنده احسان اولور
عقوبتدن رها بولور و هم حاکم حقنده که بر بی کاه
دردمنده نظم ایتکدن خلاص **اولور** ❁ فی حرف الثاء ❁
(ثلاث مهملات بخجل وهوی و عجب)

معنای لطیفی اوچ نسه هلاک ایدی بیلدر بخجل وهوا و عجب
هلاکدن **مراد** معنویدر اول بخجل بر صفت مذمومه در که
(البخیل لایدخل الجنة) آنکله متصف اولنلر حقنده در
(الجنة دار الاسخياء) ضدیله **مخلوق** اولنلر خصوصنده
وارد اولدیغی کبی بولرک ذم و مدحنده ایراد اولسان
احادیث و آیات قتی چوقدر تکیم حضرت مولوی قدس
سره بیوررلر (مثنوی)

این سخا شاخهست ز باغ بهشت

وای او کین شاخرا از کف بجست
بر حکیم کاملدن سؤال ایلدی بیلر که نه مقوله عییدر اول
عیب که جمله هزار آنکله پوشیده و مستور اوله بخلددر
دیدنی و نه کونه هنر در اول هنر که جمله عیوبی ستر و مخفی
ایله سخا دیدنی ثانیاً هوا (مثنوی)

باهوا و آرزو کم باش دوست

چون لیضلك عن سبیل الله اوست
هوای نفسانی به اتباع ایدنلر هالك اولدیغی اقامت برهاندن
مسغیندر (بیت)

حقیقت سرایست آراسته هوا وهوس کزو برخاسته
مردان حدانک ریاضت شاقه لری بو هوادن خلاص
بولغیچوندر بالکلبه قلع و قعی قوت نبوت و ولایت ایله
اوله بیلور (بیت)

دل ز هوا تافتن از سرور یست

ترك هوا قوة پیغمبر یست
ثالثاً عجب کشتی کندویی بکنوب و آخری تقیج ایتکه
دیرلر ابلبس عایه مایستحقک در کاه عزتدن رد اولغی
بوصفت ایچوندر که حضرت آدم علیه السلام حقنده
(و خلقته من طین) دیدی و الحاصل ذنوب باطنه دن
بر ذنب در که ذنوب ظاهره نک جمله سندن اشددر روی
ابوایوب الانصاری رضی الله عنه (قال حین حضرت
الوفاء کنت کتمت عنکم حدیثاً سمعته من رسول الله
صلی الله علیه وسلم الا احداً ثکموه قالوا بلی سمعته علیه
السلام یقول والذی نفسی بیده لو لم تذنبوا لخشیت
علیکم ما هو اشد منه وهو العجب) خلاصه سخن بو ذکر
اولسان اوچ ردیله نک اضدادی اولان صفات حسنه نک

لزومنی جاهل و تحصیلنده متکاسل اولنلر همان میت
مثابه منده اولوب معنا هالك اولور

(ثلث الايمان حياء و ثلثه عقل و ثلثه جود)
بالجملة مؤمن به التیدر اولا الله ایکنی ملائکة به اینا مقدر
حضرت اللهک نقایصدن تنزه و تقدسنى و ملائکة
کرامک ذنوبدن عصمتلرینی ییلن کشی عصیان ایتمه
حیا ایدر و کتاب منزل که قرآن کریمدر حقیقتنی و رسول
اکرم حضرتلرینک نبوتنی اقرار و تصدیق ایدوب دلائل
عقلیه و نقلیه ایله اثبات ایدن کیمسه مأموراته امثال
ایله ده کمال اجتهاد ایدر قضا و قدره و قیام قیامته اعتقاد
و اعتماد ایدن (نحن قسمنا بينهم معيشتهم في الحياة الدنيا)
کریمه سنی و دخی (من جاء بالحسنة فله عشر امثالها)
نص قاطعنی فکر ایدوب روز جزا ده هر عمل خیرک
برینه اون ثواب جزیل اعطا اولنق احسان ایله دست
جود و سخا بی کشاد ایدر مالی کمال ایمانک علامتی بونلردر
دیمک اولور (بیت)

کرامت درم دادن و نان دهیست

مقالات آواز طبل تهیست

(ثلثة الحرص لا یسدها الا التراب)

ثلثه تانک ضمیمه کد کدر که زبان پارسیده رخنه دیرلر
معنای لطیفی حرص و طمع کد کنی سد ایتمز الاتراب سد

ایدر فی الحقیقه صفت حرص و بخل نخل وجوددن
نشو و نمای حیات مستعار بریده اولدقجه منقطع اولماز
بلکه مراتب اعداد سن و سال متراید اولدقجه مانند
لبلاب شاخسار دل بی تابه پیچیده اولوب انفکاکنی ممتنع
اولدقنی بو خبر صحیحدن منفعهم اولور قال علیه السلام
(یشیب ابن آدم و یشیب فیه خصلتان الحرص و طول
الامل) (بیت)

آدمی پیر چو شد حرص جوان میگردد

خواب در وقت سحرگاه کران میگردد

حکایت اولنور که بو حدیث شریفک احد روایتندن
خالد بن الولید رضی الله عنه حضرتلرینک سنین عمری
حد طبعی به رسیده اولمغه قریب اولنججه معمر اولوب
اول وقتده خلیفه بولنان ذات بو حدیث شریفک روایتنی
بالمشافهه کندیلردن استماع ایتک آرزو سیله حضرت
خالدی خطه شام جنت مشامدن صوب بغداد دارالسلامه
دعوت ایتدی دار الخلافه به بر مر حله قالدقده بنفسه
کندیلر اتباع و خواصیله سوار اولوب استقبال و اول
منزلدن تا بغداد کلنججه یمین و شمالندن سرمبارکی اوزره
زروسیم نثار اولمغه فرمان ایلدی حضرت خالد ایله
کندی همغان بو اسلوب اوزره اعزاز و تکریم ایدرک
کلورکن هر چند که تارک مبارکنه نثار ایچون مؤکللر

اطاله دست ایتدی که ید مبارکه لایله کند و کریم یارین
ارضا و کساده ایدردی اول مشوردن بعضی همیان
جیب لرنده قرار ایتدی فکر یله بو وضع غیر معهودی
خلیفه کور و ب تعجب ایتدی و ندما سندن برینه غریبدر که
بو وجود مکرمک شکرانه مقدمی اولق ملاحظه سیله
بن بود کوز و سیم نثار ایلرکن کندی ذات شریفه نه مرتبه
اکرام و اعطا بلکه بقیه عمر لرنده فقر و احتیاج بدن
بری و مربع نشین چار باش ثروت و توانگری ایده حکمر
مقدماتدن بدهی المدلول ایکن یتنه فائده جزئیة سیم
نثارک مکان جیب و کریم یار لرنده امساکی هوسیه وضع
کدا چشمانه ایدر لردیدی بعد تمام الاکرام یوما دن الایام
اشای صحبتده بو خصوصی کندیلردن استفسار ایتد که
بوردیلر که راوی اولدیغیز خبر صحت اثرک مصدری
کلیستان بلاغتک کل ناز کتری حکمت شناس خلقت
اشیا حبیب خدا محمد مصطفی علیه اکمل الصلوات
و التحایا حضرتلری صادق القولدر هر چند که عمر انسان
مزداد اوله وجودنده حرص و طول امل زیاده اولور (منوی
کاسه چشم حریصان پر نشد

تا صدف قانع نشد پردر نشد
(ثلاثة الدین موت العلماء)

معنای لطیف دینک رخنه سی علماء دینک موتیدر (علماء

امتی کانبیاء بنی اسرائیل) بهر حال علماء دینک وجودلری
اهل عالمه خیر محض و ورثه انبیا اولدقلری جهتدن
امور دینیده کافه عالمک انلره احتیاجی اظهر من ان یخفی در
بو تقدیرجه و فالتری حصن حصین دینه رخنه ایراث
ایدر (موت العالم موت العالم) خصوصا که ذوالجناحین
اولوب علم و عملده کامل و فائق اولغله حیاته اولدقده
نیجه کمر اهلری طریق سدا ده سائق اوله
(ثواب الاخرة خیر من نعيم الدنيا)

معنای لطیف آخرتک ثوابی دنیاک نعمتلردن خیرلور
بو کلام سعادت مقرون (وللاخرة خیرک من الاولى)
مضمونیدر خبرده (الدنیا والاخرة ضربتان) وارد اولمشدر
مذمت دنیا و ثواب نعم آخرتی مشتمله آیات عظام و احادیث
فخر الا نام ایله کتب علمای عاملین مالا مالدر حکمادن
برینه سؤال ایتدیلر که نیچون تعلم علم فقه ایتمز سن
دیدیکه فقهدن اوج مسئله اوکرندم آنکله اکتفا ایتدم
اولکی کتاب نکاحدن بو مسئله بی نکاشتمه لوح خاطر
ایتدم که نص قرآن ایله جمع اختین حرامدر پس دنیا
اخت عقبار دنیا بی ترک ایلدم ایکنی کتاب طلاقدن
اول حکمی اختیار ایلدمکه تحقیقا نبی علیه السلامک
مطلقه سی اولان خاتون امتدن بر کیمسه به حرامدر
پس ایتدی دنیای دینه پیغمبر علیه السلامک مطلقه سیدر

آنکه تزوج و اقترانی نفسمه حرام ایتدم طالب آخرت
اولدم اوچنجی کتاب ییعدن بومضمونی قبول ایتدمکه
حنطه حنطه یه که بیع اولنه مثلا بمثل یدا بید اولوق کرک
زیاده سی ربادر پس دیدمکه عمردن برصاعه رزقدن
برصاع کفایه در زیاده سی ربادر هرکیم بواوچ مسئله ایله
عامل اوله بی شک و شبهه فائزیندن اولور (یت)
حافظ از بر صدر نشینند ز عالی همتیست

عاشق دردی کش اندر بند مال و جاه نیست
(ثبات الملك بالعدل)

معنای لطیفی ملک ثباتی عدله در قوله تعالی (ان الله یأمر
بالعدل والاحسان) عدل عرف ناسده مظلومک حقنی
ظالمدن آلیویرمکه دیرل احسان مجروح دل اولنلرک
جراحته مرحم و لطف و کرم وضع ایتکه دیرل وقال
عمر بن العاص رضی الله عنه (لاسلطان الا بالرجال
ولا رجال الا بالمال ولا مال الا بالعمارة ولا عمارة الا بالعدل)
عامه حکما بوقولده متفقلدرکه قیام دولت وجود
پاشاهله در پادشاهک ملکی عسکر یله در وعسا کرک
وفرت و کثرتی مالله در ومالك سبب حصولی رعایادر
ورعایانک ثبوت و تکاثری عدالت ایله در خبرده وارد
اولشدر که پادشاهک بر ساعت عدلی التمش یللق قبول
اولش عبادتدن خیرلوردر زیرا ثواب عبادت انجق عامله

راجعدر اما فائده عدالت خواص عوامه ساریه در
کتاب عین الحیاتده نجم دایه حضرتلری آیت مذکورک
تاویلنده یوررلر که عدلدن مراد حضرت حق سکا
و یردیکی آلات جسمانییه و روحانییه بی و مال و جاه
دنیوییه بی اللهی طلب یولنده صرف ایلییه سن زیرا
یونلری غیرک طلبنده صرف ایملک ظلمدر و بودقیقه
دخی معلوم عزت اولسونکه هراهل بیت و اولاد و عیالی
و خدام و عبیدی حققرنده و کندی نفسی حقنده عدالت
واجبدر (شعر)

هر یکی راز خلق مرتبه ایست
پیش ازین دور یافته تعیین

کرکس از حد خویش درگذرد
فتنها خیرد از یسار و یمین

هر کسی را بجای او بنشان
پس بدولت بجای خویش نشین

(ثن احسانک بالاعتذار)

ثن امر در معنای لطیفی ای محسن عطا کار برفقیه احسان
ایتدیکنک زمان اعتذارله احسانکی مثنا قبل دیمک اولور
حرف باده بشاشه الوجه عطیه ثانیة شرحنده یونک
بیانی تفصیل اولندی

(ثناء الرجل علی معطیه مستزید)

معنای لطیفی آدمک کندویه احسان واعطا ایدن کیمسه بی
مدح و ثنا ایتسی اعطای زیاده ایدر طبیعت انسانیه
بالخاصه مدح و ثنایه ماثلدر البته هر کس کندوی مدح
ایلینه محبت ایه احسانی مقتضیدر زیراکشی سومدیکی
آدمه کرم و لطف ایتز و بونکتیه دخی معلوم اوله که
(من لم يشكر الناس لم يشكر الله) فحواستجه مدح معطی
فی الحقیقه جناب حق مدحدر فافهم (شعر)
نی دفع ملال خفتکان خواب کند
نی دفع عطش ز تشنگان آب کند

حاشا که کند غیر مسبب کاری
لیکن ز پس پرده اسباب کند
(ثبات النفس بالغذاء وثبات الروح بالغناء)

غذا غین معجه نک کسری و ذال معجه ايله طعام و شرابدن
اکل و شرب اولنان نسته نک اسمیدر غنا غین معجه نک
کسری و مدیله ایرلامق سرود معناسنه جمعی اغانی کلور
معنای لطیفی نفسک ثباتی غذا ايله در و روحک ثباتی
غنا ايله در (النعمة نطق روحانی) مضمونته نغمه
بر کلام روحانی و آنکله استلذاذ وجدانیدر درون
انسانه بر پایه ده تأثیری وارد که ادناسی ازاله هموم
و غم و مدر قال النبی علیه السلام (ان حسن الصوت مما
انعم الله به صاحبه من الناس) کما قال الله تعالی (یزید

فی الخلق ما یشاء) ذکر فی تفسیره وجوه و من ذلك الصوت
الحسن و ذم الله تعالی الصوت القبیح فقال (ان انکر
الاصوات لصوت الحیر) خصوصاً که اسالب فن
موسیقی به دسترس اولش بر خوش نفس قائل ز کیدن
استماع اولنه فی الحقیقه سماع بر مرقعات الهیدر که سامعی
حضیض غفلت و مغالک قسوت قلبیه دن اوج خطوط
روحانیه مرتقی ایدر و بر مصقله معنویه در که زنگار
تفرقه بی آینه دلدن سیلوب پاک و نئی ایلر (مثنوی)
پس خدای عاشقان آمد سماع

که در و باشد خیال اجتماع
بعض مشایخ بکار پیور مشلر که (السماع یستجلب الرقة
و ازرقه یستجلب الرحمة من الله) سماعک رقت قلب ایرات
و استجلاب ایتدیکی کمالیه ظاهر و باهر در حضرت
سهروردی قدس سره پیورر که (ان بعض الواجدین
یصلون من السماع و یتقوی به علی الطی و الوصال
و یظهر عنده من الشوق ما ینذهب عنه لهب الجوع)
حضرت امامک بو کلام در بارلری بو معنای تأیید
ایدر ابن اسلم ابی بن کعبدن روایت ایدر که (قرأ ابی
بن کعب عند رسول الله علیه السلام آیه فرقوا اصحاب
رسول الله فقال علیه السلام اغتسلوا الدعاء عند الرقة
فانها تجلب الرحمة من الله) پس سماع شرعا و عقلا

وطبعا منكر ومذموم دكلدر بلكه عند الاولياء والعاشقين
حلالدر نتكيم حضرت مولوى قدس سره بيوررلر (شعر)
شهباز جناب ذى الجلالست سماع
فراش قلوب اهل حالست سماع

در مذهب منكران حرامست سماع
در مذهب عاشقان حلالست سماع
سماع حقنده اولان ادله عقليه ونقلية قتي جوق و بو مختصرده
جمله سنك ايراديننه تحمل يوقدر تفصيل مراد ايدن
حضرت غزالينك احباسنه و حضرت سهروردينك
عوارف المعارفنه و ابو طالب مكينك قوت انقلوبنه
وسائر مشايخ كرامك آثارينه مراجعت ايلسون
(ثوب السلامة لا يبلى)

البلاء بكسر الباء اسكيمك معنای لطيفي ثوب سلامت
اسكيمز يعنى ارادة عليه ربانيه ازل آزالده بر بنده يه لباس
سلامت لباس ايتمش ايسه دارينده آنك جامه سلامت
اسكيبوب فرسوده اولماز موجبات آلام و اكداردن محفوظ
اولور * في حرف الجيم *
(جد بما تجدد)

معنای لطيفي جود و سخا ايله بولديغن نسنه ايله جود
و سخا غنا و ثروته موقوف دكلدر حضرت عايشه صديقه
رضى الله عنها بر سائله براوزم دانه سى اعطا ايتدكلرى

مشهور وسائل استقلال ايتدكده (فن يعمل مثقال
ذرة خيرا يره) آيت كريمه سيله جواب و يردكارى مثبتدر
نهر سا ئلدن اسلاميان نهى اولنمشلردر (ولو بشق تمره)
سؤال ايدن مسكينى تطيبب شيمه ارباب مروندر فرضا
اعطايه صالح نسنه بولنمازسه كلمه طيبه ايله دل ويرا تى
تغير ايتك كر كدر

جلبس الخير غنيمه و جلبس السوء شيطان و جلبس المرء مثله
معانيسى ظاهر در روى ابو داود و النسائى مرفوعا قال
النبي عليه الصلاة والسلام (مثل الجلبيس الصالح مثل
المسك ان لم يصبك منه شئ اصابك من ريحه و مثل
الجلبيس السوء كمثل صاحب الكبريت ان لم يصبك
من سواده اصابك من دخانه) معنای جلبيس صالحك
مثلى كيدر اكر سكا مسكدن بر شئ اصابت ايتمزسه رايحه
لطيفه سندن فى الجملة اصابت ايدر جلبيس سوئك مثلى
دمرجى اوجاغنه مصاحب و قرين اولان كيدر اكر
اول اوجاغك سوادندن سكا اصابت ايتمزسه رايحه
كريمه سندن بهر حال اصابت ايدر جلبيس صالح اولدر كه
سنى عند الله و عند الناس مقبول اولان كاره ذلالت ايليه
قرين بد بوئك ضديدر كه سنى دنيا ده باعث مذمت و عقبا ده
موجب نكال و عقوبت اولان مفا سده سوق ايليه سورة
ناسده (من الجنة و الناس) كريمه سنى بعض مفسرين

وسواس اوزرینه عطف ایدوب شیاطین جن اولدیغی
کبی شیاطین انس دخی اثبات ایتشلرکه مرادیرامز
مقارندر و شیاطین انس جندن اشرواضردر زیرا بونلر
نوع انساندندر (آفه الشیء من جنسه) مضمونجه
بونلرک مضرکی زیاده دردیملر (بیت)

زینهار ازقرین بد زنهار وقنار بنا عذاب النار
وکشبنک مقارنی کندی کیدر زیرا جنسیت علت ضمدر
بر کیمسه آخر ایله اختلاط واتحاد ایلیه مز ذاتا یاخود
صفة آنکله مشارکتی اولمجه (بیت)

عن المرء لا تسئل وابصر قرینه

فان القرین بالمقارن یقتدی
معناسجه عارفلر آدمک قرینه نظر ایدوب کفدنند
سؤال ایتزلر صحبت مؤثره وطبیعت سارقه در حتی کار
اولیای کرام پیورمشلرکه بر کیمسه نک قلبی پر قسوت اولسه
اول کیمسه اوچ عمده مداومت ایلسون اسخارده درگاه
حقه چوق استغفار وهر زمان تلاوت قرآن وصلحایله
صحبت ایلسون البته اکا انفتاح وانشراح قلب حاصل
اولور (بیت)

اگر چه نیک نیم خاکای نیکام

چه کونه تشنه بماتم سفال ریخاتم
ولکن فی زماننا یارخوش کردار بونلق وجدان اکسیره

مماثل و تصادف خضر علیه السلامه معادلدر همان
کشی (بیت)

شوانیس کابهای نفیس انه فی الزمان خیر جلبس
مصدافجه بحسب القدره درگاه حضرت حقه عبودیتدن
فاضله اولان مواقیتده کتب تفاسیر واحادیث ومؤلغات
مشایخ کرامله انس والفت ایدوب اضداد دن تخلیص
کریبان ایتک پهلوانلقدردر (شعر)

آویخته بردار معلق بودن

در دست دو صد کافر مطلق بودن
وز زخم چو کفگیر مشقق بودن

به زانکه دمی همدم احق بودن
(جمال المرء فی الحلم)

معنای لطیفی کشبنک حقیقتده حسن وجمالی حمده در
حسن وجمال صوری اخلاق رذیله دن اولان تنیدی
وغضبه مقارن اولسه آنک کبی کیمسه دن هر کس نفرت
ایدرا اما حسن اخلاق سیما رفق وحلم حسن وجمال
صورته توقف ایتمز (بیت)

شد زمین از برد باری مظهر حسن بهار

کر چو خاک ره کثدت پی سیر آسوده باش
علم قیافه اصحابی دیرلرکه اگر چه کشبنک بعض علایم
صوریه جسمانیه سندن حسن وقبح سیرتنه استدلال

اولنور لکن بو حکم عوام ناسه کوره در اکر بر کیمسه
اخلاق و اوصافی ریاضت و تلقین مشایخ ایله اصلاح
ایلسه ظاهر جسمنده شیره داله اولان امارات و علایم
دخی اولسه آنک شرانیتنه حکم ایتک اولماز حکایت
اولنور که حکیم افلاطون الهی بر صعب العروج کوه
بلندک قله سنده اتخاذا مکان ایتش ایدیکه انجق بر راهی
وار ایدی اول راهک مدخلنده بر استاد صورتکر نصب
ایلیوب شویله تنبیه ایلدیکه بخله ملاقات مراد ایلین
ذا تترك ابتدا صورتی کما هی علیها نقش ایدوب بکا
کوستر که ظاهر خوارچنده حسن و قبح سیرتنه انتقال
ایدهیم اکر صحبت شایان ایسه نه کوزل والاجواب باصوابله
تلاقیدن تلافی اولنوب عودت و رجوع ایتدر لسون یوما
من الایام اکا بردن بر کیمسه حکیم مشار الیهک طلب صحبتی ایله
مصور مر قومه کلوب صورتی کشیده لوح اعتبار
ایتدیروب حکیمه عرض اولند قدده نمایش اعضا ساندن
سوء سیرت حس ایلدی وجواب و یردیکه بو صورتک
صاحبی اخلاق رذیله یه مبتلادر بزم مجالستزه سزا
دکدر اول زائر زبان سفیردن بو جوابی کوش ایتدکده
حکیمه بویله ارسال پیام ایتدیکه مقتضای علم فراست ایله
بنم ایچون تعین بیورد قلیری اخلاق ناسنجیده ایله بوندن
اقدام اتصافز مقرر ایدی اما الحاله هذه ریاضت

و مجاهده ایله یکان یکان اول خوی بدلیری نیکویه تبدیل
و اعمال همت ایله ذاتی تکمیل ایلدم بعد ازین اول ایکی
وجود کزین مانند شیر و انکبین صحبت ایللیوب فی الحقیقه
مدعا می صدقه قرین اولدیغی ظاهر و مستبین اولدی لمنشئه
حسن خلق اولمز ایش خوی ردی یه تبدیل
مشک از فرینه برداخی دونوب خون اولمز

محض صورتله نسبیا اوله مز ذات نفیس
در اولور ساخته اما در ممکنون اولمز
(جل من لا يموت)

حی و قیوم اولان ذات قیاس و وهم و کاندن و حکم عقل
و ادراک انساندن عزیز و جلیدر (شعر)

ای برتر از خیال و قیاس و کان و وهم
از هر چه گفته اند شنیدیم و خواندیم

مجلس تمام کشت و باخر رسید عمر
ماه همچنان در اول وصف تو ماندیم

(جودة الکلام فی الاختصار)

معنای لطیفی کلامک ایولکی اختصارده در (خیر
الکلام ماقل و دل) مضمونیدر قانون بلاغته اطناب
مخل مدوح دکدر (ع) میانه رور و جانب زیان برودارد
خیر الامور اوسطها (نکته سن عارف اولان کلامده
دخی تطویل و اطنابدن حذر ایدوب وسط اختیار ایدر

(جسد بالكثير واقنع بالقليل)

معنای لطیفی کثیر ایله جود و سخا قیل قلیل ایله قناعت ایله
عدم ادخار و کفافدن فضله اولان مال بذل و ایشار
اخلاق محمدی ایله متصف اولان ذات شریفلرک کاریدر
حضرت علی بن الحسین رضی الله عنهم اجمعین جنابلرندن
بر شخص مسکین بر کون شبنما لله کویان سوال ایلدکده
اون بیک التونله مالی بر بدر مالی سائل مر قومه اعطا
ایلیوب اکر دخی زیاده یه مالک اولیدم دریغ ایتمزد
دیو معذرت خواه اولدی شخص سائل یا علی بو مالک
حالیه سنی استرم دیدکده طیلساتی چقاروب اجرت جل
اولق اوزره ویردی سائل بو وضعی کوروب (اشهد
انک من اولاد المرسلین حقا) دهرک طیلساتی المقدن
اعراض ایدوب کندی ناقل کلام امام نامدانی شیخ
شعرانی رحمه الله حضرتلری مشارق الانوار الحمدیه
نام کابنده تنظیم سلك سطور ایتدیکی جواهر مضبئه
برانوردندرکه مجتهد سیادت رهین امام الدینا والیدین
حضرت شافعی رحمه الله بیورمشلرکه بر کیمسه سنکله
مواخات طالبی اولسه نصف ماملکنی طلب ایده اکر عطا
ایدرسه برادر اولغه درخورددر اعراض و ابا ایدرسه
آنک صحنه زنه ار اجابت ایتمه امام مشارالیه حضرتلری
دیار یمنه داخل اولدقلرنده اول دیار جلیل الاعتبارک

خیار اصحاب اموالی اون بیک دینار ذوات الانوار حق
القدم کوندردیلر حضرت امام کیمسه نک دهانک فتح
ایدوب ید مبارکه لر یله اغتراف واصحاب مجلسه تمام
اولنجیه دک توزیع و تقسیم ایلدیلر بونک امشالی احسان
و کرم عادت حسنه سی اولان وجود مکرملرک جهت
قناعتلری دخی محیر عقولدر همان غیرت ایدوب دائما
حقیقت حالی ادرا که سعی و کوشش ایتک کر کدر زیر
مرتبه عرفانده زخارف دنیویه نک بی قدر و ناچیز اولدیغی
عیانا معلوم اولوب هر نه مرتبه چوق اعطا اولنسه ینه
قلیل عد اولنور

(جولة الباطل ساعة وجولة الحق الى الساعة)

ساعت زماندن بر مقداره دیر لر دخی اسامی قیامتندر
بو کلامده صنایع بدیعیه دن جناس واردر معنای لطیفی
باطلک ظهور و جولانی زمان قلیلدر و حقک جولانی
تا دامن قیامتدر انبیای عظام صلوات الله علی نبینا
وعلیهم حضرتانک قصصنی خصوصا مفخر رسل هادی
کل محمد مصطفی صلی الله علیه وسلم حضرتلرینک
ابتدای بعثتلرنده مشرکین پر کیندن چکدکلی ادا
ومشقت معلوم اولوب والی الان والی انتهاء الدوران نوبت
پنجگانه کوس نبوتی لله الحمد کوش عالمیانی بر طنین ایدوب
رونق دین اسلام یوما فیوما زیاده و برترین اولدیغی

بو کلام شرف انجمك صدقه کواه عادلدر (الحق یعلی
ولایعلی علیه) هر خصوصه حق عالی واکل باطل
دون واسفلدر (بیت)

باطل همیشه باطل و بیهوده در ولی

مشکل بودر که صورت حقندن ظهور اید
خواسته اگر چه صورت حقده نمایان اولان اباطیل
چند روز صورت حقده جولان اید رسیده البته برکون
غیرت الهی ظهور ایدوب رشته سی بازاره چیقار
(جالس الفقراء تردد شکرا)

معنای لطیفی فقرا ایله مجالست ایتکه شکر نعم حق زیاد
ایایه سن (الاشیاء تبین باضدادها) خواسته فقرا ایله
صحبتده جناب حق اعطا ایلدیکی نعمت ظاهره
اولور (بیت)

حب درویشان کلید جنتست

دشمن ایشان سزای لعنتست
فقرک ثواباتی و فقرای صابرینک علو درجاتی حقنده
اولان آیات عظام واحادیث سید الانام وکلمات اولیای
کرام بوجریده نک کنجیده احاطه سی اولوق خیال محالدر
انجق بوباید حدیث (الفقر فخری) کافی ودخی (الفقر
عیال الله) وافیدر فقر ایله الفت وصحبت موجب سعادت
دنیا و آخرت اولدیغنده اشباه اولنماز (شعر)

نور خورشید بویرا نه فزون می افتد
بیشتر لطف خدا شامل درویشانست

در زمینی که از وبوی دل آید بمشام
پای فشار که سرمزل درویشانست
(جهد المقل کثیر)

معنای لطیفی صاحب قلت اولان فقیرک فوق الطاقه
سعی و کوششی کثیردر یعنی اغنیانک احسان کشیرندن
زیاده در زیر اغنیانک مالنه احسانله نقصان طاری اولیوب
مرتبه فقیره یتشمن اما فقیر اولان احسان ایتدیکی وقتده
ماملکنه فقدان ایراث ایدر فقرا آخره احسان و کرمله
مأمور دکلرکن محض اکسباب رضای وهاب ایچون
حسب القدره درکار اولسه لر عندالله بومعامله مقبوله در
نته کیم قرآن کریمده حق جل و علا بیورر (لینفق ذو سعة
من سعته ومن قدر علیه رزقه فلینفق مما آتیه الله
لا یکلف الله نفسا الا ما آتیهها سيجعل الله بعد عسر
یسرا) وروی ابوداود ان رسول الله صلی الله علیه
وسلم (سئل ای الصدقة افضل قال جهد المقل وابد
من تعول) جهد بضم الجیم شیء قلیلدر که مقل اولان
کیمسه آنکله تعیش ایدر دینلره کوره بو کلام لطیفک
بر معناسی دخی اولسه ممکندر مثلاً مقل اولان کیمسه نک
قتنده معاشدن شیء قلیل کثیردر اغنیاشیء کثیر ایچون

ایتدکاری شکر قدر فقیر قانع شیء قلیله شکر ایدوب
ممنون اولوردیمك اوله یوجه اصحاب قناعتی مدح اولور
* فی حرف الحاء *

(حسن الخلق غنیمة واحدة المرء تهلكة)

معنای لطیفی حسن خلق غنیمتدر و آدمی حدقی هلاک
ایلر حسن خلق حضرت حقك عبادنه نعمت عظماسیدر
چونکه حق تعالی ایمانی یرتدی ایمان جناب حقیدن
نیاز ایتدیکه الهی بکا قوت احسان قبل حق جل و علا
آنی حسن خلقله قوی ایلدی عقب خلقتده کفر دخی
بورجایی ایدوب حق سبحانه و تعالی آنی بد خو یلق
و بخل ایله قوی ایلدی (لایسئل عما یفعل) و خبرده
وارد در که بدخوی و بخیل جنته داخل اولمازلر (منوی
من ندیدم در جهان جستجو

هیچ اهلیت به از خوی نکو
حکما دیرلر که اخلاق نیکو اوندلر اولکی شرعا و عقلا
مدوح اولان کارده خلقه مخالفت ایتمکدر ایکنجبسی
کندی نفسندن انصاف ایتمکدر اوچنجبسی کیمسه نک
عیبنی جستجو ایتماکدر دردنجبسی بر کیمسه دنکه بر ذله
صادر اوله آنی مهما ممکن حسن تأویل ایتمکدر بشنجبسی
کنهکارک وقت اعتذارده عذرنی قبول ایتمکدر
التجبسی محتاجلرک حاجاتی قضا ایتمکدر یدنجبسی

کندی

کندی عیبی کوزمکدر سکزنجبسی خلقك اذاسنه
تحمل ایتمکدر طقوزنجبسی خلقه اظهار بشاشت ایتمکدر
اوننجبسی خلقه لطفله سوبلمکدر (بیت

همه خلق جهان خلق پسندیده نمای

که سوی خلد برین راه بران خواهد بود
(بیت دیگر)

خوشست عالم ازادکی و خوشخوی

درین مقام دراکر بهشت میجوی
و خدت و غضب موجب هلاک معنوی بلکه صوری
اولدیغی معلوم کارا کهان جهاندر صورت غضب مفسد
ایمان و پیشرو لشکر شیطاندر خبرده وارد اولمشکه
صرك زیاده قویکز اول کیمسه دکلدلر که مردان دلاورانی
افکنده خاك ایلله بلکه اقوای مردمان چالاکدر که
حالت غضبده ککندوی ضبط ایدوب نفسنه مالک
اولور (بیت

عردی کمان مبرکه بزورست و پردلی

باخشم اکر بر آی داغم که کاملی
و بعض عارفلر یورمشلر که (بیت

ستون خرد بردباری بود

سبک سر همیشه بخواری بود

(حرفه المرء کززه)

کشیبتک صنعتی دینه سیدرین الامحام (هنر چشمه زاینده است) مثلی مشهور در حرفت صنعت معناسنه در (الکاسب حبیب الله) خواستجه وجه حلالدن اکسب ایلین کیمسه بی حضرت حق سور نفقه نفس و عیالی ایچون کسب ایتک عبادات مفروضه دندر مسلم و بخاری رحمه الله بوحديث شریفه متفق لر در که قال النبی علیه الصلاة والسلام (ما اکل احد طعاما قط خيرا من ان يأکل من عمل یدیه وان نبی الله داود علیه السلام یا کل من عمل یدیه) مثنوی

رمز الکاسب حبیب الله شنو در توکل از سبب کامل شو حرفته کتر اطلاق (القناعة کتر لاینفد) حدیثنه اشارتدر بهر حال کاسب قانع اولور کسب و کاره عار ایلوب مع الاقتدار کشت اسواق و بازار ایله سؤال و ثقلت و ابرامه خلقی بیزار ایلین بظالین حیواناته ملحق بلکه حیواندن دخی اضل وارذلدر نته کیم ابو محمد جریری رحمه الله یورر لر که قوت یومیه یه مالک اولوب ینه نام فقر ایله سؤال ایلک فی الحقیقه شرب خمر و زنا ایلکدن یرامردر زیرا اول کونه طلب و سؤال محبت دنیا ایچوندر (و حب الدنيا رأس کل خطیئة) حضرت علی کرم الله وجهه کبی سلطان جنابتک بر کون ضرورتلری واقع اولوب اجرته بر کیمسه نک قبوسندن صوچکوب خرما زارینی

اسقا ایلدی پس اول زمانده بعض منکرین انلره حرف انداز اولوب تعبیر ایلد کده بوکلام لطیف ایله جواب و یردیلر (یت)

يقول الناس لی فی الکسب عار فقلت العار فی ذل السؤال ترك سؤال و کسبه اشتغال خصوصنده احادیث شریفه چوقدر کتب احادیثه طلب اولنه

(حوضات الطعام خیر من حوضات الکلام)

حوضت حاء مهمله وضاد معجه ایله اکشیکه معنای لطیفی طعامک اکشیلرندن خیر لودر طعمی ترش اولان طعام قبض ایراث ایدر درون انسانه انقباض روحانی کتورن کلامی اکشی طعامه تشبیه یور مشلر طعام حامض انقباض جسمانی یه باعث اولور اما کلامدن حاصل اولان انقباض سامعی مجروح دل ایدر مشبه به طرفندن ظهور بولان قبض ادنی معالجه ایله دفع اولور اما مشهیدن وجوده کلن انقباضک که انفعال نفسانیدر اثری مدت مدیده باقی قالور (ان الله رفیق یحب الرفق) حدیثی مصداقجه قول لین مقبول و صعب الانحلال اولان امور معضله حلنه سبب حصول اولور

(حیاء المرء ستره)

ستر کسر سین ایله پرده معناسنه در معنای لطیفی کشیبتک حیاسی پرده سیدر یعنی معاینی اورتر حیا بر شریف

خصلت و بر مقبول سیرت در حضرت رسالت پناه صلی الله علیه وسلم (الحیاء شعبه من الایمان) پیور مشلر و حیا شرائط نظام عالم دندر اگر صفت شرم و حیا میانه ناسدن رفع اولسه هیچ کیمسه نك کیمسه دن حجابی اولیوب مناضم جهان خلل پذیر و مصالح خلائق عالم بر بردن منحل اولوب باعث تساوی صغیر و کبیر اولوردی اما حیا مانع در که هر کس نه استرسه ایشلمکه قادر دکلدر (بیت صف شکن قلب مناهی حیاست

راهن زن خیل ملاهی حیاست پس معلوم اولدیکه خواص و عوامه حیا نك نفع تامی وارد و تریه آفتاب حیا اولسه میوه اختلاف نارسیده و خام قاور و حیا ایکی قسمدر بریسی حضرت رب العالمیندن اوتانمقدر بو قسمله متصف اولان معاصی به اجترایده مز ایکنجی ناسدن اوتانمقدر بو قسمه حیا ی ادب دیرلر بو قسمی تحصیل ایدن دائره شرع شریفدن بیرون حرکت ایله طشره کیده مز (شعر

دل که پراز وصف حیا میشود
آینه نور خدا میشود

دیده بی شرم پسندیده نیست
در نظر عقل خود آن دیده نیست
(حلم المرء عونه)

معنای لطیف کشتنك حلمی معیندر محاسن صفت حلم بوندن اسبق حرف جمیده بیان اولندی
(حرم الوفاء علی من لا اصل له)

معنای لطیف فرومایه اولان کیمسه اوزرینه وفا حرام اولدی وفا کار جوانمردان صاحب کمال و خصال بزرگان ستوده خال دندر هر شاهد عهد که پیرایه رخساری خال وفا اوله مرغ دل انسان آنک گرفتار دام محبتی اولماق بمنشعدر حق سبحانه و تعالی قرآن کریمده پیورر (یا ایها الذین آمنوا اوفوا بالعقود) یعنی ای مؤمنلر سز بر بریکزله ایتدیکز عقدره وفا ایتدیکز و خبرده وارد در که (لادین لمن لاعهدله) یعنی کمال دین یوقدر رعایت عهد ایتدین کیمسه ایچون (بیت

نیست بر مردم صاحب نظر خدمتی از عهد پسندیده تر حکایت حضرت اسمعیل صلوات الله علی نبینا وعلیه برکون اتفاقا بر کیمسه ایله رفاقت ایلدیلر اول کیمسه کندی خانه سی پیشگاهنه کلدکده دیدیکه یا اسمعیل سزک مرافقتکزدن ممنون اولدم بنمله عهد و پیمان ایله ککر که بو محله سز اوتوره سز تابن کندی خانه مه داخل اولوب مهمم اولان مصلحتی اتمام ایدم و فی الحال ینه کلوب جناب شریفکزله همراه اولم حضرت ذبح الله علیه السلام وعده ایلوب اول مقامده آرام پیوردیلر

اول مرد خانه سینه کبر و بر مهم کلبسی اقتضا ایتمکله
ایتدیکه عهد و میثاقی دخی فراموش ایلدی و دور و دراز
مکشدن صکره خانه نك سمت دیگره اولان قپوسنندن
چقوب کندی اوچ کوندن صکره اول موعده لری اولان
موقعه ینه کلوب کوردیکه حضرت اسمعیل هنوز دخی
آنده جالسدر دیدیکه ای با کوره شجره خلت وای
پسر پدر دین و ملت بو محله قعودیکزه سبب ندر
بیوردیلر که اول وقتدنبرو که سنکله معاهده اولمش ایدی
بو مکاندن حرکت و جای دیگره نهضت ایلدم و دیده
دوز انتظار اولدمکه سن ینه کله سن اول کیمسه شرمسار
اولوب دیدیکه یه سلطانم چونکه بنم عودتم نمند اولدی
سن نیچون سعادته روان اولدیکز بیوردیلر که وعده
ایتمشیدم خلاقی روا کوردم فرضا سن نیجه مدتلر
بو موضعه کلیدک بن بو مسکندن تحریک قادمه عزیمت
ایتمدم (رباعی)

انرا منکر که ذوقتون آید مرد
در عهد و وفا نکر که چون آید مرد

کز عهده عهد اگر برون آید مرد
از هر چه کان بری فزون آید مرد
لکن بوشیمه حسنه فرومایه لردن حیز ظهوره کلز ودنی
الاصل اولنر بو سحبه سمیه نك رعایتی قلز (بیت)

بد کهر

بد کهر با کسی وفا نکند
اصل بد در خطا خطا نکند
نته کیم دیمشدر (بیت)
وفایه ز حیاتت اگر وفات نباشد
حیات هیچ نیز زدا کر حیات نباشد
(فرقه الاولاد محرقه الابداد)

مغای لطیفی اولادک آتش افتراقی جگر لری یاغیدر
فی الحقیقه اولادک حرارت ناره هجرانی بر سوزشه بکره مز
حضرت یعقوب صلوات الله علی نبینا وعلیه حضرت تیرینک
قصه سی بو مدعایه کواه عادلدر (اولادنا ابدانا) دبین
اعزه کرام مع علوشانهم علاقه اولاددن کذر ایده ممشلر
حضرت امام غزالی قدس سره احیاء علومده بیورر که
هیچ آدمه نفسنندن زیاده سوکلو برشی یوقدر بود عوایه
دلیل بودر که هر کشتی کندی موتندن صکره اولادینک
بقاسنی تمنا ایدر آنکچونکه جزء نفسیدر ایمدی اولاد
جزء خلقت اولتجه بالضروره محبت اقتضا ایدر
وفقدانی دخی موجب آلام شدیده اولدیغی ظاهر اولور
ولد صالح مطیع منقادک سلسله و داد و محبتی کردن
دل والدینه اول کونه بسته دکلددر که مدته الحیاة ربقه
علاقه سی منخلع اولوب قید ابتلا سندن وارسته اوله (بیت)
ندارد پدر هیچ بایسته تر ز فرزند او هیچ شایسته تر

(حلی الرجال الادب وحلی النساء الذهب)

معنای لطیفی رجالک زیوری ادبدر و نسوانک زینتی دینار
و ذهبدر ادبک لزومی الفده (ادب المرء خیر من ذهبه)
شرحنده علی التفصیل ایراد اولندی کویا که بوسکلام
شرف انجام ایله تزیننه مائل و تحصیل ادبدر متکاسل
اولنله تعریض بیوردرلر (زینة الباطن خیر من زینة
الظاهر) ینه حضرت امام علی کرم الله وجهه جنابلرینک
بوسلکه تنظیم بیوردقلری لالی آبداردندر حرف زای
معجه ده انشاءالله تعالی بیوردقلری مفصلا ایراد اولنور (ع
که برونساز در و نساز نکردد هرگز) فی حرف الحاء *

(خوف الله یحلی القلوب خفا الله تأمن من غیره)

معنای لطیفی اللهدن خوف ایتمک قلوب عبادی مجلا
ایدر اللهدن خوف ایتمکه غیر حقندن امین اولورسن
معاذ بن جبل بوحدیث شریفی روایت ایدرکه قال النبی
علیه السلام (لو خفتم الله حق خیفته لعلمتم العلم الذی
لا جهل معه ولو عرفتم الله حق معرفته لزالتم بدعاتکم
الجبال) قال الحکیم فی نوادر الاصول لحقیقة الخوف
لمن وصل قلبه الی فردانية الحق وامثلاء من عظمة الفردية
فانما وقع بصره علی شیء اطلعت نفسه علی العلم الصافی
الذی لا یمارجه شبهة ولا جهل وانما نال هذا العلم بنور
الخوف ونور الخوف هو ما اشرق فی صدره من نور عظمة

الفردية) معنای اکر قورقیدیکز اللهدن حق خیفتی ایله
بر علمه عالم اولیدیکز که اول علمله بیله جهل بو قدر
وا کر سنر اللهی حق معرفتی ایله بلیدیکز سنرک دعا کر ایله
طاغلیریندن زائل اولیدی نوادر الاصولده حکیم زمدی
رحمه الله بوحدیث شریفک شرحنده بیورر که حقیقت
خوف شول کیمسه ده اولور که قلبی فردانیت حقه واصل
اولوب عظمت فردیت ایله طول بصری هرزه به دوشرسه
نفسی بر علم صافی به مطلع اوله که اکا شبهه و جهل
قار شمامش اوله اول کیمسه بو علمه نائل اولماز الا نور خوفله
نائل اولور نور خوف عظمت فردیت نورندن اول ذاتک
صدرنده اشراق ایلین شیدر و خبر صحت اثرده کلمشکه
(من خاف الله خاف کل شیء منه ومن لم یخف الله یخاف
من کل شیء) بر کیمسه اللهدن خوف ایلمسه غیرک خوفندن
امین اولور عبدالله تستری رحمه الله حضرتلری بیورر که
بادیه ده کیدرکن بر شخص عجیب الشکل کوردم آندن
بکا خوف مستولی اولدی اکا دیدمکه سن جنیمسین
یا خود انسیمسین بنی تخويف ایتدک اول دخی بکا دیدیکه
سن مؤمنسین منافقمسین بنی تشکیک ایتدک بن دیدمکه
مؤمنم دیدیکه خاموش اولکه مؤمن اولان غیر اللهدن
خوف ایتمز تنه کیم حضرت مولوی قدس سره العزیز
بیوررلر (مشوی

لا تخف وان چونكه خوف داد حق

نان فرستد چون فرستادت طبق

لا تخافوا هست نزل خائفان

هست در خور از برای خائف آن

آنكه خوفش نیست چون کوی مترس

درس چه دهی نیست او محتاج درس

(خیر الاصحاب من یدلک علی الخیر)

معنای لطیفی اصحابک یعنی مصاحبک خیر لوسی خیره

دلالت ایلین کیمسه در حرف جمیده صحبت نیکانده اولان

منافع جسمیه والفت اشرا رده وجود پذیر اولان مضرات

عظیمه مفصلاً بیان اولمش ایدی

(خلوص الود من حسن العهد)

معنای لطیفی محبتک خلوصی حسن عهد دن ظاهر دن

یعنی دوستک عهد و پیمانه رعایتی کاینیغی اولور سه مخلصدر

بونک دخی مباحثی حرف حاده افاده اولندی

(خابت صفة من باع الدنيا بالدين)

لغت مغرب تصحیحی اوزره صفة بیع بانه اطلاق اولنور که

بیع بالخیار مقابلدر معنای لطیفی زیان ایلدی شول

کیمسه نک یعنی که دینی دنیا به بیع ایلدی حرف باده

(بع الدنيا بالآخرة ترجیح) شرحنده بوی کلامک مآله

متعلقه اولان کلمات کذار ایلدی

(خیر المال ما انفق فی سبیل الله)

معنای لطیفی مالک خیر لوسی فی سبیل الله انفاق اولسان

مالدر بودخی حرف باده شرح اولندی

(خالف نفسك تسرح)

معنای لطیفی نفسکه مخالفت ایله مستریح اولور سن (بیت

تو که بانفس خود زبون باشی عارف کرد کار چون باشی

معلوم عزت اوله که نفس اماره گروه اعدانک اضریدر

قال النبی علیه السلام (اعدا عدوك نفسك التي بین جنبك)

نفسه اضردشمنان آنکچون دینلور که هر دشمن که اکا

احسان و کرم ایلیمه سن البته سکا عداوتدن فارغ اولوب

یار اولور الا نفس اماره یه هر نقدر مدارا ولطف ومواسا

وهواسنه تبعیتده سعی و کوشش ایدرسک حقه مخالفتده

او قدر افراط ومبالغه ایدوب سنی اضرا ره و شرورده

اصراره ورزش ایدر زیرا کنندی مراداتنه وصول ایله

قوت بولور مادامکه نفس قوتده اوله قلب ضعیف اولور

پس ایمدی سالک راه خدا که ماننده خلیل بت نفس

اماره بی شکسته ایلیمه عمارت کعبه دله که حرم محرمدر

موفق اولماز (مشوی

مادر بتها بت نفس شماست

زانکه آن بت مار و این بت ازدهاست

بت شکستن سهل باشد نیک سهل

سهل دیدن نفس را جهلست جهل
هر که مرد اندر تن او نفس کبر
مرورا فرمان خورشید وابر
نفس اماره نك هواسنه متابعت ایتیموب هر خصوصه
خلافن اختیار ایدن لرشر و شوریدن خلاص اولوب
مستریح اولور

(خلو القلب خیر من ملوء الكبس)

معنای لطیفی قلبك خالی اولسی خیرلودر کبسه نك
طولمه سندن یعنی قلبك محبت دنیادن خالی اولسی
خیرلودر غنای ظاهریدن (حب الدنيا رأس كل خطیئة)
حدیث صحیح در قلبی محبت دنیادن خالی اولان کبسه به
غنای ظاهر راه حقه مانع اولماز حکایت بکار خواجکاندن
بر عزیزك آرایش مکن و اموالی نعل باز کونه سیر
اطواری و ستره حالی ایدی املاک و ممالیک و عبید و اما
بالجملة تمام و قطار استر و اکثر و کله بیجا بکاو و اغنامدن
بر قاج طویله اسبان تازی کهیلان ساحه دولتسر اینده
کشیده طویله تملکی اولغله گاه گاه سر بستکان سلسله
ارادتی اولان درویشانله سوار اولوب مانند شمال
وصبا تماشای کوه صحرا ایتک عادت حسنه لرندن ایدی
اول وقتده ارشاد عباد عباد ايله شهرت شعار اولن لرندن
بر شیخك مجلسنده بر وجود مکرمك احوالندن بحث

اولندقدہ طویله اسبان صبارفتاره دلبسته در دیو فی الجملة
طعن امیر گفتاره اجترایلدیکن عزیزمشار الیه نقل
ایتد کلرندہ (من میخ طویله رادر کل زده ام نه در دل)
دیو حواب باصواب و یردیله پرده برانداز جهل و ضلالت
فرمانفرمای قلم و رسالت صلی الله علیه وسلم حضرت لرندن
سؤال اولندیکه نیچون قلوب عباد مشاهده رب عزندن
محجوب اولدی جوابنده بیوردیلر که دل بنده مؤمن
حضرت غنی عن العالمینک بغض ایلدیکی شبهه محبت
ایلدی یعنی دنیایه دلبسته اولدی حیات جاوداتی به
باعث اولان دار آخرت ایچون اعمال صالحه بی ترک ایلدی
بر حدیث آورده دخی بیوررلر که درت خصلت علامت
شقاوتدر اولکی جود العین ایکنجی قسوت قلب
اوچنجی طول امل دردنجی حب دنیا امعان ايله نظر
ایلین اهل بصیرته مستور اولماز که حب دنیا خصال
ثلثه بی مستلزمدر حضرت مولوی قدس سره مشنوی
شریفنده بیوررلر (مشنوی

چبست دنیا از خدا غافل بدن

نی قشاش و نقره و فرزند وزن
(کل ما الهالك عن مولاك فهو دنياك) کلام در رباری
(الدنيا ما شغلك عن الله) مضمون جوهر نثاری جمله
بو مفهومی مشتملدر بایزید بسطامی قدس سره

حضرت ترینه سؤال ایتدیلرکه واصل اولدیغن مراتب
جليله به سبب وصول نه اولدی جوابنده دنیایی جمع ایلدم
قناعت ر یسمانی ايله بغلدم و صداقت منجیقنه وضع
ایلیوب دریای یأس و حرمانه انداخته قیلدم بعد از آن
مستریخ اولدم دیو بیوردیلر خلاصه سخن اعزه کبار
اولیادن بعض وجود مکرملر بیورمشلرکه اعضا و جوارح
انساندن هربری بر نیجه مصالح حسنه ایچون خلق اولندی
مثلا چشم نظر اعتبار و مطالعه کلام حضرت رب
ستار ایچون و دست معاونت عجزه و پای مجالس و علمه
و جوامع و مساجده رفتار ایچون کذا و کذا اما قلب انسانی
محضا جناب خالق متعال حضرت ترینی فکر و ذکر ایچون
مجبولدر ایمدی هر نه حالده اولور سه اولسون اللهدن
غفلت موجب بعد و دوری اولدیغی بدیهیدر
(خلیل المرء دلیل عقله)

خلت دوستلق خلیل دوست دیمکدر معنای لطیفی
کشبنک دوستی عقلنک دلیلدر بوخبر صحیحده وارد
اولشکه قال النبی علیه السلام (من اراد الله به خیرا
رزقه الله خلیلا صالحا ان نسی ذکره وان ذکر امانه)
مجالست اخبار مصاحب اولی الابصار کیمیای سعادت
ابدیه و رهنمای دولت سرمدیه در نته کیم حضرت مولوی
قدس سره بیورر (منوی)

مهر پاگان در میان جان نشان
دل مده الایمهر دلخوشان
نار خندان باغ را خندان کند
صحبت مردانت از مردان کند
کر تو سنک صخره و مرمر شوی
چو بصاحب دل رسی کوهر شوی
پس بو مقرر در که اگر بر کشبنک هم صحبتی عاقل ایسه
البته اول آدم عقلدن حصه دارد زیرا عدم مجالسه
مانع صحبتدر

(خیر النساء الودود الولود)

معنای لطیفی نسانک خیر لوسی محبتلوا ولوب چوق طوغریچی
اولاندر نته کیم ابوداود و حاکم بو حدیث شریفی روایت
ایدر لر قال النبی علیه السلام (تزوجوا الودود الولود
فانی متکثر بکم الامم) و حضرت فاروق رضی الله عنه
بیورمشلرکه (حصیر فی بیت خیر من امرأة لاتلد) یعنی
حصیر پاره سی بر خانه ده خیر لودر عقیق اولان عورتدن
امام بی مدانی حضرت شیخ شعرانی رحمه الله بیورر لر که
ودود ولود اولان خاتون تزوجی خاطری منشرح و سرای
شکر نعم اللهک بابنی منفتح ایدر و اولاد سببیله زوجی
اکا دل بسته اولور اما عجوز جافیسه اولان عورت بو یله
دکلدر بلکه بو کونه عورتک زوجی مقتضای نفسانیت ايله

مقدور حقه راضی اولیوب ساخت اولور اندن خاطرینک
تنفری سببیه کاهیجه جافیه اولان عورتدن نصف الخلق
وناقص الاعضا ولد متولد اولور حین وقاعده داعیه
ضعیفه اولدیغی ایچون اما زن مهر بان بونک خلافیدر که
حسن ملاعبه سی وحلاوت کلامی مکامن جسدن
جاذب منی کثیر اولدیغیچون نطفه خالصه غریزه نازل
اولوب وجوده کلن ولد ضخیم الخلق وحسن الوجه
وجمله الاخلاق اولور وقاعده پدر و مادری بولندقلری
صورت اوزره وجوده کلور (نظم)

ای زمشکین طره ات برهر دلی بندی دکر
رشته جازا بهر موی تو پیوندی دکر

مادرست خورشیدومه باشد پدر کر فی المثل
برزمین ناید بخوبی چون توفرزندی دکر
ماصد فی اولان ولد خوبر و مادر نیکخودن متولد اولدیغی
تجر به اربانه خنی دکدر ❁ فی حرف الدال ❁
(دولة الملوك فی العدل)

عدالت ملوک تاجدارانه نه مرتبه لازم اولدیغی حرف
ثاده بسط اولندی
(دوام السرور رؤیه الاخوان)

معنای لطیفی دوام سرور نشاط رؤیت اخوان دیندر
سپا اخوان سینه صافا نکه محبتی غرضدن مبرا وحصل

وخذع ونفاقدن معرا اوله (بیت)

بهار عمر ملاقات دوسه تدارانست

چه خط برد خضر از عمر جاودان تنها
میهانه ده اغراض دنیویه وتحصیل مطالب نفسانیه
اولیوب محبت الله اولدقده بلکه طرفینک آینه قلبیری دخی
ژنکار کدورات وقسوتدن پاک مانند مهر انور تابناک
اولدیغی وقتده سردقیق (المؤمن مرأة المؤمن) آشکار
اولوب کنندی حسن مغویسنی علی طریق التعاکس
سججیل برادر مهر تابنده مشاهده ایدر اصحاب حسن
کنندی جمال با کمالی تماشادن نه مرتبه محظوظ اولدیغی
مسلم الکدر قافهم متحاین فی الله حقنده وارده اولان
آثار صحیحه نک روح معانی غامضه سی بو اسراره
مبتنیدر (مشوی)

خلوت از اغیار باید پی زیار

پوستین بهر دی آمدنی بهار

کم زخاکی چونکه خاکی یار یافت

از بهاری صبر هزار انوار یافت

آن درختی کوشود بایار جفت

از هوای خوش زسرتاپا شکفت

درخزان چون دید او یار خلاف

در کشید او و و سر زیر لحاف

(دواء القلب الرضاء بالقضاء)

معناى لطيفى قلبك دواى قضای الهى به تسليم و رضادر
دواء مر يرضه اولور قلب انسانينك مرضى اخلاق
رذيله در بوا امر اضدن سلامتى كالدر شيخ نورانى حضرت
شعرانى مشارق الانوارده رصد ساز اولد قلرى كواكب
نكات نوادر دندر كه مشايخ مصريه دن شيخ على بصير
حضرتلريكه كندى معاصر لرندندر اكثر اوقاتده
حضرت خضر ايله ملاقاته موفق ايديلر و ديرلر ديكه
بر كيمسه حضرت خضر ايله محبت مراد ايلسه اوج
شرطه رعايت ايتكه محتاجدر مادامكه شروط ثلثه به
مراعات بولنميه اجتماع محالدر شرط اول بالجملة اخلاق
رذيله دن سالم اولوب بوا امت مر حومه دن بر فرده سوء
قصدى اولميه شرط ثانى ستن فخر المرسلين صلى الله
عليه وسلم اوزره اقوال و افعالى جاريه اولوب اقسام
بدعتدن بر شئه مر تكب اولميه شرط ثالث دراهم
ودنانيردن و رزق مقوله سندن فردا ايچون پرنسنة ادخار
واخفا ايلميه بوشروط ثلثه به ملازمت ايتمين ذات
فرضا عبادات ثقلينى جامع اولسه دخی خضر عليه
السلام ايله ملاقات ممتنعدر انتهى كلامه شروط ثلثه نك
بريسى سامت صدر اولديغندن منفهم اولديكه قلب
سليم دارينده نفع عظيم ايراث ايدر مش (يوم لا ينفع

مال ولا بنون الا من اتى الله بقلب سليم) بود عوايه شاهد
عدلدر بوى كلام وجير دن عاقل و صاحب تميز اولنلره
بر معنا ظهور ايلر كه قضای الهى به تسليم جمله اخلاق
حسنه دندر لكن تدقيق اولنسه جمله بي جامعدر فهم
من فهم (رضى الله عنهم و رضوا عنه) بومعناي مؤيد
(الرضاء بالقضاء باب الله الاعظم) بومفهومي
مؤكدر (بيت

تقدير چو سابقست تعليم چه سود

جز بندكى و رضاون تسليم چه سود
انباء عظامدن بروجود عاليمقام على نبينا وعليه الصلاة
والسلام مناجاتنده ديرديكه الهى بكا بر عمله يول كوستر كه
سنتك رضا كه سبب اوله خطاب عزت ايرشديكه بنم
سندن خوشنود لغم سنتك بنم قضای مقررمدن خوشنود
اوله كه موقوفدر چونكه سن بنم قضامه راضى اوله سن
بن دخی سندن راضى اولورم (بيت

هر كه راضى شد از قضای خدا

بهره مى يابد از رضای خدا
فى الحقيقه بردا كه نور رضا ايله روشن اوله مقدرات
الهيه دن يوز چويرمز مقتضيات قدردن رسیده اوله
تمام رغبت و قبول ايله خوشدل اولور بوسبب ايله پيرامن
خاطرينه اندوه و ملال كذار ايلز همواره شادمان

ومطیب القلب اولور (شعر)

هر عزیزیکه با قضا خو کرد

فرح و عیش روی با او کرد

خوش در آمیز از صفای ضمیر

با قضا و قدر چو شکر و شیر

(دلیل عقل المرء قوله ودلیل اصله فعله)

معنای لطیفی کشتنک عقلنه دلیل کلامیدر واصلنه

دلیل فعلیدر شق اول (المرء مخفی تحت لسانه) مضمونیدر

شق ثانی (فعل المرء يدل على اصله) مألیدر لسان قلبک

ترجانیدر کشتنک قلبنده اولان فکرهرنه ایسه اذا خلی

وطبعه سویلسه اول فکره دائر سویلر (مصرع

کلامندن اولور ظاهر کشتنک کنندی مقداری

فخواستجه عاقل اولان یعنی سویلر وحسب ونسب

اولان افعال حسبیه ایملر (ان الله يحب معالی الامور

ویبغض سفافها) خبر صحیحی مقتضاستجه مرد

اصیل مخالف شرع شریف کاری ارتکاب ایتمز فعل

وقولک میرانی شرع میندر هرکیم بومیرانی تجاوز

ایلیه عاقل دکدر

(دم علی کظم الغیظ تحمد عواقبک)

معنای لطیفی دائم اول کظم وهضم غیظ وغضب اوزره که

عواقبک دنیا و آخرته محمود اولور حرف حاده (حده

المرء تهلكة) بیاننده بو کلام شریفک حسنی بیان اولندی

(دین المرء خدینه)

خدین دوست معناسنه در معنای لطیفی کشتنک دینی

دوستیدر یعنی کشتنک مسلکی دوستنک رفتارندن ظاهر

اولور (الصحة مؤثرة والطبيعة سارقة) معناسنجه

هرکس یار ومصاحبک خوینی اخذایدوب رفته رفته

آنک کتدیکی طریق طور

(دینار الشیخ حجر)

الشیخ البخل مع الحرص) شیخ دیوبخیل وهم حرص

اولنه دیرلر معنای لطیفی بخیل حرصک التونی حجر در

یعنی حجر مثالیدر مالدن غرض تمتعدر تمتع اولمدجه

حجر ایله زرك فرقی یوقدر (بیت

شرف مرد بچودست وکرامت بسجود

هر که این هر دو ندارد عدمش به وجود

بو آیت کریمه ده اولان وعید ارباب شیخ وحرصه تنبیه

اکید در (والذین یکنزون الذهب والفضة ولا ینفقونها

فی سبیل الله فبشرهم بعذاب الیم) اصل کنز جمع اتمک

وشبثک بعضنی بعضی اوزره وضع اتمکدر مفسرون

یکنزون لفظنی یجمعون ویدخرون ایله تفسیر ایلمشلا

اوائل ظهور اسلامه قدر حاجتدن فضله اولان مالی

اخراج واجب ایدی بو حکم نزول آیت زکاة ایله منسوخ

اولوب وجوب استجابة تبدیل اولندی و برخبرده سلطان
انبیا علیه ازکی التحایا حضرتلری بیوردر که (لا یجتمع
الشح والایمان فی قلب عبد ابد) رباعی

از بی درمی رسید عیسی بفلك

وزبادرمی رسید قارون بدرنگ

کرزانکه به سیم وزر کسی به بودی
عیسی به درك بودی وقارون بفلك
بذل و انفاق ماده سنده میانه بندکان خداده تفاوت
بین السماء والارضدر بعضی هرسنه ده برکره ربع
عشر مالی که فریضة زکاتیدر اخراجنده بخل ایدوب
کونا کون تصرف محیلانه ایدر و بعضی بالکلیه
اهمال ایدر و بعضی مالک اولدیغی مالن کلبسنی
طلباً لمرضاة الله جود واعطا ایدر بلکه نفسلرینی آداب
عبودیتده وقلوبنی دوام مشاهدۀ رب عزت اوزره
انفاق ایدرلر پس ایمدی اصحاب شریعتک انفاقی مال
جهتدن ارباب حقیقتک احوال جهتدندر انفاق
اغنیاهل حاجاتدن فضله مالی دریغ ایتمکدر وعباد
وزهادک انفاقی وظایف خدمت عبودیتدن نفسلرینی
ادخارا ایتمکدر وعارفک انفاقی قلوبنی حقایق
مراقبه دن منع ایتمکدر وعشاق الهینک انفاقی مجاری
اقضیه دن روحلرینی صقنه مقدر بو تفصیلدن مراد

سالک طریق حق اولنلرکنندینی بومیرانله سنجیده ایتمک
کرك والا دعوی خشکدن نسنه حاصل اولماز (مثنوی
در شریعت مال هرکس آن اوست

در حقیقت ملک مامملوک دوست

(دولة الارذال آفة الرجال)

الرذل بفتح الراء وسكون الذال المعجمة الدون الخسب جمع
ارذال معنای لطیفی دون و خسب و ردی الاصل اولنلرک
دولتمند اولملری رجال کریم الاصل اولنلره موجب آفتدر (بیت
ناسزایی را چوینی بختیار

عاقلان تسلیم کردند اختیار
سراج الملوك نام کابده ابقاد اولنسان چراغان حکمدندر که
نوشروان عادل مؤید مؤید اندنکه قاضی القضاة دیمکدر
سؤال ایلدیکه زوال دولت پادشاه اوج نسنه ده در
اولکبسی اخبار مملکت و رعای پادشاهدن اخفا ایتمکدر
ایکنجبسی مردم فرومایه بی تربیت ایدوب کارگاه عمله
نصب ایتمکدر اوچنجبسی عمالک ظلم و ستملریدر نوشروان
دیدیکه بوسوزلری نه دلیل ایلله سویلدک جواب و یردیکه
چونکه خبر رعیت و ولایت سلطانندن منقطع اوله
دوستدن و دشمندن فارغ اولوب احاد ناس هر نه مراد
ایدرسه اشلکه شروع ایدرلر هر گوشه دن انواع فتن
ظهور ایدر و مملکت فتنه ایلله مالا مال اولوب خراب اولور

چونکه مردم فرومایه محل عمده مستخدم اولوب دولته
 في الجملة دسترس بوله دنائت همتندن جمع امواله
 حریص اولوب هرکسندن جلب فوائد مالیه به طمع ایدر
 واکابر و اشرافک مقادرینی فهم ایتیموب تعظیم
 و تحطیر لرنده تقصیر ایتیمکه قلوب ناسی رنجیده ورمیده
 ایدر بو صورتده نیجه اصحاب قلوب بلکه عامه خلق
 آنی نصب ایدن سلطانک و آنک وجود لرنی رفعه
 همتلرین حواله ایدوب هر شبانه روز زواللرینه مترقب
 اولورلرنه کیم دینلمشدر (زوال الدولة بارتفاع السفلة) شعر
 کرسفله بجاه دست یابد بازار ملک شکست یابد
 دونان نه سزای جاه باشند بل درخور بند و چاه باشند
 اوچنجی ارباب خدمات یعنی جمع امواله مأمور اولان
 ذوات چونکه رعایایه ظلم و ستم ایلنه رعایانک نیتلری
 پادشاهه فاسد اولوب زراعت و حراشتدن ملول و متضرر
 اولورلر و مداخل خزیننه سلطان ناقص اولوب عسکره
 و طایفنی ایفایه عدم قدرت ظاهر اولور انلردخی هنگام
 مقابله اعداده مقاتله به تصدی ایتیموب زوال سلطنت
 امر مقرر اولور نوشروان بوسکلامی آب طلالیه
 تحریره فرمان و مویده فوق المأمول انعام و احسان ایلدی
 (کل شیء يرجع الی اصله) مغز اسنجه حکما دیمشلرکه
 نفوس حسببسه اصحابنی تربیه ایتیمک کشی کنیدی آب

روینی ریخته ایتیمکدر مثلاً نطفه خبیثه دن حاصل
 اولان وجوده دنیا دن انتقال حرامدر مادامکه کنیدی
 ولی نعمته اسائت ایتیمکجه (شعر)
 بد اصل را چه گونه کسی تربیت کند
 در جیب خود چه گونه کسی مار پرورد
 حفظ ل به تربیت ندهد طعم نیشکر
 کل پر نچیند آنکه کسی خار پرورد
 البای زمانه پوشیده دکلدر که پیک یوزاون بش تاریخی
 خلاننده مرز و بوم رومده علو کبر اولان نائرة فتن عظیمه که
 مصرع (چشم و کوشی کورممش ایشتمشدر کیمسه نک
 ترفع ارذال و تنزل رجالدن ظهور یافتنه اولوب خلیع
 سلطنت شهر یار ذی شانه و خرابی بسیار دودمانه منتج
 اولدی بالجملة اسبابی تفتیش اولنسه مناصب علمیه نک شرمه
 شرمه فرومایگانه تقلیدی و خدمات مالیه سلطانیه نک
 اراذل اشخاصه تخلید و تأییدی و پایمالی اشراف
 و اعالی و تحقیر و اهانت ذوی الانساب و اهالی بدر
 (دار من جفاک تحجیل)

معنای لطیفی مدارا ایله سکا جفا ایلین کیمسه به آنی
 شرمسار و تحجیل ایتیمک ایچون (امر ت بمدارة الناس
 کما امرت باداء الفرائض) الحدیث و امام بیهقی شعب
 ایمانده ابوهریره دن یوحدیث شریفی روایت ایدر

(رأس العقل المدارة واهل المعروف في الدنيا هم اهل المعروف في الآخرة) سفهایه مدارا ایتک اصناف اخلاق حیده دن معدود در عاقل دانا به لسان الغیبک بویتی سرمایه کافیدر (بیت)

آسایش دو کیتی تفسیر این دو حرفست
با دوستان مروت با دشمنان مدارا

❀ فی حرف الذال ❀

(ذکر الاولیاء یبذل الرحمة)

معنای لطیفی اولیای کرامک ذکر رحمت رحمانی انزال ایدر دیلمی رحمه الله مسند فردوسه حضرت عایشه صدیقه رضی الله عنها وعن ابیها دن بوحدیث شریفی روایت بیوررل قال صلی الله علیه وسلم (ذکر الانبیاء من العباد و ذکر الصالحین کفارة و ذکر الموت صدقة و ذکر القبر یقر بکم من الجنة) بوحدیث شریفک شرحنده سراج المنیرده (کفارة للذنوب الصغار) دیو بیان اولنمش (نظم)

اولیا درندمای حضرت جاییدرزیر قباب غیرت
اولیا درامنای اسرار اولیا در او باش ستار
موم وش کندی زمینده بر پا پرتو نوری صلا رعرشه صلا
اولیا در سبب حفظ جهان اولیا ایل طور رکون و مکان
اولور آرایش چشم افلاک اولیا نک قدمی با صدیقی خاک

دیه بر طائفه به فخر جهان آه و شوقاه لقای اخوان
لفظ اخوانله وزن حال ایت آنلرک رتبه سن استدلال ایت
نه کدا انلری نه شاه یلور آنلرک رتبه سن الله یلور
نور بصیرتدن بهره یاب اولان وجود لر اولیای عظام
قدست اسرارهم حضراتنک مذاکره لری اثنا سنده
نه رتبه ده کشایش درون و انفتاح قلب محزون رونما
اولدیغن مشاهده ایدوب بو حالت آثار رحمت ربانیه دن
اولسنده شک و مرا ایلزلر (مثنوی)

جمله دانا نان چنین گفته همین

هست دانا رحمة للعالمین

همنشین اهل معنی یاش تا

هم عطایای وهم باشتی فنا

حضرت شیخ عطار قدس سره تذکره لنده بیوررلر که
ابو علی دقاق حضرت تلرندن سؤال ایلدیلر که مردان
خدانک کلمات کرامات آیاتلرین استماعده فائده ندر
بیان بیوررکه اول شوقله کوش ایلیمه لم بیوردیلر که ایکی
فائده وارد در بریسی اولدر که مستمع طالب حق ایسه
قوی دل اولوب طلبی زیاده اولور ایکنجی فائده اولدر که
بر کیمسه دماغ و پندار اولسه شکسته اولوب ادعا دن کچر
آینه کلام اولیاده کندوی مشاهده ایدوب اکراعی
دکله حالی کورر کما قال الشیخ المحفوظ رحمه الله (لا ترن

الخلق بميراثك وزن نفسك بميراثان الموقنين لتعلم فضلهم
 (وافلاسك) وجناب جنيد قدس سره حضرت تالرينه
 ديديلر كه بو حكايات ور وايتده نه فائده واردر بيورديلر كه
 كلام اوليا حضرت رب العالمينك عسا كردن بر عسكردر
 اكر مرید داشكسته اولور سه قوی اولور و اول عسكردن
 مدد يولور بود عوايه حجت (و كلا نقص عليك من انباء
 الرسل ما نثبت به فؤادك) آيت كريمه سيدر و خواجه
 كائنات عليه افضل الصلوات بيور مشركه (عند ذكر
 الصالحين تنزل الرحمة) انتهى كلام العطار رحمه الله
 (ذليل الفقر عند الله عزيز)

فقري همچون بين الناس ذليل اولان عند الله عزيزدر
 سيما فقر اختياري اوله عاقل آگاه فقراتك ايكي قسمه
 دخی مهما امکن اکرام ايدر اکر قول لين ايله
 اولور سه ده (بيت

تميز نيك وبد روزگار کار تو نیست

چو چشم آينه در خوب وزشت حيران باش
 شرح تعرفده اوتوز طقوزنجي باده مسطور در كه فقر
 اصل کيردر و حقيقت فقر الله نیازمند کدر و بنده به
 سزاوار اولان هر حالده حقه نیازمند اولمقدر قال الله
 تعالى (يا ايها الناس اتمم الفقراء الى الله) پس ايمدی
 عبد مؤمن سراسر عالمه مالک دخی اولسه ينه فقيردر

زیرا هر غنا كه حضرت حقك غيريله حاصل اوله دوکلی
 فقيردر چونكه حقه آرام بوله غير حقه وصول ايله
 چن غنی اولور و فقر حضرت رسول اکرم صلی الله
 عليه وسلم پیشه سيدر نته کیم خبرده واردر (لی حرفتان
 الفقر والجهاد) و بر حدیث آخرده دخی واردر كه (الفقر
 اسرع الى من يحبني من السيل الى منهاه) و حضرت
 سلطان انبيا عليه السلام کندي اهل بيتي حقنده دعا
 ايدوب بيوردیکه (اللهم اجعل رزق اهل بيتي كفافا
 قوت يوم يوم) محل شک و ريب دکدر كه اول عالم اولين
 و آخرين حضرت تالري کندي اهل بيتلري حقنده افضل
 اولان حالی اختيار ايدر

(ذلاقة اللسان رأس المال)

ذلاقت قبح ذال معجزه ايله حدت معناسنه در بو محله
 ذلاقتدن مراد شیرين زبانلقدر معنای لطيفي حلاوت
 لسان سرمايه در شاه اوليا کرم الله وجهه حرف لامده
 بيور لر كه (لين قولك تحب) حسن حدیث و صدق
 لهجه و حلاوت منطق تواضعه و لينت کلامه مقارن
 اولدقده صاحبي محبوب القلوب اولديغي ظاهر در
 ايمدی بو مقوله وجود لر معاش امرنده اکثر يا عسرت
 چکميوب صاحب ثروت اولور لر (رباعي
 حرفي وملاحت دو عالم تمثال

لعلی و هزار تلخ کام از دنیای
سپای تکلم از نمک شور انکیز

دامان تبسم از شکر مالا مال
(ذم الشیء من الاشتغال به)

لفظ ذم مصدر در مفعولنه مضاف فاعلی متروک در
معنای لطیفی کشتی برنسنه بی ذم ایتک قلبی اول شبهه
اشتغالدن ناشیدر قلب برنسنه به تعلق ایتسه آنی یاده
کتورمن اعزه کر آمدن بر وجود مکرمک یاننده بر کیمسه
مذمت دنیاده اسهاب واکثار ایلدی عزیز اول کیمسه به
دیدیکه سنک دنیایه تعلقک وصفدن بیرون در زیر (من
احب شبتا اکثر ذکره) دینلشدر اگر علاقه مفرطه ایله
دنیایه محبت ایتیدک ذکرنده بو قدر افراط ایتمزایدک
عارفان آگاه بالجمله ماسوی اللهی انداخته نسیمانسیا
فراموش ایدوب زبانه کتورمنزل (بیت

لاتنکر الباطل فی طوره فانه بعض ظهوراته

مفهومیله عامل اولنلر جمیع اجزای عالمده مشاهد
جلال و جمال ایدوب ذم ومدحنده کلیل اللسان
اولشلردر (بیت

میان سیمجه وزنار فرق لایق نیست

یکبست رشته اگر نالها موافق نیست

(ذواقه السلاطین محرقة الشفتین)

ذواقه معجه ایله طعام طامق چاشنی معناسنده در معنای
لطیفی سلاطینک طعامنی طامق کشتینک دوداقلرینی
یابقی بدر باعتبار مایؤل الیه یعنی آخرتده (بیت
مردم کونه نظر در انتظار محشرند

نقد باشد محنت فردا مال اندیشرا

اگرچه صورتا سلاطین و امرانک زیب خوانلری اطعمه
نفیسه شکر فشانده و پرنوشدر اما پیش نگاه اهالی
اعتبارده اخکردرون سوز خا کستر پوشدر (بیت

امرغه کوروب یاغلی پلاون امرانک

کیم یاغری یاغی چشمی یاشیدر فقرانک
عمال ستم پیشکان زوایای ممالکده پیغوله نشینان فقر وفاقه
اولان ارامل وایتام عذیم الطاقه دن صد هزار جبر و قهر
بلکه ضرب بی اصول و حبس و زجر ایله جمع ایتدکلری
اموال ایله ترتیب و طبخ اولنسان طعام لب سوز اولنق دکل
جکر سوز اولور

(ذنب واحد کثیر و الف طاعة قلیل)

معنای لطیفی عفو و غفران حضرت رحمان ایله مغفورله
اولین ذنب واحدک جزا سی چوقدر و جناب وهاب
لم یزلک عباد مؤمنینه آخرتده احسان ایلدیکی درجات
عالیاته و جنان و حور غلمان طیباته کوره بیک طاعت
مقبوله قلیلدر

(ذر الطاغی فی طغیانہ)

ذر امر در اترك معناسنه معنای لطیفی صاحب طغیان

حالت طغیاننده ترك ايله (بیت)

دع المرء لا تجزه على سوء فعله

سیکفیه مافیہ وما هو فاعله

عصیانده حدی تجاوز ایلینہ طاغی دیر لر اول مقوله

کیمسه نصیحت پذیر اولماز سه مجازات قیدینه دوشمه البته

کارینک جزا سی عن قریب ایریشوب طرف حقندن

شامت اعمالیله گرفته اولور اول وقتده از جان و دل

تائب و منیب اولور سه فیها ونعم محتملدر که حضرت باری

توبه سن قبول ایدوب صلاحیت طرفنه میل ایده والا (بیت)

سبحه بر کف توبه برب پردل از ذوق کاه

معصیت را خنده می آید بر استغفار ما

مضمون نتیجه توبه لسانی تجاوز ایتمز سه آخرتده مکافات

عمل ايله گرفتار عذاب و عقاب اولق مقرر در (بیت)

چون پذیرند از تو عذر لنگ کز بهر سفر

باد پای همچو جان بیقرار ت داده اند

(ذکر الموت جلاء القلوب)

معنای لطیفی موتی یاد وتذکر ایتک قلوبک جلا سیدر

زیرا موتی ذکر ایتک آمالی قصیره ایدر قصر آما لکه

فراغ قلب ایراث ایدر قلب فارغ البته عبادات موظفه ايله

متنور

متنور و مجلی اولور بو حدیث شریف ابن ماجه و ترمذی

رحمهم الله روایتلریله صحیحدر که قال النبی علیه الصلاة

والسلام (اکثر وا ذکر هاذم اللذات) الهاذم بالذال

المعجمة القاطع و حدیث آخرده ترمذی و بیهقی روایتلریله

وارد اولمشکه (کن فی الدنیا کأنک غریب او عابر سبیل

وعد نفسك من اصحاب القبور) حضرت عمر بن الخطاب

رضی الله عنه جنابلری ایام خلافتلرنده اجرت ايله بر کیمسنه

تعبین ایتمشلر ایدیکه هر کون بر کره مجلس شریفلریسه

کلوب یا عمر انجام عمرده موت مقرر در زنه ار فراموش

ایلیسه سز دیردی وقتا که محاسن مشکینلرندن بر قاج

موی یا سمن بوی کافور کون اولدی شمدنکر و موتی

آخرک تذکیرندن مستغنی اولدق حالت مشبب طایعه

موتدر دیو اول مرد مذکرک وظیفه سن قطع ایلدی

عباد مؤمنینه اعظم نعم اللهیندر که املی قصیره و عمل

صالحی کثیر و عمری درازا ولوب هر کس حقنده خیر اندیش

اوله بو مقوله وجودک لسان حالی بعد الموت کویا

بو مضمونله یسمانده ره حالی خبر و یروب کویا اولور نظم

لا تظنوا الموت موتا انه حیوة وهی غایات المنی

لا ترعکم فجأة الموت فما هی الا نقلة من هاهنا

(ذکر الشباب حسرة)

معنای لطیفی اوقات حوائینک ذکر ی حسرتدر حسرت

لغته شیء فائت اوزرینه تلفهه دیرل یعنی هنکام
جوانی وتازه کینک یاد وتدکاری تلهف و تحزن ایراث ایدر
سن شیخوخته قوایه فتور کلوب اکل و شربده قیام
وقعوده بالجملة حرکات و سکناتده زجت کشیده لك
امر مقرر در بعد الغنا فقره مبتلا اولان ایام فراح دستیده
کذار ایدن نعمات متنوعه سن ذکر ایتد بجه نیجه
تحسیر ایدر سه سن هر مده طراوت شبابی دخی اکد بجه
حسرتکش اولسنی لاکلامدر (بیت

در عهد شبب شکوه نسیان چرا کنم
کم نعمتست اینکه جوانی بیاد نیست

بیت

مژده میدهم ای سوخته فوت شباب
عالمی هست که این عالم از و تمنایست
(دل المرء فی الطمع)

من طمع ذل ومن قنع شبع) معناسی معلوم * فی حرف الراء
(رتبة العلم اعلى الرتب)

رتب رتبه نك جمعیدر معنای لطیفی مرتبه علم مراتبک
اعلا سیدر شهر یاران فرمان فرمانک حکمی بالجملة
افراد ناسه شامل و نافذ و آنلره کمسه حاکم اولمق ممنوع
اولدیغی مسلدر لکن احکام شرعیه اجرا سنده زمره
علماسلاطین ذی شانه حاکمدر و حکم شرعی به مخاطب

ایتمکده احاد رعایا دن پادشاه جهانی فرق ایلزلر اشته
بو وجهله رتبه علم مراتب سارزه دن برتر و اعلی و صفت
علمله متصف اولان وجود شریفلرا کرام واجلاله
البیق و احرری اولور معلوم عزتدر که علمک انواعی چوق
ومع کثرتها درت قسمه منقسمدر قسم اول شرعیدر
قسم ثانی عقلیدر قسم ثالث وجدانیدر قسم رابع لدنیدر
علم شرعی فقه و فرائض و تفسیر و حدیث و اصول
علملری کبی و علم عقلی علم کلام و هیئت و هندسه و نجوم
و فلسفه کبی و عقل دخی ایکی قسمه منقسمدر یا ضروریدر
یا استدلالیدر اما ضروری اولان استدلال و تفکره
محتاج اولیاندر مثلاً هر کسک جوع و شبعه اولان علمی
کبی اما استدلالی بعد النظر فی الدلائل والاستدلال
بالبراهین حاصل اولان علمدر وجدانی اولان علمه علم
احوال دیرلر بونده عقلک مداخله سی یوقدر مجرد
تصور و استدلال ایله بو علمک ادراکی ممکن اولماز نته کیم
حلاوت عسل و مرارت حنظل و لذت جاع و کیفیت
سکرک عقلله ادراکی و استدلالی ممکن اولدیغی کبی
و قسم رابعه علم لدنی دیرلر که حضرت الله قتلدن
اولیاسنه الهام ایله موهبت اولنور کما قال الله تعالی
(وعلما من لدنا علما) بو حدیث شریفده که (من عمل
بما علم ورثه الله مالم یعلم) بطریق التوریت اعطا اولنان

علم لدنی مراد در پس امدی علما اوج قسمدر اولکی
قسمی عالم بالله ایکنجی قسمی عالم بامر الله اوجنچی قسمی
عالم بالله وعالم بامر الله عالم بالله اول کیمسه در که معرفت
الهیة آنک قلبنه مستولی اولوب مشاهده انوار حقده
آنی مستغرق قیله وعالم بامر الله اول کیمسه در که حلال
وحرامی وحقایق احکامی ییله ولکن اسرار جلال اللهی
ومعارف جمال اللهی ییله اما عالم بالله وبامر الله اول
کاملدر که طرفینی ییله هم حقندن آیر واولیه وهم
خلقه معامله ده اوله حضرت فخر رازی رحمه الله
بیوررلر که (سائل العلماء وخانط الحکماء وجالس الکبراء)
حدیث شریفنده رسول اکرم صلی الله علیه وسلم
حضرتلرینک مرادی بومذکور اولان اوج طائفه در
علمادن مراد عالم بامر الله حکمدادن مراد علم وعملی
اتقان ایلمش عالم بالله کبرادن مراد عالم بالله وبامر الله در
بونلرایله مجالسته منافع عظیمه واردر نته کیم شیخ
عطار حضرتلری بیوررلر بیت
یکدمی صحبت بمردان خدا

بهتر از صد سال بودن در تقی

(راع اباک براعک ابنک)

معنای لطیفی سن پدرک حقوقنه رعایت ایله که سنک
فرزندک دخی سنکا رعایت ایلیه بر واحسان والدین

هرکسه فرض عین وعقوقلری ایکی عالمده عیب وشین
اولدیغی نصوص قاطعه ایله استدلال اولمشدر فی الجملة
حرف باده تفصیلی کذار ایلمدی
(رسول الموت الولادة)

رسول ایلمچی معناسنه در معنای لطیفی موتک ایلمچیسی
ولادتدر یعنی بعد الولادة هیچ پروقتده آدم موتدن
امین اولماز نقل اوتور که هر روز طلوع آفتاب
عالمتاب ایله بوکهن دیر خراب روشنی باب اولدقده
برملک افراد عالمیانه بلکه فقط زمرة آدمیانه خطاب
ایدوب (لدوا للموت وابتوا للخراب) کلام فنا ارتسامیله
ندا ایدوب دلدادة زخارف دنیا وکردن بسنة علایق
شتی اولنلره مال حال ماسوایی فرمان حی لایموت ایله
اخبار وانبا ایدر

(رفیق المرء دلیل عقله)

معنای لطیفی کشتنک رفیق عقلنه دلیلدر بومضمونده کلام
متعدد سابقا بسط اولمش

(رعونات النفس تتبعها)

رعونت بطائت واسترخا معنایینه در رعونات جمیدر
معنای لطیفی نفسک بطیئه اولوب مسترخیه اولملری
کندویه تعب ایرات ایدر یعنی زجت ومشقلمه افکنده
ایلر خلاصه معنای نفس اماره یی کندو حالنه قویوب

احمال ریاضت و بار عبادت تحمیل ایتیموب اهمال ایتک
 دارینده مشاق و متاعب چکیمه سبب اولور احوال
 آخرت معلوم اما دنیاده چونکه اصل خلقت نفس
 امر بالسوء و مقابحه اشتغال ايله ضال و مضل اولوب
 بالجملة اخلاق رذيله جزء لاینفکی اولور مثلاً کبر و عجب
 و حسد و حقد و کین کی از جمله معاذ الله کبرك اقتضاسی
 کند و بی بزرگ و آخری حقیر عد ایتک و عجبك لازمه سی
 کند و ده محاسن کور و ب آورده بولسان فضائی پسند
 ایتامکدر همان بویکی صفت ذمیه جمله ابنای زمانه ايله
 معاداته کافیدر بو حدیث شریفده خیر خواه امت
 علیه افضل الصلوات حضرتلری تفصیل بیور مشلردر
 (الا اخبرکم بشرارکم من اکل وحده و ضرب عبده و منع
 رفته و قال علیه السلام الا اخبرکم بشرارکم قالوا بلی
 یا رسول الله من یبغض الناس و یبغضونه ثم قال الا انبئکم
 بشر من هذا قالوا بلی یا رسول الله قال من لا یقبل عثرة
 ولا یقبل معذرة ولا یغفر ذلة ثم قال الا انبئکم بشر من هذا
 قالوا بلی یا رسول الله قال من لا یرجى خیره ولا یؤمن
 شره) صدق رسول الله اشته بومذکورات نفس اماره ده
 اولان سبعیت صفتلریدر که بونک صاحبی مدت حیاتند
 آلام شدائد دن خلاص اولماز (پیت
 بونک ایچونمی اولور بس مخلوق

بومیدر امری سکا مولانک
 رعونت لغتده حق معناسنه دخی کلور عجز بشریتنی
 ادراک ایتیموب صفات مذکوره ايله متصف اولان کیمسه یه
 احق دینسه وجه و جیهدر دردمند انسان ایکی کره
 مجرای بولدن سرزده اولدیغن ییلوب وجود مو هو و مپسنک
 تار و بودی افتقار و احتیاج ایکن فراموش ایدوب
 کندویه پرکونه کبر و عظمت اثبات ایتک حاققتک ذروه
 علیا سیدر (شعر)
 چوقده مغرور اولمه کیم میخانه اقبالده
 بزهاران مست مغرورک خارین کورمپشوز
 برکون ایلردست بسته پایکا جایکا
 بیعدد مغرور صدر اعتبارین کورمپشوز
 (رؤیه الحبيب جلاء العین)
 شفاء العلیل لقاء الخلیل (مضمونه قریبدر) شعر
 للحب حلاوة و بالعین مذاق
 ان کنت تراها بعین العشاق
 و الهجره مرارة یعرفها
 من خلد فی بحیم نار الاشواق
 بیت الاحزان هجرانده مانند پیرکنعان نیجه دملر کر یان
 اولدقدن صکره ملاقات جانان ايله کامران اولنلر
 بومعنا بی ادراک ایدر (شعر)

عاشق نبوده و بدردم نمیرسی
اکه نه که هجر کدام انتظار چیست

در عاشقی بر روز نیاورده شی
واقف نه که محنت شهبای تار چیست
(رزقك يطلبك فاسترح)

معنای لطیفی رزقك سنی طلب ایدر سن مستریج اول
طلبده مضطرب اوله (نظم)
اذا استصعب الامر لا تضطرب

فقد قال من لا يقول الكذب
(ومن يتق الله يجعل له مخرجا ويرزقه من حيث لا يحتسب)
سعیله رزق مقدور زیاده و نقصان اولماز بلکه سعی
و طلب البت توکلدر حضرت مولوی قدس سره مشوی
رزق کم باید تو بر درگاه باش

دیو یوررلر حضرت عبد القادر کیلانی رحمه الله
فتوح الغیب نام کابلرنده بیوررلر که ای فقیر خامل الذکر
زنهار و هزار زنهار حضرت حق بنی فقیر ایلدی پندن
دنیا بی منع ایلدی بنی عسرتله صعوبته القا و فلانه نعمتی
اسبال ایلدی بنم اوزریمه آنی تفضیل ایتدی مع هذا
ایکیز دخی مسلمانلر ابا و امها تمر حضرت آدم و حوا ده
جمع اولورلر دیمیه سن اما سنک حقنده ویریلان جواب
اولدر که سنک طینتکی حضرت حق حره خلق ایدوب

ندای رحمتی ایلله سبره صبر و رضا و یقین و شکوفه علم
و ایمان و توحیدی انبات ایدوب شجره ایمانی غرس
و تربیه و تمییه ایتدی هر کون نشو و نماسی زیاده اولمقده در
پس ایلدی ارض قابله حالک روث و سبباًطه من خرفات
دنویه به محتاج دکدر حضرت مولی دنیا ده سنک
امر کدن فارغ و اجور جزیه اخرویه ایچون سکا
(ملا عین رأت ولا اذن سمعت ولا خطر علی قلب بشر)
ما صدق اولان نعمی احضار ایلدی (فلا تعلم نفس
ما اخفی لهم من قره اعین جزاء بما کانوا یعملون) ای
ما عملوا فی الدنیا من اداء الاوامر و الصبر علی ترک المناهی
و التسلیم الیه فی المقدور و التفویض الیه و الموافقة فی جمیع
الامور) اما اول کیمسه که حضرت رب غنی اکا دنیا ده
نعم بسیار و یروب قدرت و مکننت و یرمشدر انکچوندر که
آنک محل ایمانی ارض شوره در آنده القای سبباًطه
اولمد بقیه برشی یتمز آنک شجره ایمانی و ثمره عرفاتی
حفظ ایتک ایچوندر اگر غنا آندن منقطع اولسه نبات
ایمان قور ییوب سبره ایمان پر مرده اولور فافهم مصرع
او چاره کار بنده به میداند

یو تفصیله امعان نظر ایلین مستریج اولور
(راع الحق عند غلبات النفس)

معنای لطیفی نفسک غلبه لری قنده حقیه رعایت ایلله

یعنی نفس اماره سکا بر مکر و هوی ارتکاب ایند ر مک
صد دنده ایکن سن طرف شرع انوره میل ایدوب نفسی
اول کار بددن منع ایله (و امامن خاف مقام ربه ونهی
النفس عن الهوى فان الجنة هي المأوى) آیت کریمه سی
نفسنی هوادن منع ایدنلره مرده در
(رفاهیه العیش فی الامن)

معنای لطیفی عیشک رفاهیتی حال امنده در مکر اعدادن
امانت نعمت عظمادر اول وقتده اولان زندگانی به
رفه حال تسمیه اولنور بو کلامده بر نکته دخی اعتبار
اولنسه ممکندر که کشینک اعدای عدوسی نفسیدر
آنک کید و مکرندن امانت زماننده رفاهیت عیش مبسر
اولور ایتدی نفس مطمئنه و نفس راضیه و مرضیه
صاحبی اولیان کیمسه ایچون رفه حال محال ایمش مشوی
نفس اذدرهاست اوکی مرده است

از غم بی آلتی افسرده است
بو محله دخی چوق بسط کلام اولنغه محتاجدر که ایفای
مرام اولنه ولکن فی الجملة کشف اسراره مؤدی اولغله
یراعه خوش رفتار رخصت خرام ویرلدی
(روایة الحديث انتساب الى رسول الله)

صلی الله علیه وسلم معنای لطیفی روایت حدیث شریف
حضرت رسول علیه السلامه انتسابدر حدیث

رسول اللهی اسانیدی ایله ناسه اسماع ایتکده و کتابت
ایتکده فوائد عظیمه واردر حضرت شیخ محمدانی
امام شعرانی رحمه الله مشارق الانوار المحمدیه نام کتابنده
بیان یوردیغی اوزره فائده اولی ادله شرعیه نک
عدم اندراسیدر زیرا اگر ناس جمله ادله شرعیه بی
بیلسه لر والعیاذ بالله تعالی نصرت شریعتدن عاجز
اولوب خصومه جواب ویره مزلر فائده ثانیه هر حدیث
شریف نقلنه ابتدا اولندیقه تجدید صلاة و سلام و ترضیه
اصحاب کرامدر فائده ثالثه که اعظم فوائددر حضرت
فخر کائنات علیه افضل الصلوات جنابنک دعای خیر لرینه
فائز اولمقددر زیرا کلامنی امتنه تبلیغ ایلینه دعا ایدوب
بیورمشلر که (نصر الله امر اسمع مقالتی فوعاها فادها
كما سمعها) بی شک و ریب اول سلطان قلم و شهادت
وغیبک دعاری مستجابدر و امام طبرانی رحمه الله روایتله
مصححدر که قال النبي عليه الصلاة والسلام (اللهم ارحم
خلفائي قالوا يا رسول الله ومن خلفاؤك قال الذين يا تون
من بعدی یرون احادیثی و یعلمونها الناس) دعای اولده
ضاد معجمه ایله دخی روایت اولنمشدر نضارتله دعا نعمت
و بهجت و حسن دیمکدر دیو نصیح ایلشله بو تقدیرجه
معناسی الله تعالی اول کیمسه بی جیل ایتسون اخلاق
حسنه ایله و اعمال مرضیه ایله مزین ایلسون دیمکدر

سبحان الله زهی شهریار جود بخش کشور نبوت که
کنندی ذات شریفی خرامان ریاض علیین اولمغه
اعقابندن تادامن محشره دك اصناف مکارمی مقطوع
وبریده اولیه شعر

مدوح خدا که وصف ذاتی نه صفحه آسمانه صغیر
شایان ثنا که معجزاتی صد دفتر آسمانه صغیر
حبذا اول طبیب حاذق چاره ساز که بیمارستان عالم کون
وفسادده اعلاى عصات امتك دواى براء الساعه لری
ایچون ترتیب ایتدیکی ترکیب ستن سریع التأثيره الی انقراض
الزمان خلل رسیده اولیه شعر

نقد کرمی شود کلو چوقدر کیم کبسه بحر و کانه صغیر
آخردن اولان فیل و مرهم زخم دل خوچکانه صغیر
* فی حرف الزاء *

(زهد العالم رجة وزهد العا می مضلة)

معنای لطیفی عالم اولان کشبک زهد و تقوای رحمتدر
وعا می اولان کشبک زهد و تقوای ضلالتدر زیرا اولان
نفسی ظلمت جهالتدن خلاص ایدوب زهد و تقوای
احکامی یلن آدم علیه عامل اولمش اولور عالم عامل
هم کندویه وهم قومنه رحت اولور که غیر یلردخی آنک
علم و عملندن بهره یاب اولورلر ونیجه کراهلره آثار
صلاحی تأثیر ایدوب طریق حقه سالک ونقدینه صلاحه

مالك اولورلر شعر

همرهی را چو کز ویابی مسد
همدل و همدرد جویان احد
هست سنت ره جماعت چون رفیق

بی ره ویی یار افقی در مضیق
اما زهد عامینک ضلالت اولسی آنک ایچوندر که خود بخود
قبل معرفه الاحکام زهد و تقوایه محضا تقلید ایله اقدام
ایدوب مصالح و مفاسدینی بمنزایکن نفس و شیطان
اغوا سیله غرور پنداره دوشوب عیوب دیگرانی تجسس
ایتمکه باشلر فی الجملة ریاضت راهبانه ایله صفوت درون
پیدا و عجب و کبره مبتلا اولوب استدراجنی کرامت قیاس
ایدور ونیجه ساده دلالر دخی حقیقت و بطلان تمیزینه
قادر اولوب دام مکیدینه گرفتار و آنلری دخی چنکلیستان
ضلالتده دوشوروب دامن کریبان قیای عقیده لری
چاک چاک ایدر نته کیم حضرت مولوی قدس سره
بیورلر مشوی

گفت پیغمبر که احق هر که هست

او عدو ماست غول ورهزنست

ای فغان از یار ناجنس ای فغان

همنشین نیک جویید ای مهان

(زوال العلم اهنون من موت العلماء)

اهون اسهل معناسنه در معنای لطیفی علمك زوالی
اسهلدر موت علمادن یعنی صفت مع الذاتدر نفس
الامرده فقط صفتك زوالی ذاتك زوالندن اهوندر
بالكز صفت علم زائل اولسه قابلیت علم ینه باقیدر
بو **ك**لامله موت علما مصیبت عظمی اولدیغنی بیان
بیوررل حرف باده فی الجملة بو مضمون افاده اولنمشیدی
(زوایا الدنیا مشحونه بالزایا)

زوایا زاویه نك زایا رزیه نك جمعیدر رزیه مصیبت
معناسنه در معنای لطیفی دنیا نك گوشه لری مصیبتلرایله
طولودر (یت)

محن الزمان کثیره ماتنقضى و سروره یا تیک بالفلتات
یعنی بودار محنتك هر طرفته **ك**یدلسه ذوق صرف
وصفای محض یوقدر البته هر نوشك نیشی وهركلك
خاری وهر کنجینه نك ماری ناچار موجود مقرر در (ع
کنج با مارست وکل با خار و مستی با خار
(زینة الباطن خیر من زینة الظاهر)

معنای لطیفی زینت باطن زینت ظاهر دن خیرلودر
یعنی کشتنك اخلاق حمیده ایله و خوی پسندیده ایله
باطنی مزین اولق خیرلودر ظاهری اثواب ذی قیم ایله
مزین اولقدن (یت)

پرهنگان طریقت به نیم جوئخزند

قبای اطلس انكس که ازهنر عاریست
حضرت مولوینك قدس سره (مثنوی
ای برادر تو همان اندیشه مابقی و راستخوان وریشه
بی بیورملرندن انسا نك آدمیتی محضا اخلاق اولدیغنی
ظاهر در جسدك هیولاسی که عناصر در اكا انسان
اطلاق بساط شطرنجك برینه شاه اطلاق اولنق
مثابه سنده در خلاصه کلام تنویر باطن ایله مرزوق
اولنلر زینت ظاهره به چندان تقید ایلزلر و آرایش
ظاهره دلداده اولان وجود لرده اکثر یا صفوت باطن
منعدم اولور (یت)

از خود آرا طمع سیرت شایسته مکن
که پرو نسا ز در و نسا ز نکردد هرگز
مکر که منازل کالک اقصای مرا حلقه قدم نهاده اولان
ذات شریف لردن اوله زیر کاهیمجه آنلر ستر علوجاه
ایچون بو کونه نعل باز کونه نمایان اولورلر آنکچون هیچ
برکسك احوالنه اعتراض جائز دکدر (یت)
سر عارف یحی از دیده عارف نشناخت

شمس تبریز کند فهم که مولا نا کبست
(زیارة الحبيب اطراء المحبة)

اطراء طراوتدن افتعال صیغه سیدر تازه لمك معناسنه
زیارت مفعوله مضافدر معنای لطیفی دوستی دوست

زیارت ایلک محبتی تازه مکدر زیارت اخوان و احبابده
فوائد بحساب وارددر لکن شروط زیارت مرعی اولورسه
اولانیت خالصه که همان زیارتدن مرادی رضاء الله اوله
ثانیا بر مسلمانک غیبتندن و عیوبندن بحث اولنیه ثالثا
زایر و مزور بر برینه مداهنه و مصافقه ایلیموب صادقانه
صحبت اولنه رابعا فعل و قول لرنده خطه شرع انوردن
خارج بر فعل و قول اولیه اعزه کرامدن بعض وجود
شریف لریور مشرکه نیت صالحه تحصیل ایتیمجه برادرینی
زیارته تحریک قادمة عزیمت ایتیمه اگر بر سنه دخی
مروور ایدرسه سلف صالحین بر برینه ارسال سلامه
اکتفا ایدوب تلاقی به چندان رغبت ایتیزدی زیارتک
مفاسدی خوفندن پس ایمدی زیارت خالصا و مخلصا
اولورسه زایر و مزوره فائده اولور والا ترکی اولی در
روی مالک باسناد صحیح قال الله تعالی (وحببت محبتی
للمتحابین فی و المتجالسین فی و المتزاورین فی و المتبازلین
فی و روی الطبرانی من زار اخاه المؤمن خاض فی الرحه
حتى يرجع و من عاد اخاه المؤمن خاض فی ریاض الجنه
حتى يرجع) شعر
علیک باغباب الزیارة انها
اذا کثرت کانت الی الهجرة منسلکا
فانی رأیت الغیث یسأم دائما

ویستل

ویستل بالایدی اذا هو امسکا

(*) فی حرف السین (*)

(سلاح الضعفاء الشکایه)

معنای لطیفی دفع مظالمده ضعیف اولن لک سلاحی
شکایتدر شکایت دخی یا خلقه دریا حضرت خالقده در
درگاه رأفت پناه الهیده اجابت دعوات مظلوم محقق
اولدیغی حدیث شریفله مثبتدر (مصرع
زنهار صقین ناولک آه ضعیفادن
(سیره المرء ینبی عن سریره)

سیرت طریقت معناسنه در سریره کیر لو دیمکدر معنای
لطیفی کشینک ذاهب اولدیغی بول دروننده کیر لو
اولان اسراردن خبرویرر مثلا بر کیمسه نک سیرت و عادت
محبت علما و صلحا و انلرایله صحبت و انسبت اولسه آنک
قلبنده میل علم و صلاح اولدیغی ظاهر اولور و عکسی
دخی بویله در جهلا و فساقه محبت دروننده مرتکز
اولان فساد و جهلی مشعردر (شعر

هم صحبت ارباب شرف باش که خورشید

با پرتو صحبت کهراز سنک برارد

همسایه خوش جوی درین باغ که آخر

آلوجه بالونکر رنگ برارد

(*) فی حرف الشین (*)

(شین العلم التصلف)

معنای لطیفی علم - ک عیبی عالمک تمدحیدر (وفوق کل
ذی علم علیم) مضموتی یکنسار لاف و کذا فدن کچرلر
(من قال انی عالم فهو جاهل) زیرا علوم کثیر و عمر
انسان قصیر در جمله سنی تحصیل محال حضرت موسی
علی نبینا وعلیه السلام ایله خضرک احوالی معلوم
ایمدی عالم عاقل اولدر که هر زمان نفسنی تحقیر ایدوب
تصلف و تمدحه رخصت داده اولمیه (شعر

علم کسبيله رتبة رفعت آرزوی محال ایمش انجق
عشق ایمش هر نه وار عالمده علم بر قبل و قال ایمش انجق
(شحیح غنی افقر من سخی فقیر)

معنای لطیفی حریص و بخیل اولان غنی صاحب سخاوت
اولان فقیر صابر دن زیاده محتاجتر در زیرا شح و بخلاک
اقتضاسی نه کنیدی تنعم ونه آخره انعام وانفا قدر اما
فقیر سخی فی الجملة مالک اولدیغی نعمتی هم آخره بذل
ایدوب هم کنیدیسی تمتع ایدر که بوصفت لوازم غنادندر
اما حریص غنی مع امسا که هوس جلب زیاده ایله و مالک
اولدیغی حفظ و حراشده اهتمامله اضطر ایدن و افکار
کونا کوندن خالی اولماز بوصورته فقیر سخی صابر دن
افقر اولمش اولور زیرا بو حالت فقیر بخیل غیر صابرک
لازمیدر (مصرع) فقیر کل ذی حرص غنی کل من یقنع

(شمة من المعرفة خیر من کثیر العمل)

شمة بوی اندک یعنی آرزوقویه دیرلر بونده قدر یسیر
معناسنه در معنای لطیفی معرفة الله دن قدر یسیر عمل
صالحک چوغندن خیرلور در معرفة الله عمل صالحی
مقتضیدر یعنی معرفة الله مقارن اولان عمل قلیل
معرفتدن عاریه اعمال صالحه نک چوغندن خیرلور در
عارف بالله اولنلرک عمللری رجای جنت و خوف نار ایچون
دکلدر نته کیم زاهد خشک اولنلرک عمللری بویله در
(نعم العبد صهیب لولم یخف الله لم یعصه) حدیث
شریفی حضرت صهیب رومینک رضی الله عنه عرفانه
اشارتدر و حضرت امام علی کرم الله وجهه (لم اعبد
ربا لم اره) ودخی (ولو کشف العطاء ما ازددت یقینا)
پیورملری مرتبه احسانده اولان عبادتک افضلیننه
شاهددر قوله تعالی (هل یستوی الذین یعلمون والذین
لا یعلمون) مشوی

علم بنیادست و طاعت خانه بی اساسی کی شود کاشانه
علم باید تا عمل کنجی بود زانکه بیدانش عمل رنجی بود
قال رسول الله صلی الله علیه وسلم (حب الی من دنیا کم
ثلث الطیب والنساء وقره عینی فی الصلوة) نماز ایچنده
اولان قره عینک مشاهده سنه وارث اولان دولتمندر
نماز دوکانه ده ختم قرآن ایدنلر در (اللهم ارزقنا

باسرارهم العلیة) * فی حرف الصاد *

(الصبحه تمنع الرزق)

معنای لطیفی صبحه یعنی بعد صلاة الصبح او یومق
رزقه مانع در حرف باده بونک مضمونی بیان اولدی
(صمت الجاهل ستره)

معنای لطیفی جاهلک سکوتی حالنک پرده سیدر لسان
انسان قلبک ترجانیدر اکثریا جاهلک قلبی علم وحکمتدن
تهی و خالی و افکار مزخرفات دنیویه ایله مالی اولغله
کلامی دخی خیردن عاریدر بناء علی هذا صمت
وسکوتی احوالی سترایلیوب ماهیتی بیلمز اما تکلم ایتدیکی
صورته خطاسی آشکاره اولوب رسوای اولور (بیت
در سخن گفتن خطای جاهلان پیدا شود)

تیرکچ چون از کمان بیرون رود رسوا شود
(بیت)

وفی الصمت زین للفتی وانما صحیفة لب المرء ان یتکلما
(صاحب الاخیار تأمن من الاشرار)

معنای لطیفی ایولرله مصاحب اولکله برامزلردن امین
اولور فی الحقیقه صحبت اخیار آدمی اصلاح ایدوب
شرور اشرادن بعید و امین ایتدیکی محتاج دایل
دکلدر (بیت)

سک اصحاب کهف زوری چند

پی نیکان گرفت و مردم شد

* فی الضاد المعجمه *

(ضل سعی من رجاه غیر الله)

معنای لطیفی اللهدن غیری به طالب اولانک سعی ضایع
اولدی ایکی عالمده فائز اولنلر طالب حق اولنلردر
مطلوبک عزتی تمقدار ايسه طالبک عزتی دخی اکا
کوره در (شعر)

دلا مافی الضمیرک دائماً هو ایتکه جهد ایت

خلاصه مخلص اولدر مبدأ اخلاص قل هو در

ایدر توحید باری به اشارت هر نیسه باقسک

جهان آیات توحید ایله سرتاپای مملود در

الله بس باقی هوس) مضمونیه عمل ایدنلر سلطنت دهری
فقره تبدیل ایلدیلر (من کان فی قلبه غیر الله فخصمه
فی الدارین الله) مألنه رسیده اولنلر عزتی ذلتیه جاهلی
چاهه ننک و نامی شوق و غرامه تحویل ایتدیلر (بیت
دست در بر سینه دریا کذارد چون صدف

هر که صائب آشنای عالم بالا شود

(ضرب الحبيب اوجع)

اوجع اسم تفضیلدر مفضل علیهی معلوم اولغله حذف
اولنلشدر تقدیری (اوجع من ضرب العدو) دیکدر
الله اکبر) قبیلندندر معنای لطیفی دوستک ضربی

وجعه زیاده در دشمنك ضربیدن زیرا دوستدن مأمول
اولان لطف وعفو ایکن خلا فی ظهور ایتد کده وجع
مضاعف اولور بریسی لطف وعفوك عدم ظهوری
بریسی وجع ضربدر خصوصاً که سخن تلخه حاصل
اولان زخم ایچون امید بهبودی مستحیلدر (بیت
صبر بر زخم زبانها کن که هر تیغ زبان

کعبه دل را بود خار مغیلان دگر

❖ فی حرف الطاء ❖

(طرمع الامثال)

طر کسر طاء وسکون راء مهمله ایله امر در طیراندن
معنای لطیفی کندی امثالکله طیران قیل خلاف جنس
الفت ایله وکندندن اعلا اولنره دخی چوق ثقلت ایته
زیرا آنلردخی کندولردن ادنا ایله صحبت استمزلر (شعر
مشوباکم از خود مصاحب که عاقل

بهم صحبتی بهتر از خود کزیند

کرانی مکن بابه از خود که اونیز

نخواهد که باکتر از خود نشیند

پش ایمدی کشتی همان اقران و امثالیه الفت ایتمک
کر کدر (بیت

کند هم جنس با هم جنس پرواز

کبوتر با کبوتر باز با باز

بالاده بومضمونده بعض کلمات سبقت ایلدی ❖ فی حرف
الطاء المعجه ❖

(ظلم المرء یصرعه)

اصراع یقیمق یعنی پهلوانلر بر برینی باصوب یقیمق معنای
لطیفی کشتی پی ظلمی یقرو پایمال ایدر (مصرع
منتقم بدر بر آدی مولانک

اکثر یا ظالمک عمری قصیر اولوب موت ایریشوب افتاده
خاک هلاک اولور یا خود من طرف الحق بر بلای عظیم
ایله مبتلا اولوب هم صوری هم معنوی ظلمک شامتیه
یقلور بو عبد فقیر یعنی محروم جریده مسموعا تمدن
قطع نظریکرمی اوتوز سال مروری خلانده شردمه
لثام ظلمه نک زمان طغیانلری وهلاک و قتل ومصادره لرینی
و پریشانی اولاد و اتباع وتعلقا تلرینی بالمعاینه مشاهده
ایتدیکم رؤس عقد صدی متجاوز در (نظم

باغ دهرک هم خزان هم بهارین کورمشوز

بز نشاطکده غمکده روز کارین کورمشوز

طوب آه انکساره پایدار اولمزینه

عرصه جاهک نیجه سنکین حصارین کورمشوز

(ظل الکرم فسیح)

معنای لطیفی کریمک سایه سی واسعدر یعنی صاحب
اکرم اولان کیمسه نک سایه کرمی واسعدر که کندویه

التجاء ايدنلري رد ايتز ديمك اوله ياخود ظلدن مراد
تعلقات واعوان وانصار اولوب (الانسان عبيد الاحسان
فخواسنجه اتباع واشياعى چوق واحسان ديد ه سي
اولنلر غير تنكشى اولمقدن كايه اولور سه وجهدر (بيت
كرم بياغ ارم كرم بود كرم بخورد
بكوش هر كه بكفتم كرم بكفت كرم

❖ في حرف العين ❖

(عقوبة الظالم سرعة الموت)

معنای ظاهر در (وفيه اسئلة واجوبة معلومة عند الاهالى
(علا قدر المتقين)

معنای لطيفى متقى اولنلرك قدر ومرتبه لرى على اولدى
(ان اكرمكم عند الله اتقيكم) كريمه سى متقىلر مدحند ه
كافيدر لكن تقوانك تعريفنده علمای دين چوق اختلاف
ايلشلر بعضيلر يور مشلر كه تقوى اول مرتبه نك اسميدر كه
بر كيمسه نك ظاهر و باطن عمللرينى و قلبنده اولان نيتلرينى
خلق عالمه اعلام ايلسه لى اول كيمسه يه نجات كلميه
(عدو عاقل خير من صديق جاهل)

معنای لطيفى دشمن عاقل صديق جاهل دن خير لودر
اکثر يا دشمن عاقل قصد اضرار ايتد كده مكافات عمل
خوفيله جرأت واقدام ايد ه من اما صديق جاهل نيك
و بد تمير نندن عاجز و ذاهل اولمغله قصد احسان ايله

اسائت ايدوب بعد الوقوع بسط اعذار ايدر (بيت
دلى دوندر دك آيا يوسف اسكى مصره
نيليم يا پديغكى بعد خراب البصره
❖ في الغين المعجمه ❖

(غنية المؤمن وجدان الحكمة)

مؤمنه غنيت حكمتى بولمقدر بعضيلر حكمتى (الحكمة
هى الاصابة فى القول والعمل) ديو تعريف ايتشلر
و بعضيلر دخی (الحكمة تحقيق العلم واتقان العمل) ديمشلر
على كلا التقديرين حكمت علم و عملك اجتماعند
حصولياب اولور مش قال النبی علیه السلام (من اخلص
لله اربعين صباحا ظهرت ينابيع الحكمة من قلبه على
لسانه) معنای حديث شريف بر كيمسه قرق صباح
اخلاصه عمل ايلسه حكمت چشمه لرى آنك قلبندن
لسانى اوزره ظاهر اولور پس حكيم اول كيمسه يه
ديرلر كه هر شبهه حقى اعطا ايليه عبد مؤمن بوصفتلو
حكيمى بولدقده صحنى بلكه خدمتنى غنيت ييلور
(ومن يؤت الحكمة فقد اوتى خيرا كثيرا)

(غلام عاقل خير من شيخ جاهل)

غلام حديث السن و شيخ پير معناسنه در معنای لطيفى
عاقل اولان تازه يكت جاهل اولان پير دن خير لودر
زيرا عقلك اقضاسى پيرانه حرکت وجهلك لازمى

طفلا نه سفاهتدر (شعر)

قامت همچو کمانرا بمثل ناز ابروی کمان بی نمکست
زانکه پیران حسن کسوترا هم لباسی بجوان بی نمکست
* فی حرف الفاء *

(فخر المرء بفضله اولی من فخره باصله)

معنای لطیفی کشتی کنیدی فضلی ایله فخر ایتک اولادر
اصل ونسبيله فخر ایتمه دن (یت)

به نسب نیست نسبت مردم
هر یکی را به نفس خود شرفست

شرف در بجوهر خویش است
نه زپاکی جوهر صد فست
واما بنعمه ربك فحدث (خواسنجه جناب رب الاربابك
احسان ایلدیکی نعم ظاهره و باطنه ایله اظهار شکر
ایتک نیجه کیمسه لری اکاه ایدوب رقدہ غفلتدن ایقاظ
ایلمکه مؤدی اولور (کلموا الناس علی قدر عقولهم) اما
اصل ونسبی ایله فخر ایتمه نک چندان فائده سی ساریه
دکدر آنکچونکه اگر سامع فرومایه اولور سه لطف
حقدن مأیوس اولور اگر سامع شریف النسب ایسه
شرافت نسبت نجات انسانه کافی اولوق زعمنه دوشوب
تحصیل فضا ئلده متکاسل اولور بهر تقدیر فاخره وسامعه
زیاندن خالی اولماز اگر فاخر بر ذات فضیلتند ایسه

فاذا

(فاذا نفخ فی الصور فلا انساب بینهم) مضمون نجه نسبک
فائده اخرویه سی اولمدیغن ییلور کن عبته شغل ایتمش
اولور بو وجهله ملوم اولور اگر فاخر فضیلتدن عاری
ایسه (نعم الجدود و بنس المولود هات ما عندک) دیوب
الزام ایدر لر نته کیم حضرت امام علی کرم الله وجهه
یورر لر (شعر)

فان یکن لهم من اصلهم شرف
یفاخرون به فالطین والماء

لا فضل الا لاهل العلم انهم
علی الهدی لمن استهدی ادلاء
رباعی

ای طبع بکت سرشته با کبر و منی
دانسته تمام خلق را دون ودنی

هر جا که رسی لاف اصالت چه زنی
چون اصل تو از آب و گلست یا آب منی
نقل اولنور که آیت شریفه نازل اولدقده سبط رسول
خدا نور دیده فاطمه الزهری حضرت امام حسین
رضی الله عنه (بطل الحسب والنسب) دیوب وافر بکا
ایلدی لر محابه کرامدن بعض وجود یا ابن رسول الله
سزلر حبیب خدا و علی المرتضی و جناب زهرا
چکر کوشه سی اوله سزل سزک ایچون نه غم وارد ردید ککر ند

(وان لبس للانسان الا ما سعى) کریمه سبیله جواب
ویردیلر (بیت)
الهی باعزاز پا کان تو مکن یکدم از یاد خود غافل
(فی کل قلب شغل)

معنای لطیفی هر قلبده بر شغل وارد یعنی هر کس که
قلبنده بر کونه فکر وارد که بر برینه بکزه من آنکچوندر که
طبایع ناس متحده دکلدر حدیث شریفده وارد اولمش که
(الا وان فی الجسد مضغه اذا صلحت صلح الجسد کله
الا وهی القلب) وحدیث آخرده کلمشدر که (المرء
باصغریه بقلبه ولسانه ان تکلم تکلم بلسانه وان تأمل
تأمل بجانیه) قلب اقلیم وجودده سلطاندر سائر اعضا
وجوارح رعیت منزله سنده در بالجمله اعضا دن صدور
ایدن افعال و اقوال آنک فرمانیه در پادشاه صالح
اولدیغی صورنده خدمه سی دخی صالح اولور (الابد کر الله
تطمئن القلوب) قلب افکار پریشاندن خلاص اولوب
صلاح پذیر اولق اکا اطمینان وسکون کلمک ذ کر الله
آنده مستقر و متجوهر اولغسله اولور غیرى تدبیر ایلله
محالدر نته کیم بیور مشلدر (رباعی)

تادل زید و نیک جهان کوتاهست
زین پدش دلی بود و هزار اندیشه
اکنون همه لا اله الا الله هست

قلب سلیم دیو بویله قلبه اطلاق اولتور دنیا ده وعقباده
بویله قلبک صاحبی نجات بولور والا فکر کونا کون ایلله
عبادتک چندان فائده سی اولماز (بیت)
ایتدیکم طاعتک حلاوتی یوق

قار حلوا سی کبی لذتی یوق
فی الجملة بو محله مناسب اولان کلمات بوندن اقدام تنظیم
سلاک تحریر قلندی (بیت)
لسان الفتی نصف ونصف فواءه

فلم یبق الا صورة اللحم والدم
(فاز من سلم عن شرف نفسه وفاز من ظفر بالدين)
معنای لطیفی نفسنک شرنندن سالم اولان فوز و نجات
بولدی و دینه ظفر بولان کیمسه فوز و نجات بولدی
شر نفسندن سلامت یاب اولن لررتبه کمال ایلله کامیاب
اولان وجود شریفلدر (اسلم شیطانی) خوانندن
بهره مندلر یعنی مراتب محمدیه ایلله کامران اولان
ارجندلر که کلین اولیای کرامدر (الا ان اولیاء الله
لا خوف علیهم ولا هم یحزنون) دیوان ازل آزالده دست
روح ور وانلرینه ویریلن منشور سعادتک عنوانیدر
دینه ظفر بولمق کمال تدین ایلله متبدین اولوب حقیقته
دسترس بولمقددر بوندن دخی مراد سلم پایه کماله عارج
اولمقددر (بیت)

هر کسی در حرم عشق تو محرم نشود
هر پراهمیم بدرگاه تو ادهم نشود

مرد تا روی نیارد زد و عالم بخدای
مصطفی وار کزین همه عالم نشود
(فلجك خصمك بالا حتمال)

الفلج كالفلس الظفر والفوز) معنای لطیفی سنك خصمكه
ظفر بولقاعك صبر و تحمل ايله در (بيت
چو كاوار همی بایدت فردهی

چو خرتن یچور کسان دردهی
و ممکن در که خصمدن مراد نفس اماره اوله بوضوح
اثقال طاعات و عباداته تحمل ايله نفس اماره یه غالب
اولور سن ديمك اوله بهادران رشته جهاد اکبر و پیروان
انبیای هدایت کسرت دأما نفسك عیوبنی تفحصدن خالی
اولمازلر مشایخ کرامدن حافظ حصن شرع مشید
محفوظ بن محمد رحمه الله حضرت تری بیور مشرکه
(من ابصر محاسن نفسه ابتلى بمساوى الناس ومن ابصر
عیوب نفسه سلم من رؤية مساوى الناس) و بعض صناید
طریقت دخی (من اراد ان يبصر طريق رشده فليتهم
نفسه في المواقف فضلا عن المخالقات) ديمشكر وهاشمی
سعدی رحمه الله بیور لر که (ربما اصلي ركعتين وانصرف
منهما وانا بمنزلة من ينصرف من السرقة من الحياء)

حضرت خداوند جهان آفرینك غنی عن العالمین
اولد یغن وقیاس وعقل وفهمدن جلال وعظمت
و کبریاسی برتر اید و کن ییلنلر (ما عبدناك حق عبادتك
دیمككه عجز لرینه اعتراف ایدر لر بالجملة مقدور و مجهود لرین
عبادات حقه صرف ایتدككه ییله (شعر

اعتصام الوری بمغفرتك عجز الواصفون عن صفتك
تب علينا فاننا بشر ما عرفناك حق معرفتك
(فسدت نعمة من كفرها)

معنای لطیفی نعمته شكر ایتیموب کفران ایده نك نعمتی
فاسده اولدی یعنی زائله اولدی دیمكدر (شعر
شكر انعام منعم ارنگنی
آن نه کفران که محض کفرانست

هست کفران فزون ز کفر ازان
که مشای کفر کفرانست
کفران شكرك ضدیدر شكرك فضیلتی بوندن اسبق
بسط اولندی (مشوی
شكر نعمت نعمت افزون کند

کفر نعمت از کفت بیرون کند
(فعل المرء يدل على اصله)
معنای لطیفی مرارا بیان اولندی
(فرع الشيء يخبر عن اصله)

معنای لطیفی شبثک فرعی اصلندن اخبار ایدر مثلاً
بر کیمسه نک احفادیکه فرو عید را کر جد لری بخیل ایسه
لا محاله اولاد و اعقابنده فی الجملة ظهور ایدر اگر کریم ایسه
البته جد لری نک صفتیه متصف اولوب سخا و کرمه
میل کوسر و ب فعللریله خبر ویر لر (الولد الحر یتبع
بآبائه الغر

(فضل العاقل علی الجاهل کفضل البدر علی السهی)

السهی بضم السین کوکب خفی یمتحن الناس به ابصارهم
سهی اول کوکب خفیدر که ناس آنی کورمکه باصره لرین
امتحان ایدر لر غایت بصر حدیده محتاجدر که آنی کوره
معنای لطیفی عاقل اولان کیمسه نک جاهل او زرینه
فضیلتی ماه بدرک سهی او زرینه فضلی کبیدر عاقلدن
مراد امثال او امر الهی واجتناب عن النواهی ایدر لر در
وجاهل ایله غرض یونک مقابلی که امر و نهیه امثال
وامتناع ایله تقید ایتوب انجق همان مانند حیوان جوع
وعطش ال ویردیکه نفسی اروا و اشباع عادت بلکه
ادای مکتوبه ده اهمال و تکاسل مقتضای طبیعتی اولوب
شعار اسلامیة دن فقط سرنده دستار سفید و اقتضا
ایتدیکه زباننده کلمه توحید دن غیری احکام دین ایله
مشغول اولیه اما شول وجود مسعود که افعال و اقوالی
معقول و منقولدن بیرون اولیوب دائماً احکام احکام

شرع محمدی کاری و سلوک سنن سنن اجدی ازجان و دل
مختاری و اکل و شرب و قیام و قعودی خصوصنده اتباع
سلف صالحین و اتصاف اخلاق پسندیده و اعتیاد
سجایای سنجیده موادنده پیر و مشایخ دین اولق شرف
روز کاری اوله فی نفس الامر اول مقوله جاهل ایله
میانه لرنده شب چهاردهمه نور پاش اولان بدر منیر
ایله امتحان باصره ایچون باقبلن سهای صغیر قدر بحسب
المرتبه فرق عظیم وارد (مصرع

وجود مردم دانا مثال زر طلبست (بیت
تا در پی شهوت و هوا خواهی شد

ازمن خبرت که بی نوا خواهی شد

(فکاک المرء فی الصدق)

فکاک کسرفا ایله خلاص معناسنه در معنای لطیفی
کشبیک شدتدن خلاصی صداقتده در (النجاة فی الصدق
مضموندر دارینده مؤمن و موحد صدق و خلوص
باعث خلاص و نجات اولدیغی نصوص قاطعه ایله
اثبات اولمش پردعوادر صدق کذب مقابلیدر راستکوی
و راستکار اولان وجود شریف لا محاله هر دو جهانده
ایمن و راستکار اولق واضحدر (شعر

راستان رسته اندر وز شمار

جهد کن تا تو راستکاری کن

تادران رسته رستکاری شوی

اندرین رسته راستکاری کن
کلمات اکابرند که یورمشلردر فضای پهنای سخن اندن
فراختردر که متکلم پای بیانی آسبب سنک خلافت
آزرد اوله تا که کل صدق چن سخنده بوی نثار
بهره مندی اولد بجه سزاوار مروت دکلدر که انامل
دست نفس ناطقه خاردر و غله زخم خورده اوله (شعر)
زبان پاکرا حیفت بسیار

که از لوث دروغ آلوده سازی
اکر پابرداری از ره صدق

سراز کردون کردان بر فرازی
بزرگان دیندن بر ذات کزین یورمشلر که فرضا اکر
کذبک عتاب و عقاب مجازاتی و صدقک ثواب بحساب
مکافات اولسه عقل ینه کذبیدن احتراز ایدوب جانب
صدقه میل کوستردی اول سبیدندر که دروغ یغفر و غ
قائلنی حقیر و خوار و میان آدمیانده بیقدر و مقدار ایدر (بیت)
از یکی آفتی بکم و کاستی از همه غم رستی اکر راستی
منقولدر که مسترشد خلیفه وصیت نامه سینده پسر جان
برابرینه نصیحت و پند سیاقنده بو کونه کلام سودمند
تسلیر ایتشد که اکر استرسن بی نوع انسان سندن
خائف و ترسان اوله لر دروغگوی اوله زیرا مردم کذاب

بی مهابت اولور اکر هزار شمشیر آنلرک محافظه لری
ایچون اطرافلرنده آماده اولور سه ده یعنی بردولتمندک که
شمشیر زبانی جوهر صدقندن ساده اوله هزار شمشیر باز
برای اظهار کوکبه اطرافنده آماده اولسه ده نظر خلقده
ینه بی شکوه و مهابت اولور نقل اولنور که حجاج ظالم
بر جماعته سیاستله امر ایلدی چونکه اول جماعتندن
برینه نوبت ایرشیدی دیدیکه ای امیر بی عفوایله زیرا
سنک اوزرنده حقم واردر حجاج دیدیکه بنم اوزرمده
سنک نه کونه حقک واردر جوابنده فلان دشمنک سنک
ایچون ناسزا سوزلر سویلیدی و خشیاتله سنی قدح ایلدی
بن آنی منع ایلدم و سکا دشنامدن آلیقودم دیدکده حجاج
بودعوا بی اثباته قادر مپسن کواھک وارمیدر دیدی
بر غیر اسیره اشارت ایدوب بودخی بمله ییله ایدی مسموعیدر
دیدی اول اسیردخی ادای شهادت ایدوب بلی بن دخی
اول وقتده حاضر ایدم بو آدم صادقدر دیدکده حجاج
اول شاهده چونکه سن دخی اول وقعه ده موجود
ایمش سن نیچون سن دخی اول دشمنی منعده مشارکت
ایتمیوب ساکت اولدک دیدی اول اسیر راستگوی اولوب
بن سنک دوستک دکل ایدم سکا عداوتم و ارایدی آنکچون
سکوت ایلدم دیوب طوغری سویلدکده ایکبسنی دخی
اطلاقه فرمان ایلدی برینی ثبوت حتی ایچون اول برینی

استقامتی ایچون ومیانہ ناسده (ان کان الکذب یجی
فالصدق انجی) مثلی اول زمانده پید او ظاهر اولدی (شعر
راستی انجا که علم برزند
یاری حق دست بهم برزند

راستی آور که شوی رستگار
راستی از تو ظفر از کردگار
چون سخن راستی آری بجای
ناصر گفتار تو باشد خدای

(فرقة الاخوان محرقه الجنان)

جنان فتح جیم ایلہ قلدر معنای لطیفی اخوانک آری بلغی
قلبی یا جیدر (بیت

فنی فوآد المحب نار هوی احرنار الجیم ابردها
خصوصا که هم مشرب وهم مطلب اولان یاران دینک
فراقی محب پراشواقی یا قوب خاکستر ایتدیکی (من لم یذق
لم یدر) قیلندندر احوال وجدانیه تعبیر و ابانه دن
ایسه در (بیت

جان و یرمک یولکده جزئدر آه الا که سندن آیرلق
نته کیم حضرت سلطان الواصلین پیر دستگیرم روشنی
ضمیرم حضرت مولانا من کل الوجوه اولانا قدسنا الله
بقدرسانته العلیا معاصر لرندن بعض ندمای ملوک ارسال
یورد قلری مکتوب کرامت مصحو بلرنده فراق یاران

دینده اولان فریاد وزاری عبادت اولدیغنی بیان ییور مشلر
عبارت لطیفه لری تیمنا بعینها تسطیر اولنوب نعمیم فائده
ملاحظه سیله خدمت ترجانیه استشراف اولندی
دیباچه مکتوب حضرت مولانا قدس سره

بسم الله الرحمن الرحیم * باری تعالی چون خواهد
عنایت ولطف و دولت و سعادت را بر بندگان خویش
مقیم و پیوسته گرداند او را توفیق شکر دهد که اگر
صدبار تلخی بد و رسید و یکبار شیرینی آن یکبار شیرینی را
صدبار بصد عبارت بصد مقام باز گوید و آن صد تلخی را
یکبار هم باز نکوید الا تلخی فراق یاران دین که افغان
کردن از فراق یاران دین تسبیحست و قرآن خواندست
وسنت انبیا علیهم السلام که ایوب علیه السلام باچندان
رنج که هیچ دل طاقت ندارد و عظمت بلای اوشنیدن با آن
همه زبان او از شکر دران هشت سال روزی خالی
نکشت چو درد فراق یار دین یعنی عیال او که هم درد
و هم نفس او بود درد دین بد و رسید فریاد بر آورد که
(مسنی الضر) قدر یاران دین مرد دین داند (ترجمه)
حضرت باری تعالی کندی عبادی اوزرینه چونکه
عنایت ولطف و دولت و سعادت دائم و متصل قلمق مراد
ایلیه اول بنده ایچون توفیق شکر و یرر اکر اکا یوز
کره آجیلق ایریشوب بر کره حلاوت ایریشورسه اول

بر کره ایریشن حلاوتی یوز کره یوز عبارت ايله یوز
مقامده نقل ایدر واول آجیلغی بر کره هم نقل ایتمز
الا یاران دینک فراقندن افغان ایتمک تسبیحدر وقرائت
قرآن مقامده در وسنت انبیا علیهم السلامدر که ایوب
علیه السلام بوقدر رنج وزحمتله که هیچ بر کوکل آنک
عظمت بلا سنی استماعه طاقت کتوره مز اول قدر
بلا ايله آنک لسانی سکز سینه شکر دن خالی اولدی
چونکه فراق یار دین که یعنی آنک عیالیدر که آنک
هم دردی وهم نفسی ایدی اکا ایرشدی (انی مسنی الضر)
مضمونیه فریاد ایلدی قدر یاران دینی ینه مرد دین
بیلاور انتهى (بیت)

بهره از جنسبت افزاید که چون در فصل دی

مهر عریان باشد از وی حظ عریان او فرست

(فطنة المرء تدل على اصله)

فطنت ذکا معناسنه در معنای لطیفی کشفنک ذکاسی
اصلی اوزرینه دلالت ایدر اکثر یا کریم الاصل اولنلر
ذکی و فرومایه لر غباوت و بلا هتدن مشتکیلر در (بیت
فی المهد ينطق عن سعادة جده

شم الانوف من الطراز الاول

❁ فی حرف القاف ❁

(قبول الحق من الدين)

معنای لطیفی حق قبول ایتمک دیندندر یعنی قبول کلام
حق متدین اولنلر ایدر میل اباطیل وعدم قبول حق
لا ابالبان بی پاکلرین یعنی آلودگان لوث مناهی اولان
نا پاکلرین شانیدر (رباعی

تاره نرود کسی بمنزل نرسد

تا جان نبرد بعالم دل نرسد

کر جمله جهان بکیرد انوار قبول

یک شعشعه جز ببرد قابل نرسد

(قدر فی العمل تنج من الزلل)

تنج ضم جمیله جواب امر در مجزومدر اصلی تنجودر
فعل مضارع مخاطبدر زلل فتح زا وفتح لام اولی ايله
بومخلده خطا معناسنه در معنای لطیفی عملده تعین
مقدار قیل که خطا وسهودن نجات بوله سن یعنی
کنجایش پذیر حوصله طاقتک اولیه جق امور عظامه
طالب اولوب عمله شروعدن حذر ايله وکندی مقدارک
قدر عمل ايله قانع اول که خطا دن سالم اوله سن نته کیم
لسان الغیب رحمه الله بومعنايه تنبيه بیوررلر (بیت
ای مکس عرصه سیر غنه جولانکه تست

عرض خود میبری وزجت ما میداری

(قسوة القلب من الشبع)

معنای لطیفی قلبک قسوتی توقلقدندر (البطنه تریل

الفطنة) دخی بو معنای مشعر در صلحا دن بعضی
 قلبك التده معده بی بر چوملکه تشبیه ایلمشله که آتشده
 قاینه یه و بخاری مافوقنه صعود ایلیه یعنی کثرت بخار
 قلبی مکررا بدوب سیاه ایدر حضرت فاروق ابن الخطاب
 بیورمشله که سز بطنندن حذر ایلك زیرا بطننت حیاته
 ثقلت و مما تده رایحه مننه در حضرت امام شافعی
 رحمه الله بیوررله که اون التي سنه دنبر و بکا شبع کلنجه
 طعام یمدم زیرا شبع بدنی ثقیل پر قسوت و فطننتی ازاله
 ایدر و خواب ککنورر و آدمی عبادتده کسلان ایدر
 او کیمسه نك که بطننتی فوت اوله فطننتی حیات بولور
 قوله تعالی (کلوا و اشربوا و لا تسرفوا انه لا یحب
 المسرفین) قال النبی علیه الصلاة والسلام (افضلکم
 منزلة عند الله اطولکم جوعا و تفکرا و ابغضکم الی الله
 کل یوم اکول شروب) مثنوی
 هر که شیرین می زند او تلخ مرد

هر که او تن می پرستد جان نبرد
 منقولدر که هارون الرشیدك فرقة نصارا دن بر طیب
 حاذقی و ارایدی علی بن حسین و اقدی جنبانه رضی الله
 عنه دیدیکه سزك کابکرده علم طبه متعلق برشی یوقدر
 مع هذا علم ابدانك علم ادیان کبی لزومی مقرر در علی
 جواب و یردیکه حضرت حکیم ازلی جل جلاله بر کلمه ده

علم طبی جمع ایتمشدر اول کلمه (ولا تسرفوا) کلمه سیدر
 انصرانی دیدیکه سزك پیغمبر یکنز طبدن برشی خبر
 و یرممشدر علی دیدیکه رسول علیه السلام بر حدیثده
 طبی جمع ایلمشدر اول خبر لطیف (المعدة بيت الادواء
 والحمة رأس كل دواء و اعط كل بدن ما تعود به) حدیث
 شریفدر بوندن صکره نصرانی تسلیم ایدوب سزك
 کابکر و پیغمبر یکنز جالینوسه طبدن برشی ترك ایتمامشدر
 دیو اعتراف ایلدی (مثنوی)

نان کست و گوشت کمتر خورازین
 تا نمانی همچو کل اندر زمین
 چون کرسنه مېشوی سک مېشوی
 تشد و بد پیوند و بد رک مېشوی
 چون شدی توسیر مرداری شوی
 بی خبر بی پا چود دیواری شوی

پس دمی مردار و دیگر دم سکی
 چون کنی در راه شیران خوش تکی
 (قول المرء یخبر عما فی اصله)
 معنای لطیفی کشفنک سوزی اصلنده اولان شیدن خبر و یرر
 (قوة القلب من صحة الايمان)
 معنای لطیفی قلبك قوتی ایمانك صحشدندر ضعف
 ایمان دندر که آدم هر شیدن قورقوب اندیش-ناك اولور

قضا و قدره ایمان قوی اولدقده کشتی جناب حقه تفویض
امور ایدوب اسه بایدن مسیبه رجوع ایدر بوصورتده
ماشاء الله کان و ما لم یشاء لم یکن ما انی فهم و اذعان
ایلیوب قوت قلب حاصل اولور

(قاتل الحریص حرصه)

معنای لطیفی حریص اولانک قاتلی کندی حرصیدر
بونک مضمونی سبقت ایلدی

۹ (قیمه المرء مایحسنة)

معنای لطیفی کشتنک قیمتی شول شیدر که آنی کوزل ییله
یعنی کشتی هر نه بی ایو ییلور سه کندی قیمتی معلومی اولان
نسنه نک قیمتی مقداریدر مثلاً صنایع شریفه ارباییله
صنایع خسیسه اصحابنک میانه لرنده کفایت اولماز خیاط
و سباط موتاب و قصاب زرد و زو کلخن فروز برابر
دکدر بو تقدیر جسد روح علمه و اصل اولان علمای
عاملین محضاً قیل و قالله تفاخر ایدنلردن صد هزار
مرتبه برتر و اعلا در که انلر معرفه للهه موفق اولوب
معلومک شرفیندن اکنساب شرف ایتمشلردر حسین
میبیدی رحمه الله دیوان حضرت علی شرحنده رضی الله
عنه (بیت)

لا فضل الا لاهل العلم انهم

على الهدى لمن استهدى ادلاء

بیت شریفی بیان سیاقنده در که زمرة علما که حضرت
سید الاصفیا علیه از کی الصلوات و اعلى التحایا انلر
حقنده ورثة انبیا ییور مشدر محققلر و مجتهدلر در زیر
انلر حقایق و دقائق اشیایی ییلورلر غیر یلره نسبت وارث
معنویلر در نته کیم صدقه و زکاة صوریه فرزندان
صوری یه حرامدر صدقه و زکاة معنویه که مسائلده
غیره تقلید و تبعده اول حضرتک ابنای معنویه سنه
حرامدر بناء علی هذا علما تا که مقام تحقیقه ایریشوب
عقبه تقلیددن کچمیلر وارث اوله مزلر انتهی کلامه
لکن بو عجب فقیردیر که وراثت صوریه ده نقصان و کمال
اولدیغی کبی وراثت معنویه ده دخی کمال و نقصان واردر
پس ایمدی هر کس معلومی مقدار نجه وراثتدن محروم
اولماز حسین میبیدنک مرادی وارث کاملدر و علما
حقنده آیات و احادیثله ثابت اولان مراتب عالییه رتبه
کماله کوره در نته کیم حضرت موسی صلوات الله علی نبینا
و علیه جنابنه اولان خطاب عزت که یا موسی بن خسته
اولدم سن بنم عیادتیم ایتدک و بن جابع و عاری اولدم
سن بنی اطعام و اکسا ایتدک دینلده الهی سنک ذات
پاکک عروض حوادث و عوارضدن مقدس و منزهدر
بو خطاباته جناب عزتک نه اراده ییورلر دیوسؤال ایتدکده
جوابنده فلان و فلان قوللرم بو حاللره مبتلا اولدیلر

۹ هر تقدیر شارح می حوم کلام نفیس
کرارانه نک معناسنی بیان ایتیش
ایسه ده کلام مذکور ظاهرندن متبادر
و بلکه عبارت سندن ظاهر اولان
کشتنک قدر و قیمتی احسان ایتدیک
شیدر یعنی نه بی انعام و احسان ایدر
ایسه کندونک قدری اودردیمکدر
حتی حضرت مولونک (کلامندن)
اولور معلوم کشتنک کندی مقداری
پیور دقلری دخی ایشو معنایی مؤیددر
مقابله الفقیر لطفی حقیر

اكر سن انك احوال له تقيد وتدارك ايتش اوليدك
بنم رضای شریفم انلرایله بیله ایدی دیدی فهم من فهم
مصرع این شیوه عشق هر کسی را نبود
نته کیم حضرت مولوی قدس سره العزیز پوررلر (مثنوی
کارپا کانا قیاس از خود مکیر

کرچه ماند در بنشتن شیر و شیر
(قرب الاشرار مضر)

معنای لطیفی اشراره قریب اولق مضر در
(قدر المرء ما یهمه)

معنای لطیفی کشینک قدر و منزلتی مهمی اولان شی
مقدار یدر (رباعی

کرد در طلب لقمه نانی نانی

ورد در هوس کوه کانی کانی

فی الجملة حدیث مطلق از من بشنو

هر چیز که در جستن آنی آنی

❖ فی حرف الکاف ❖

(کلام الله دواء القلوب)

معنای لطیفی حضرت اللهک کلامی قلوبک دواسیدر
یعنی تلاوت قرآن کریم امراض قلوبیه که اخلاق
ذمیه در علاج و دوا در معلوم عزت اولسونکه تلاوت
قرآنک روحی حضور مع الله در حال تلاوته لکن

بومشهدک مشاهده سی بر شیخ کاملدن انابتیه محتاجدر
حتی حین تلاوته قلبی متفرقه اولیه ادنی مرتبه مشاهده
اولدر که بوکلام لطیف کلام حقدر ملاحظه سی نصب
عین اوله واحکام قرآنیه ایله عمله ساعی اوله بوندن
اسبق کشیده سلاک بیان اولنمش ایدیکه انفتاح قلب
ایچون اوچ شبهه ملازمت لازمدر بریسی تلاوت قرآندر
ایمدی فتح قلب ازاله امراض قلبیه دن عبارتدر
(من اراد ان یتکلم مع الله فلیقرأ القرآن) حدیث
شریفی فکر اولنوب هنکام تلاوته مراعات ادب الزم
واوجبدر (مثنوی

سر من از ناله من دور نیست

لیک چشم و کوش را آن نور نیست

قال النبی علیه الصلاة والسلام (ان القلوب تصدیء

کما یصدیء الحیدر قالوا وما جلاؤها یا رسول الله فقال

تلاوة القرآن و ذکر الموت) قوله تصدیء ای توسخ

کیرلنوب یا صلیتی معنای مننه در قرآن کریمک ظاهری

حر و فله تکلم اولنوب قلوبیه حفظ اولنور اکر حقیقتی

ظاهر اولیدی آنک سطوات نورینه سموات وارضینده

طاقت اولمازدی آنکچون حق تعالی پیورر (لوازلنا

هذا القرآن علی جبل لرأیه خاشعاً متصدعاً من خشية الله)

لکن جناب ارحم الراحمین اول حقیقتک انوارینی قلوب

والسنة ناسا کا مطبقه اولمچون کسوت حر وقله ستر
ایلدی بونک مثالی اکا بکرز که بر کیمسه حقیقت ناری
نون والف وراطن ایتسه اکا جواب ویریلور که اگر
حال بوضوال اوزره اولیدی لفظ نار اوراق اوزرینه
کتب اولند قدح حقیقت ناره اوراق وخامد طاقت کتور میوب
سوزان اولوردی پس ایمدی صور حر وف بدن ایله روحه
بکرز نته کیم شرفی روحله در کذلک شرف حروف
روح معانیسی ایله در چن سن عظمت قرأنی بیلک
مراد ایدرسن عظمت متکلمی تصورله قلبکده احضار
قیل عرش وکرسی وآسمان وزمین وما فیهن وما بینهن
موجود اولان مخلوقات که ملائکه وانس وجن و حیوانات
وبونلرک غیریدر وتد کرایت که بوجهلک خالق واحددر
وبومذکوراتک جمله سی آنک قبضه قدرتنده در که اگر
عرش وفرشی وما بینهمایی هلاک ایلسه ملکندن برشی
ناقص اولیوب سلطنتندن منعزل اولماز بلکه ملک
وملکوت آنک استغناسنه نسبت آفتا بدن ذره ودریادن
قطره در بلکه دخی کتردر اشته سن بویله بر ذات
عظیم الشانک کلامنی قرائت مراد ایدوب وآنکله
مخاطبه ایتک وکتابنده اولان جمال علم وحکمتی مطالعه
ایتک استرسن بوملاحظه بی دستور العمل ایده سن (بیت
ناکسانرا در حریم عز قرآن بار نیست

جز دل پاکان درین محرم اسرار نیست
(لایمسه الا المطهرون) فخواستجه ظاهر مصحفه
طهارتسز وضع دست جائز اولدیغی کبی حقیقت
معانیسی دخی باطن قلبدن مجبوبر الا مکر که خیانت
باطندن طاهر اولوب اشک دیده ایله وضوء مغوی ایدنلره
ظاهر اوله یو خسه قلب پر قسوت وخاطر مشنت ایله
تلاوت ایدنلره (بیت

کرتو قرآن برین نمط خوانی بیری رونق مسلمانی
مضمونیه تقریر اولنور ذوق معنویسنه واصل اولنلردن
بعض وجود مکرملریور مشلردر (نظم
حقک آیاتی حجاب رفعایدوب چیقدی یوزه
لیک هر آلوده طینت ایده مز تأویلسی
اهل فضله قوللق ایت دامن خدمت در میان
ترک ایدوب اهل وجودک جمله قال و قیلنی
(کفاک من عیوب الدنیا ان لا تبقی)

معنای لطیفی دنیانک عیوبندن سکا اول قدر کافیدر که
سنی ابقا ایتز یعنی سنی اعدام وهلاک ایلر بو کلام اقسام
مجازدن (انبت الربیع البقل) قیلکندن در فی الحقیقه
بر عیدر که واحد کالفدر (بیت
یار ناپایدار دوست مدار دوستی را شاید این غدار
(کمال العلم فی الحلم)

معنای لطیفی علمک کمالی حمله در حکما دیمشکر که خوان
نفس علمک نمکی حمله در بوکا شاهد حلم قلب اولنسه
ملح اولور حلمک محاسنی بودند اقدم بیان اولندی حلم
عامه به لازم و فرقه جلیله علمایه الزمدر زیرا ناسدن
مخالف طور آداب و مناقض احکام کتاب بعض حرکات
کورد بجه همان فی الحال عنفله تفسیق و تضلیل ایتیموب
رفقله و قول این ایله بلکه تعریض و کایه ایله سو یلمک
کر کردر تا که اول کیمسه متأثر اوله اگر بوکونه حکیمانه
وضع ایتیموب خلافن ایدرسه کارکر اولماز (فقولا له
قولا لینا) بود عوایه حجت کافیه در (شعر

لم ار مثل الرفق فی یمنه یستخرج العذراء من خدرها
من یستغن بالرفق فی امره یستخرج الحیة من حجرها
(کفالك هما علمک بالموت)

معنای لطیفی سکا کفایت ایدر هم و غم جهندن موده
علمک فی الحقیقه اسباب دنیا به علایق ایله درون مالا مال
ایکن بغته موت ایله رحلت ایدوب بالجملة رخت و بخت
واولاد و عیال و خانه و عقار و املاک و اموالنی ترک ایدوب
تنک و تار بر مکانه کیدوب بلکه سنجاب و سمور لر ایچنده
نعم متنوعه ایله تنعم و ترفهه معتاد اولمش بدن حشرات
بیشماره مثلا مور و ماره تردد کاه اوله جغی شایبه مرادن
مبرا بر امر مبرهندر بیچاره انسان رفته غفلته مستغرق

اولغله بونلری تذکر ایتدیکندن لذایذ نفسانیه ایله
شادمان و فوات مرادات شهوانیه ایله محزون و کریان
اولور (الناس نیام اذا ماتوا انتبهوا) والا هیچ عارف
اکاه اولانه مودن بیوک غم و هم اولماز (یت

کوشه وحدت ایدی قبرک عذاب اولسه
خوش تماشا کاه ایدی خشرک حسابی اولسه
(کمال الجود فی الاعتذار معه)

معنای لطیفی کمال جود و سخا آنکله بیله اعتذار ایتکده در
بومال بالاده تفصیل اولندی
(کافر سخی ارجی الی الجنة من مسلم شحیح)

معنای لطیفی کافر سخی دخول جنته ارجا در مسلم
بخیل و حریصدن مأمولدر که کافر سخی سخاسی سببیه
اسلامه کلوب آخرته ایمانله توجه ایدوب جنته کیره (مثنوی
هیچ کافر را بخواری منکرید

که مسلمان مردنش باشد امید
اما مخبر صادق خبر و یرمشد که (البخیل لا یدخل الجنة)
دخی بونک کی نیجه اخبار صحیحه ایله بخیلک عدم دخولی
ثابت اولمش مادامکه بخلله متصفدر مکر که بخلی ترک
ایدوب توبه و رجوع ایلیه (یت

خوی بد در طبیعتی که نشست
نرود تا بوقت مرک از دست

مفسر وندن بعضی یلر دیمش لر که فرعونده سخا صفتی
وار ایدی حضرت الله قرأ نده آنکچون اسمیله یاد
ایلدی اما نمرود علیه ما یستحق غایت بخیل اولدیغیچون
نام ناپاکی ایله یاد ایتیموب قرأ نده (فیهت الذی کفر)
دینکله علی وجه الکنایه ذکر اولمشدر ۹ مع هذا ایکبسی
دخی کافر ایکن سخا سببیلر بر کافر ک کافر آخر اوزرینه
رجحانی وارددر پس ایمدی سخا اهل اسلامده اولدیغی
وقتده نه مرتبه ممدوح و بخیل نه پایه ده مذموم اولور
ایمش فهم اولنور (بیت

توان بکرم بنده خود کرد جهانرا

اینجاست که هر کس که بخیلست کریمست

(کفران النعمة مزیلها)

معنای لطیفی کفران نعمت نعمتی ازاله ایدیجیدر بو مضمونده
کلمات مقدماتی بر اولندی

(کفی بالموت واعظا)

بالموت لفظ نده اولان با زائده در معنای لطیفی واعظ
اولق جهتندن موت کفایت ایتدی هر کس بر وجه
یقین موتک وقوعی ییلوب خواه و ناخواه ترک ما ملک
ایده جکفی تصدیق ایتد کدن صکره مقتضای عقل
اولدر که دائم و ابدی اوله حق آخرت ایچون آماده اولوب
زاد راه عقبا اولان اعمال حسنه به سعی ایلیه زیرا عاقله

سائر لک موتی واعظ و ناصح اولور بونک دخی تفصیلی
سبقت ایلدی

(کفی بالشب ناعیا)

الناعی هو الذی یأتی بخبر الموت (کذا فی الصحاح ناعی
شول کیمسه یه دیر لر که خبر موت ایله کله معنای لطیفی
موتی اخبار ایتک جهتندن قوجالق کفایت ایتدی حضرت
نظامینک بو ایاتی بو کلامک بیاننده کافیدر (شعر

حدیث ککودکی و خود پرستی

رها کن کان خجاری بود و مستی

چو عمر از سی گذشت و بلکه اریست

ن شاید کرد همچون غافلان زیست

نشاط عمر باشد تا چهل سال

چو با پنجه رسد زیر و پروبال

پس از پنجه نباشد تن درستی

بصر کنندی پذیرد پای سستی

چو شصت آمد شکست آمد بدیدار

چو هفتاد آمد افتاد آلت از کار

به هشتاد ونود چون در رسیدی

بسا سختی که در کیتی

وز آنجا که بصد منزل رسانی

بود مرکی بصورت زندگانی

۹ نصوص جواهر فصوص
قرآینه ده فرعون بنی عونک اسم
شقاوت و سعی نصیر یوریلوبده
نمرود مردود نام دناث انسانی
اسم موصول ایله ذکر اولمش
فرعون لعینک افعال و اقوالندن
ظاهر اولان عقل و درایتندن
و نمرود عنودک حضرت ابراهیم
علیه السلام و ردیک جویندن
باهر اولان بلاد و حماقتندن
اولقلغی اوزرینه اکثر مفسرین
عظام اتفاق ایشلدر فافهم یانی
الحرم الفقیر جمال الدین المصباح

وگر صد سال مانی وریکی روز

بباید رفت این ککاخ دلفروز

پس آن بهتر که خود را شاد داریم

درین شادی خدا را یاد داریم

(کفی للمحسود حسده)

معنای لطیفی حسوده حسدی کفایت ابتدی یعنی حسوده

حسودی مقابله سنده ترتیب جزا لازم دکلدر حسد

بر عذاب الیمدر که حسود دائما آنکله معذبدر (شعر)

خواجه خلق دیمش اوچ خصلت

بوله مز راه نجات اندن احد

سوء ظن داخی تطیر یعنی

قال بد ایتک اوچنجبسی حسد

و خبرده وارد اولمش که (دب الیکم داء الامم قبلکم الحسد

والبغض) یعنی سزیدن اول یکن ام طوائفده اولاندر

سزه ده حرکت نهانی سرایت ایلدیکه اول حسد

و بغضدر حسد قسمت قسام ازلی به اعتراضدر و محسوده

ظلمدر نه کیم بعض افاضل بومعنده بیورمشدر (شعر)

الاقول لمن کان لی حاسدا اندری علی من اسأت الادب

اسأت علی الله فی فعله لانک لم ترض لی ما وجب

فجاز الی بان زادنی وسد علیک وجوه الطلب

پس غیرت الهی اقتضا ایدر که بازار حاسد کاسد اولوب

اموری ادبار و بلاده و بازار محسود پرسود و احوالنده

دائما اقبال و زیاده اوله حضرت پیر هداة خواجه

عبدالله انصاری علیه رجة الباری مسجعا تنده بیورر که

هر که دانست که قسام ازلی در قسمت خطا و ظلم نکرد

از حسد برست (بیت)

چونکه ظلم ایلدی حکمه قسام قضا

به نیچون حاسد دون و برمیة اول حکمه رضا

حضرت امام غزالی قدس سره بیورر که حسدک اسباب

موجبه و علل مستقلة سی یدی نسنه در اولکی عداوت

ایکنجی تعزز اوچنجی تکبردر دردنجی تعجب بشنجی خوف

فوت مقاصد التنجی حب ریاست یدینجی خبت نفس

ولوم طبیعت اما عداوت بر شخص آخره عدو اولیحق

آنک نعمتی زائل و امر و عاقبتی نکبته راجع و آئل اولدیغن

استر اما تعزز محسود اولان کیمسه جاه و ولایت یا علم

و حکمت یا مال و ثروت صاحبی اوله حاسد آنک تعزز

و ترفع ایتسی ملاحظه و تأمل ایدوب عدم تحملدن ناشی

نعمتک زوالن طلب ایلر که آنک زوالی کندویه ترفع

و تکبر احتمالی اوله اما تکبر اولکدر که حاسد محسوده

تکبر و ترفع و محسود اکا تذلل و تحضع ایتک استر محسوده

واصل اولان نعمت و شرف حاسده تذلل و یروب و یونک

اکا تکبری بر طرف اولیحق نفسی بو صورتدن متألم اولوب

نعمت و شرفك زوالی استر اما تعجبك مثالی بودر که
کفار خا کسار جناب رسانمپناهی به خلعت نبوت ایله
تشریف اولندیغندن تعجب ایدوب (وا نزل علیه الذکر
من بیننا ابعث الله بشرا رسولا) دیوب شرف نبوتك
زوالن وعدم حصولن طلب و تمنی ایدرلردی فرقه
اذ یکایه خفی دکلدر که حقیقتده بو قسم قسم ثانی به
رجوع ایدر اما خوف فوت مطالبك ماده سی اولدر که
ایکی شخص یا خود اشخاص بر مراد معین ومطلوب
مخصوصی طلب ایدوب هر برینه حاصل وجمله طلاب
اکا واصل اولمق احتمالی اولیوب تراحم حصولی قلوبدن
تراحم انتفاسنه مؤدی وتحاسد حدوشنه مفضی اولور
بوجنسندنر زوج واحدك خواتینی که اکا ضرات اطلاق
اولنور کمال محبت وترجیح زوجلرینه مزاحمه ایدوب
محاسده ایدرلر وندماء مقربان ملوک وسلاطین وتلامذه
استادان اساطین وبونلرک کبی کیمسه لاراسنده اولان
تحاسد بو قسمندنر اما التنجی حب ریاستدر آنک موافقی
اولدر که بر کیمسه علم و کمال و یا جاه و جلال و یا ثروت
ومالده رئیس وعدم النظیر ویکانه روز کار اولمق استر
بعض ابنای نوعنده کندویه مشارکت واول تفرد ادعا
ایتدیکی دائره ده مداخلت فهم ایلسه آنک اول زوال
نعمتن وکندونک انفراد وبقاسن استر ووزرا علما

ارالرنده اولان حسد بو قسمندنر اما خبت نفس ولوم
طبیعتدن حاصل اولان حسدك وقوعی کثیردر زیرا
بعض ارادل ناس بعض اعالی وافاضله لاعن شیء بغض
وحسد ایدوب محالسه آنی نقض و ذم ایله یاد ایدوب
زوال نعمتدن فرح وشاد اولور با آنکه هرکز ارالرنده
عداوت یا تعزز وتکبر یا طلب مرآتیده مشارکت احتمالی
یوقدر بلکه محسود ایله اصلا آشنا ومشاهده سیله
دیدة کج نظری قطعاروشنا اولمامشدر محض خبت
نفس لئیندن ولوم ودنائت طبع خیشندنر وبومقوله
نفوس صاحبی دائما معذب و متحن وسائر کیمسه لر عزیز
ورفع اولدجقه بوذلیل و متهندر وبو قسم حسدك
علاجی عسیر وبومقوله مزاجك صاحبی دوا پذیردکلدر
زیرا سببی ذاتیدر گاه اولور که بواسباب حسدك اکثری
بلکه جمله سی بر شخصصده مجتمع وبومقوله حاسد غایت
قوی و یا مر تفعدر نعوذ بالله من شرور انفسنا ومن سبئات
اعمالنا (*) فی حرف اللام *

(لین الکلام قیدالقلوب)

قید بوقاغی به دیرلر معنای لطیفی کلامك یومشا قاغی
وملایمتی قلوبك بوقاغیسیدر یعنی لطف سخن جذاب
قلوبدر خصوصاً که مداهنه دن وکذبیدن عاری اوله
بو گونه متکلمك احبابی کتیر اولور زیرا بالخاصه کلام

لینه قلوب میل ایدوب صاحب کلامه علاقه ایدر
پر کیسه آداب کلامی وحسن خطابی ولطف جوابی
پیلسه هر کیمله صحبت ایلرسه البته سامعک کوکلی
اول مقوله متکلم طرفنه منجذب اولور ذکر اولسان اسلوب
اکثر یا اهالی استانبولده چوق بولنور و سائر بلاد ده
دخی بو گونه آدم محبوب القلوب اولور (شعر)

العلم زین والسکوت سلامة فاذا شرعت فلا تکن مکثارا
ما ان ندمت علی السکوت مرة ولقد ندمت علی الکلام مرارا
(لبس لسلطان العلم زوال)

معنای لطیفی غلبه علم ایچون زوال یوقدر حضرت
مر ترضی کرم الله وجهه بو بیتلرده دخی بو مضمونی بیان
یورمشلردر (نظم)

رضینا قسمة الجبار فینا لنا علم وللاعداء مال
فان المال یفنی عن قریب فان العلم باق لا یزال
یموت ابن آدم وینقطع عمله الا عن ثلث علم ینتفع به
وصدقة جاریة وولد صالح یدعوله (حدیث شریفنده
دخی علمک بقاسی ایما اولمشدر الی یومنا هذا ینک سنه دن
متجاوزدر که بعض علماده حضرت امام علی کرم الله
وجهه جنابلرندن موروثه علوم واردر مثلا جفرو علم
روحانی کی (شعر)

ای مرتفع ز نسبت ذات تو شان علم

کلك کهر فشان تو رطب اللسان علم
دست مجردات ستون زنج شود

آنجا که فطرت تو زند سایبان علم
وسائر اعزه کرام و مشایخ عظام و مؤلفین ذوی الاحترام دن
باقی قلان مؤلفات و آثار که عقود تعداد و شمار دن
بیر وندر تانقضای دوران باقی و فنا پذیرد کلدیر بو کلامده
علمدن مراد علوم نافعده در یوئدن اسبق علمک و علمائک
اقسامی افاده اولمش ایدی (بیت)

علم دین فقهست و تفسیر و حدیث
هر که خواند غیر ازین کردد خبیث
(لویری العبد الاجل و مروره لایقص الامل و غروره)

اجل مدت وامل رجاء مغالینه در معنای لطیفی اگر
عبد مؤمن اجلی و اجلک کچمه سنی کوریدی رجایی
و رجایه غروری حکایه ایتمزدی یعنی مدت عمرک سریعا
مرو ری بصر بصیرت ایله کوروب معاینه تحصیل
ایدی طول املی واکا غرالنکی لسانه کتوروب نقل
ایتمزیدی حضرت رسول کائنات علیه افضل الصلوات
(الدنيا ساعة فاجعلها طاعة) یوردقلری زمان حاله
اشارتدر مثلا زمان ماضینک محل تدارک اولمیدیغی ظاهر
وهویدا در و زمان آتی که مستقبلا در وهومدر وجودینه
حکم اولنماز پس ایمدی انسانک عمری همان بولندیغی

حالدرد بعض علما حال ماضینک آخری ومستقبلک جزء
اولیدردیمشله بوضورتده حالک سرعت مروری عدم
استقراری معلوم اولور استیلائی سرمستی غفلتدندرکه
انسان بیچاره بونی فراموش ایدوب کونه کونه طول
املا ایچون تخمین وتدبیر ایدر (العبد یدبر والقضاء
یضحک) لکن بونکته دخی معلوم عزت اوله که غفلت
دخی جله حکم الهیه دندر دیمشله زیرا نوع انسانده
غفلت اولسه بوعالم کون وفساد خراب اولوردی (مثنوی
استن این عالم ای جان غفلتست

هوشیاری این جهانرا آفتست
(شعر)

عجزنا عن مواقع الشکر شکر لم یفنا ینابد و امه
سید منعم علی العبد حتی غفلة العبد عنه من انعامه
(لکل غم فرج ولکل داء دواء)

معنای لطیف هر غم ایچون کشایش وهر درد ایچون دوا
ودرمان وارددر (بیت

ان مع العسر که یسرش قفاست

شاد برانم که کلام خداست
طریق نور بخشیده اولان درویشلرک دیدیه دائمه لری
درونلرینه غم کلدکده شاد اولمقدرد آنکچونکه غم و سروز
پر برخی تعاقب ایتکده در ۶ لامحاله غمک نتیجه سی سروردرد

ملاحظه سبیله والبتہ هردرد ایچون دوا مقررردر لکن
طیب حاذقه محتاجدر فافهم
(لبس الشهرة من الرعونة)

رعونت حق واسترحا معناسنده در معنای لطیفی لباس
شهرت کیمک نفس اماره نک رعوتنددندر لذات دنیویه
وشهوات نفسانیه مع کثرتها اویج نوعدر اولکبسی
ماکل وشاربدر که اطعمه نفیسه واشربه نفیسه در
ایکنجبسی مناکدر که حسنی جاریه لر و مستثنی محبوبه لردر
اوچنجبسی ملابدر که ذی قیمت اقشیه متنوعه والبسه
مرغوبه لردر اگرچه فی الجمله تزیین اظهار تعین ایچون
اولیوب تحدیث نعمت واشعار غنا و ثروت ایچون
اولورسه که انواع شکر دندر برامر مقبولدر لکن
زی صلحاده بولنوب آل رنگ جامه لر واجر واصفر کران
بها شال ورداری در برایتک رعوتدن وبقای کبردندر
حتی طریق صوفیه ده خرقة کیمک موت اخضر ایله

تعبیر اولنور (بیت

از خود آرا طمع سیرت شایسته مکن

که برونساز در ونساز نکرده هرگز

(لبس للحسود راحة)

معنای لطیف حسود ایچون راحت یوقدر تفصیلی آنفا
کذارا یلدی

لهذا ان مع العسر یسرا
یسرلش ان بعد العسر یسرا
یسرلما مشدر جمال الدین

(لبس الشبب من العمر)

معنای لطیفی قوجالق عمر دن معدود دکلدر زیرا اوجاع
واسقامدن عبارتدر

(لین قومک تحب ولین قولک تحب)

معنای لطیفی قومکه ملائمت ایله که محبوب اوله سن
و کلامکی ملائمت ایله که محبوب اوله سن
(لکل عداوة مصلحة الا عداوة للحسود)

معنای لطیفی هر عداوت ایچون صلح واردر الا حسودک
عداوتی ایچون صلح یوقدر (یت)

کل العداوة قدر جی ازالتة الا عداوة من عاداة من حسد
زیرا حسود محسودک نعمتک زوالندن غیر یله منسلی
اولماز مبحث حسد مستوفی افاده اولندی اما علمای
دین سیمای ابو حامد غزالی رحمه الله احیای علومده اخلاق
ذمیه نک یکان یکان علاجنی بیان یورمش العیاذ بالله
تعالی بر کیمسه حسده مبتلا اولسه آنک ازاله سنه علاج
محسودی اولان زیاده تعظیم و تکریم ایتمکدر هر بار که
حاسد محسوده تعظیم و توقیر ایلیسه میانه لرنده محبت
ظهور ایدر بو صورتده محب محبوبنک سوء حالی استمه مک
امر مقرر در اگر چه دیمشدر (یت)

حسد قلب عدو لطفله زائل اولمز

سنگده مضر اولان آتسه آب ایتمز اثر

اما لطف و اکرام حاسد طرفندن اولدیغی وقتده علاج
پذیرا ولسنده شبهه یوقدر (*) فی حرف المیم (*)
(ماندم من سکت)

معنای لطیفی سکوت ایلین کیمسه نادم اولمادی حضرت
رسول اکرم صلی الله علیه وسلم پیورمشلر که اگر کلام
سیم خام اولسه سکوت زر خالصدر (یت)
سوزک در اولسه دخی وار سکوت قبل سکوت

نه در در ایکی کوزم لعلدر و یا یاقوت
حضرت امام غزالی رحمه الله پیورمشلر که صمت و سکوتک
وجوب و لزومی بودلیل عقلیدن معلوم اولور که کلام درت
قسمدر قسم اول نافع محض قسم ثانی مضر محض قسم
ثالث نفع و ضرری مشتمل قسم رابع نفع و ضرر دن خالیدر
مضر محضک تکلمی جائز دکلدر بلا شبهه و ضرر و نفعی
مشتمل اولانک كذلك زیرا ضرری نفعنه دکر حین
تکلمده چکیلن زجت زیاده اولور ایکیسندن خالی اولان
دخی نامجوز در که زیرا عیب محض و تضییع زمان
و وقتدر که موجب خسران و مقتدر پس ایمدی همان
نافع محض اولان قالدی معلوم اولدی که کلامک اوج
ر بعندن سکوت واجب همان ربع واحدک نطقی مناسب
ایمش و نافع محض اولنده دخی آفات خفیه اولمق ر یا
و تصنع و غیبت و تزکیه نفس کی محتملدر مانند ظهور

آفتاب عالم تاب ظاهر اولدیکه جناب رسالت پناهک صلی الله علیه وسلم (من صمت نجا) بیوردیغی عین صواب وفصل خطاب وجوامع الکلمه در که (اوتیت جوامع الکلم) مقتضای سبجه مخصوص حضرت رسالت ابدر زبده ارباب یقین نور الدین عبد الرحمن جامی قدس سره السامی بهارستانده پرورده ابتدکی ازهار آثار دندر که (حکمت بو چهار کلمه پراخته کویا بر تیردر

که چهار کماندن انداخته در ملوک سالفه دن کسری دیمشدر که هرگز سو یلمدیکم شیدن پشیمان اولدم ونیجه کره سو یلمدیکم دن پشیمان اولوب خاک خونده غلطان اولدم قیصر دیمشدر که بنم نا گفته یه قدرتم گفته دن زیاده در یعنی اول نسنه پی که سو یلدم سو یلمکه قادرم واول سوز که آنی سو یلدم آنی اخفایه قدرتم یوقدر خاقان چین دیمشدر که چوق واقع اولور که سو یلمک ایچون اولان پریشانلق سخت اولور سکوت ایچون اولان پریشانلقدن ملک هند بومعناده ایراد ایتشدر که هرکله که بنم زبانمدن بسته در بنم دست تصرف اندن بسته در وهر نسنه که آنی سو یلمه مشم اکامالکم دیلرشم سو یلرم استرشم سو یلم (شعر بخردی را رز از فاش ونهان مثلی نیک بر زبان رفته

کین چوتیر است مانده در قبضه
وآن چوتیر است از کمان رفته
(مجلس العلم روضه الجنة)

معنای لطیفی مجلس علم جنت با نچه سیدر بوندن اسبق علم شریفک وعالم عاملک احوالی تفصیل اولنمش ایدی بو محله دهخی اجالا بیان آخر ایله ذکر اقتضا ایلدی فصل الخطابده مسطوردر که علمای ظاهر اوچ طائفه در مفتیان ومذکران وقضاة اما مفتیان ایکی قسمدر قسم اول عالم دل وعالم زبانلردر وآنلرده علم وعمل وخوف وخشبت وتقوی وارددر وتحصیل ونشر علمی الله ایتشدردر ومال وجاه دنیادن نظر لرین قطع ایتشدردر (انما یخشى الله من عباده العلماء) بونلر حقنده در قسم ثانی عالم زبان وجاهل دللردر آنلرک کوکلنده خوف وخشبت الهیه یوقدر وتعلم وتعلیم علمدن مراد لری تحصیل ثواب آخرت وقرب حق دکلدر بلکه تتبع علمی تحصیل جاه واموال دنیا واقبال ناس ومناصب ومراتب ایچون ایدرلر (اتقوا کل منافق علیم اللسان) حدیث شریفی بونلر حقنده وارد اولمشدر (شعر

آلوده شد بحر ص درم جان عالمان
وین خواری از کذاب بدیشان نمیرسد
درد او حسرتا که به پایان رسید عمر

وین خرض مرده ریک به پایان نمیرسد
 اما مذکران که واعظ لردر اوج طائفه در اولکبسی
 انلر که برقاج محله مصنع مسجع کلام حفظ ایدوب علم
 دیندن بعض صور سویلر قبول خلق مطلبی واموردینه
 متعلق کلمات مکسبی اثنای وعظده وزرا وامر ایه مدح
 و ثنا کاری و صدورا کار و اغنیا واصحاب مناصبک مناقبی
 خلاصه گفتاری اولوب گاه گاه اظهار تعصبه ایضا
 فتن ایدوب عوام ناسی سمت تعصبه اغرا و اغوا و گاه
 احادیث مطعونه و موضوعه نقلیه جلب منافع و تحصیل
 خطام دنیا ایلر معاذالله بونلر عالم زبان و جاهل دلردر
 بونلرک مجلسندن احراز لازمدر ایکنجی اول طائفه
 صلحادر که کلاملری الله ایچون وثواب آخرت ایچون اوله
 و بدعت و ضلالتدن دورلر و تفسیر و اخبار و آثار اسلاف
 کبار نقل ایلرلر و جاده سنت سنیه و سیر سلف صالحین
 ایراد ایدوب خلقی وعظ و نصیحت و حکمت ایلر طرف
 حقه و صراط مستقیمه سوق ایدرلر و زهد و ورع
 و تقوایه دعوت ایلرلر (ادع الی سبیل ربک بالحکمة
 و الموعظة الحسنة) امرینه امثال ایشلردر اوچنجی اول
 طائفه کزین و مشایخ دیندر که عنایت بحق جذباتیه
 سلوک راه دین و سیر عالم یقین تحصیل ایشلردر و مکاشفات
 الطاف الهیه دن علوم لدنی بولمشلردر و پرتو انوار

صفات حقده پینای حقایق معانی و اسرار اولمشلردر
 مدت عمر لنده کنیدی نفسلرینه واعظ اولوب (عظ
 نفسک ثم عظ الناس والا استمع منی) کلامیه کامل
 اولمشلردر بونلر حکم و فرمان مرشد ایلر دعوت خلقه
 مأمور لردر (رباعی

مردان رهش زنده بجان دکرانند

مرغان هواش ز آشیان دکرانند

منکر تو بدین چشم بدیشان کایشان

بیرون زد و کون در جهان دکرانند

پس ایمدی بو گونه وجود شریفلرک مجلسی جنت عاجله

اولدیغی بین الظهوردر اما قضاة دخی اوج قسمدر

(قاضیان فی النار قاض فی الجنة) حدیث شریفندن

علماء شروح احادیثده دیدکلری اوزره هر قسمک

صفتلری معلوم اولور بو مختصرده ایرادی مانحن فیه مردن

دکدر

(مصاحبه الاشرار رکوب البحر)

معنای لطیفی اشرارک مصاحبتی در یاده کشتی به سوار

اوللق کیدر حذف مضاف واردر تقدیری رکوب سفینه

البحر در یعنی اشرارک صحبتی محل خطر در کشتی به

یمک کی اگر سلامت بولور سه دخی برقاج زمان طبیعتده

اثر باقی قالور وعن عبدالله بن عمر رضی الله عنهما انه قال

قال رسول الله صلى الله عليه وسلم (لا يركب البحر مؤمن
الا حاجا او معتمرا او غازيا في سبيل الله تعالى فان تحت
البحر نار او تحت النار بحرا) و اراد بهذه الكلمة تهويل
امر البحر وخوف الهلاك منه كما يخاف من ملامسة النار
كذا في شرح السنة اولا مخاوفك بريسي تموج در يادر
بريسي دخی کشتی به یا سماوی یا خودینه ایچندن بر آفت
ایرشمک خوفیدر بریسی دخی موافق روز کار بولوبوب
دور و دراز سرکردان اولق و بعض دشمنانه تصادف
ایلمک خوفی وارد بریسی دخی خود بخود دریایه
دوشوب قضاء غرق اولق خوفیدر بونلردن سالم اولوب
منزل مقصوده وارر سه آبک که طبیعتی بارد و رطبد
تا ثیرندن تغیر مزاج دخی محتملدر کذلک اشراک
صاحبی دخی خطرناکدر کونه کونه خطر لردن سالم
اولسه دخی مقارنت و صحبتک آخرتده جزاسی مقرر در
(الاخلاء یومئذ بعضهم لبعض عدوا الا المتقین)
صحبت اشراکده اولان مخاوفک بریسی تأثیر صحبت و انقلاب
طبیعتدر بریسی دخی احبایی سوء ظنه القادر بریسی
دخی انک کلمات باطله سنی استماعدر بریسی دخی عادت
سپشه سی اولان غیبت و مذمته اتباعدر بریسی دخی
جائز که سوء صنیعندن ناشی طرف حقندن ایریشن قهر
صوریده اشتراکدر (بیت

بی ادب تنهانه خود را داشت بد
بلکه آتش در همه آفاق زد
(من علت همه طالت همومه)

معنای لطیفی شول کیمسندک که همتری عالیله اوله غوم
و همومی اوزون اولور هرکسک معلومیدر که طریق
حصول مطالبده چکیلن متاعب مطلبک عزتنه کوره در
مطلب تقدیر عالی اولور سه مقاسات و مشاق چوق اولور
مثلا فضیلت تحصیلنده اقرانه سبقت بر نیجه مدت بذل
قلب و قالبه محتاجدر کذلک مطلب اعلایه که مراد
معرفت الهیه در طالب اولان مدت عمرنده فقر و فاقه به
صابر و اختیار ریاضت و مجاهده و خدمت مرشد کامل ایله
مفتخر اولوب و لحظه واحده هوای نفسه توجیه نگاه
اعتبار ایتامک دخی بونک امثالی نیجه شدت و صعوبتدر
احتمالی لازمدر که کشتی کامیاب اوله (شعر

اسرار حقیقت نشود حل بسؤال

نی نیز به در باختن حشمت و مال

تا خون نکنی دیده و دل پنجه سال

هرگز ندهند راحت از قال بحال

(من کثر کلامه کثر ملامه)

معنای لطیفی شول کیمسه نک که کلامی چوق اوله ملوم
اولسی چوق اولور یعنی چوق ملامت اولنور

(مشرب العذب مزدحم)

معنای لطیفی طتلو چشمه ده خلقك ازدحامی اولور
اخلاق حیده دن کایه در یعنی اخلاق سنجیده صاحبك
محبته ناس رغبت ایدوب مجلسی مزدحم اولور کویا که
مرحوم شیخ سعدی کلمستانده بو مضمونی بو کلام
درر باردن اخذ ایتشد (بیت)

هر کجا چشمه بود شیرین مردم و مور و مار کرد آیند
خصوصا که بو گونه وجود مسعود کار علمادن یا خود
رجال دولتمندن اوله مرحوم جنت مقام شیخ الاسلام
یحیی افندی جنابنی کورن پیران کهن سالدن استماع
اولنور که عظم شانی و علو مکانت و مکانی مرزاد اولدجه
تواضع و مسکنتی دخی افزون اولوردی در کاهی ملاذ
فقرا و اغنیا و اسکفه باب مکارم مأبی ککھف الامان
ضعفا و علما ایش بونک کبی لین العریکه ذات مکرملره
جراران بی ادب مقوله سی هر عصرده ثقلندن خالی اولمازلر
نقل اولنور که خلیع العذاران نقره چینان زمره سندن
بر آدم روزمره مجلسلریته تردد ایدوب مشلا ضحوة
صغرا ده کلورمه ظلام شامه دک و کاهیجه صبا حدن
اخشامه دک بسط خلسپاره ثقلت ایتک جزء طبیعتی
وترکی نامحوز عادتی ایدی (مصرع
ثقلت ذاتی کشش طاغی ایله دنکا دنک)

چین جبین خداندن متغافل و کایات و تعریضاتک
هر برینی محل آخره صرف ایدوب البته بر حسن محمل
بولوردی نه احسان فی الجملة ایله مندفع ونه طشره ده
بر کیمسه سزی استر کلامیه مر تفع اولوردی ینه بر کون
کما هو العاده علی الصباح کلوب مجلس شریفلرنده جانب
غربه ناظر اولان پنجره لردن برر وزنه اوکنده مر بع نشین
ثقلت اولدی مرحوم مشار الیه حضرتلری کالاول
آشنایی والتفات تام ایله انک خاطرنی تطیبیدن صکره
خطاب ایدوب بیوردیلر که حالا پیشکاهنده اوتوردیغکر
پنجره دن بعد العصر پرتو آفتاب دوشوب سزی آزرده
ایدر بو طرفه ییورک دیو مقابله ده بر جایگاه تعیین
ایلدیلر (شعر)

مات الکرام و مروا و انقضوا و مضوا
ومات فی اثرهم تلك الکرامات

و خلفونی فی قوم ذوی سفه
لوا بصر و اطفیف ضیف فی الکری ماتوا
(مجالس الکرام حصون الکلام)

معنای لطیفی کریملرک مجلسلری جنس کلامک سورلریدر
حصن قلعه باروسنه دیرلر حصون جمعیدر یعنی صاحب
کرم اولنلرک مجلسلرنده واقع اولان کلام محفوظدر آنده
قالور طشره ده نقل اولنماز (صدور الاحرار قبور

الاسرار) دخی بو معنای افاده ایدر (المستشاره مؤتمن)
حدیث شریفی بو امت هر حومه یه تنیهدر که هر کسی
محرم اسرار ایتیموب تکمیل نفس ایتش کیمسه لرایله
استشاره ایلیمه نته کیم دیمشردر (شعر)

ان رمت تدبیر امر ما یسرک
اذبشرته فاتخذ فی رأیه رجلا

عریف قد غارک الاهیال تجربه

اسن مقدم فی احواله بطلا

ان الامور اذا الاحداث دیرها

دون شیوخ تری فی اثرها خلل

رسول اکرم صلی الله علیه وسلم بعض غزواته وسرا یا
ترتیبده اصحاب کرامدن بر قاج ذات شریفله مشورت
ایدوب وقت شروعه دک عامه صحابه یه کشف راز
ایتمزردی (من کتم سره ملک امره) هر کسه افشای
راز ایلین مطلوبه نائل اولماز (شعر)

در مشورت را چرا بسته مکر مذهب عقل را جاحدی
نه اریاب حکمت چنین گفته اند که رایان خیر من الواحد
(منقبه المرء تحت لسانه)

منقبه مثلبه نک ضدیدر هنرمعنا سینه در معنای لطیفی
کشپنک هزی لسانک التنده در یعنی بر آدم (اذا خلی
وطبعه) انطاق اولنسه هر نه کونه مدحه سزا محاسنی

وارایسه اکا داتر سویلر (کل حزب بما لدیهم فرحون)
فخواستنجیه هیچ بر کیمسه کندی عیوبندن بحث ایتیموب
مابه الاقتحاری هر نه ایسه اول سمتدن مکالمه ایدوب
اندن صفایاب اولور مثلا حداد خطاطک صنعتنی
سویلمدن وایشته دن محظوظ اولماز وبالعکس (مصرع
وللناس فيما یعشون مذاهب (*) فی حرف النون *)

(نیل المنی فی الغنی)

معنای لطیفی آرزوله ایرشتمک غنا ده در یعنی مطالب
دنیویه یه نیلان و دسترس غنا ایلله اولور فقر ایلله اولماز
فقر ایلله مرادات اخرویه حاصله اولور لکن غنا ایلله
مطالب اخرویه حصولی دخی ممکندر اگر شروطی
موجود اولور سه مثلا مال حلال طلبا لمرضات الله اتفاق
اولنسه وزکاتی دخی ویرلش اوله ومن واذا دن معرا
ومبرا اوله ومعطى له محل اوله اگر بوشروظدن بریسی
منعدم اولور سه ثوابی اولماز آنکچوندک بی مراد
اولنلر فقر اختیار ایدرلر بودخی ممکندر که غنادن مراد
غنا ی قلب اولوب انده ومنعاده اولان الف ولام عهد
ایچون ومنادن مراد مطلب اعلی اولان رضاء الله اراده
اولنله (بیت)

کف سؤال نمودار نعل وار ونست

وکر نه بر سر کنجست پای درویشی

(نور قبرك بالصلاة في الظلم)
 نور صیغه امر در ظلم ضم ظاء معجیه وفتح لامه ظلمتک
 جمعیدر معنای لطیفی ای مؤمن و موحد سن قبریکی
 تنویر ایلہ لیالی مظلمہ ده نماز ایلہ مراد اجواف لیالیده
 قلنان نوافلدر سیمای صلاۃ تهجد که انبیای کرامہ
 صلوات اللہ علی نبینا وعلیہم اجمعین فرض ایدی ہوامت
 مرحومہ یہ نافلہ اولدی مشایخ ستندن این ماجہ وترمندی
 وحاکم رحمہم اللہ روایتلریلہ شرط شیخین اوزرہ تصحیح
 اولسان احادیث شریفہ دندر کہ قال النبی علیہ الصلاۃ
 والسلام (ایہا الناس افشوا السلام واطعموا الطعام
 وصلوا باللیل والناس نیام تدخلوا الجنة بسلام) وطبرانی
 بو حدیث شریفی دخی روایت ایدر (شرف المؤمن قیام
 الیل وعزہ استغناؤه عن الناس) صلاۃ تهجد حقندہ
 آثار چوقدر وکبار مشایخ وعامۃ صوفیہ وقاطبۃ صلحا
 بوکہ ملازمدرر وجہلہ خواصندندر کہ متہجد اولان
 کیمسہ نشیط اولوب کسل وقتوردن دور اولور وعدد
 رکعاتی اکثری اون ایکی واقلی ایکیدر خواص عجیبہ سی
 واردر کہ خامۃ دوزبان بیاندن عاجزدر حضرت بایزید
 بسطامی قدس سرہ جنا بلرینی بعد الارتحال اعزۃ
 کرامدن بریسی رؤیادہ در جہۃ عالیہ ده متعم مشاہدہ
 ایدوب سبب وصولدن سوال ایتدکده پیوردیکہ عالم

دنیادہ سعی ایتدیکم بو قدر عبادات وریاضات وبالجملة
 عبارات و اشارات اصلا بکا فریادرس اولمادی الامکر کہ
 (دوکانہ نیم شبی) یعنی اجواف لیالیده قائم اولدیغم
 برایکی رکعت نماز مقبول در کاه عرت اولوب بو علودر جہۃ
 باعث نیلان اولدی وتهجدک بر خاصہ سی دخی آدمی
 منورالوجه ایدوب محبوب القلوب ایدر بو صورتده بو کلام
 لطیفہ بر معنا دخی ممکندر کہ قبردن مراد جسم اولہ
 وظلمده اولان الف ولام جنس ایچون اولوب ظلمت ظاہرہ
 وباطنہ مراد اولہ یعنی سن جسمکی منور قیل ظلمت
 شبده وظلمت بشریتده صلاتہ دیمک اولہ نوافلہ مواظبتک
 قرینت حق منج اولدیغی حدیث قدسیلہ ثبوت یافته در
 بو جریدہ مختصرہ ده ایرادی اطناب واسہایہ مؤدی
 اولدیغندن ماعدا محضاتحریر وتسطیر ایلہ وجدانیات
 افادہ اولنماز بناء علی ذلک حضرت مولویک بو ایات
 شریفہ سبیلہ اقتصار اولندی (مشوی

پنج وقت آمد نماز رهنمون
 عاشقانرا فی صلاۃ دائمون

نہ بہ پنج آرام کیرد آن خیار
 راست کویم نہ بصد نہ صد هزار
 نیست زر غبا وظیفہ عاشقان
 سخت مستغنیست جان صادقان

با وجود آنکه در یاد رکشند
خشک لب باشند وهم در آتشند
(نور مشبک لا تظلمه بالمعصية)

مشبب مصدر میسر قوجالق معناسنه معنای لطیف
ای عبد مؤمن پیرلکک نورینی معصبت سببیه قرا کو
ایله یعنی پیرلکک وقتند کاهدن محترز اولکه معاصی
ظلمتدر حضرت الله جل جلاله الشبب نوری بیورمش
زمان شیخوخت صاف اوله جق زماندر واسلامده
قوجاینلره حضرت حقک نیجه بشارتلی وارد که
احادیث شریفه ایله ثابتدر ایمدی بعدالار بعین کاهدن
زیاده پرهیز لازمدر شیخ کیر صدر الدین قنوی قدس
سره العزیز حضرتلی کشف الاسرار نام کابلرنده
(ثلثة لا یکلمهم الله ولا ینظر الیهم یوم القیمه ولا یرکبهم
ولهم عذاب الیم ملک کذاب وشیخ زان وعائل متکبر)
حدیث شریفک شرحنده مذکور اولان اوچ طائفه نک
سبب عذابلی ذکر اثناسنده شیخ زانینک خصوصنده
بیورر که پیر زانینک علت عذابی ماده سنده مختفی
اولان سراولدر که تحقیقا جوان تازه زنایه تجاسر
ایتد که نوعا معذورتی مقرر در زیرا حدیث سنی
حسبیه طبیعتی اکا منازعه اولوب دفع شهوتده متقاضیه
اولور و بر تازه بکندن زناتک عدم ظهوری محل عجیدر

آنکچوندر که قال صلی الله علیه وسلم (یجب ربکم
من الشاب لبس له صبوة) اما پیر که حد خسبنی متجاوز
اوله انک شهوتی وقواسی منخطه در اگر زنا ایدر سه
اندن اول فعل قبیحک ظهوری بر سبب ایله دکدر الا
فساد طبیعتدندر واول کیمسه فساد اوزرینه مجبولدر
بوفساد اکا معاذ الله وصف ذاتیدر نتایج ردیه بی مستلزمدر
انتهی کلامه (بیت)

رسمیست که مالکان تحریر ازاد کنند بنده پیر
و بودخی معلوم عزت اوله که مطلقا انواع عبادات
درونی تطهیر و ظاهر سیمای آدمی تنویر ایدر واصناف
معاصی باطن انسانی سیف قسوت ایله جریح و بشرة
مؤمنی زشت و قبیح ایتک بالخاصه مقرر در (سیماهم
فی وجوههم من اثر السجود) ودخی (یعرف المجرمون
بسیماهم) کریمه لری بو مدعایه حجت واضحه در
(نار الفرقه احر من نار جهنم)

معنای لطیفی فرقت آتشی جهنم آتشدن زیاده
حرارتلور در (بیت)

دوزخه کیرمز ستمکدن ینان قابل جنت دکل اهل عذاب
بو مضمونه ناظر در (بیت)

فنی فوآد المحب نار هوی احر نار الحیم ابردها
بو کلامی تضمیندر فرقت محبوب مجازیدن قطع نظر

فی الحقیقه تدقیق اولنسه (ومن كان في هذه اعمى فهو
فی الآخرة اعمى) آتی موجبجه نار فراق دیدار الهی به
کوره آتش سعیر آب غدیردر بومحله مناسب کلماته
بومختصرده تاب کنجایش یوقدر نته کیم عمر بن فارض
قدس سره حضرتلری پیوررلر (شعر

فظوفان نوح عند نوحی کادمعی

وایقادر نیران الخلیل کلوعتی

ولولا حجاب الکون قلت وانما

قیامی باحکام المظاهر مسکتی

(نور المؤمن من قیام الیل)

معنای لطیفی مؤمنک نور وجهی کیجه قائم اولمه دندر

قیام لیل صلا تهجددن کایه در آنفا تفصیلی مرورایتدی

(نسیان الموت صداء القلب)

معنای لطیفی موتی فراموش ایلک قلبک پاسیدر یعنی

موجب صدائدربونک دخی بیانی حسب المقدور افاده اولندی

(تعیت الی نفسک حین شاب رأسک)

تعیت صیغه مجهولدر معنای لطیفی سن موتله نفسکه

اخبار اولندک باشک اغاردیغی زمانده یعنی باشکده اولان

مویک سفید اولدیغی وقتده نفسکه موت خبری کلدی

بویان دخی سابقدر

(نضرة وجه المؤمن فی الصدق)

نضرت ضاد معجه ايله تازه لك معناسنه در معنای لطیفی
مؤمنك یوزینك طراوت وتازه لكی صدقده در صادق
القول اولان کلامندن نجل اولیوب عبوس الوجه اولماز
ننه کیم کاذبلر بویله اولورلر

(نم آمناتكن فی امهد الفرش)

نم صیغه امردر نومدن معنای لطیفی خلایقندن امین

اولدیغن حالده نائم اولکده دوشکلرک زیاده ایوسنده

یاتمش اولورسن زربفت و دیبادن دوشکلر اوزره خوفله

یتانلر خار مغیلا نده یاتمش کی مضطرب اولورلر اما

بی قیدان روز کار خا کتوده و خس خارا اوسنده یاتمشلر

شکر خواب ایدرلر

(نضرة وجه المؤمن فی التقی)

معنای لطیفی مؤمنک وجهنک تازه لكی تقواده در اهل

تقوانک حسن و جمالی ونضارت رویی آینه مثالی

اصحاب پیغمبه خفی دکلدر زیرا (ان اکرمکم عندالله

اتقیکم) فحواستجه انلر عباد اللهک اکرملریدر وحضرت

حق جل وعلا انلری سور حضرت خدای علام الغیوبک

محبوبلری خلقه دخی محبوب القلوب اولق حدیث شریفله

ثابتدر فافهم (*) فی حرف الواو *

(وضع الاحسان فی غیر موضعه ظلم)

معنای لطیفی احسانی محلنک غیری به وضع ایتلک ظلمدر

نه کیم متبی دیمشدر (بیت

ووضع الندی فی موضع السیف بالعلی

مضر کوضع السیف فی موضع الندی

اصل ظلمک تعریفی (وضع الشیء فی غیر موضعه) وعدلك

تعریفی (وضع الشیء فی موضعه) در بواصل محسنه

غلط بخش دیرز بو مقوله احسانک ثوابی دخی اولماز

احسانک موضعی فقرا در اغنیایه احسان وکرم دفع

احتیاج و تسریر قلبه مؤدی اولمدیغی واضحدر (لمنشئه

متاع کاسد اولور موقع عدمده وجود

محل دوشر که توانکر کدا یرین طومنز

اخلاق محسنی نام کابده مسطوردر که خسرو پرویز

حکما دن برینه سؤال ایتدیکه طبقات خلايقده سزاوار

احسان وعطا ولایق وازدرا کیملردر دیدیکه خلایق

بش طبقه در اولکبسی انلردر که فی حد ذاتهم ایولر

وخوشخولردر وانلردن خلقه هر زمان ایلک ایریشور

انلری تقویه ایدوب انلرایله صحبت ایتک کرکدر ایکنجی

اول طائفه در که کندی نفسلرنده ایولردر اما برکیمسه یه

انلردن ایلک ایرشمنز بو مقوله لری عزیز طوتوب خیره

حریص ایتک کرکدر اوچنجی اول فرقه در که میانه حال

اولوب نه انلردن غیره ایلک ونه کملک ایریشور انلره راه

خیری کوستروب شردن تحذیر ایتک کرکدر دردنجی

اول قومدر که کندی نفسلرنده یرامزلر در اما شرلری

غیره ساری دکلددر انلری خوار وحقیر طومتق کرکدر که

یرامزلغی ترک ایلده لر بشنجی اول بد نفسلردر که هم کندی

نفسلرنده یرامزلر وهم شرلری آخره سرایت ایلیمه

بویله لره سیاست ایتک کرکدر اول و وعد ووعید وثانیاه

تنبیه وتهدید ایله ثالثا ضرب وجبس ایله بونلرایله

اولمازسه سقیمه وجودین صحیفه عالمدن حک ایله (بیت

آتشی را که خلق از وسوزند

جز بکشتن علاج نتوان کرد

(وزر صدقه المنان اکبر من اجره)

معنای لطیفی منانک صدقه سنک کماهی اجرندن بیوکدر

منان معطی الیه تحمیل منت ایدن کیمسه در (لا تبطلوا

صدقاتکم بالمن والاذی) نهی ایله منتهی اولین کیمسه نک

صدقه سی ابطال اولنور بونهیک عدم اجتنابی وزر

عظیمدر اگرچه فی الجملة محسن الیهک قلبنه حین اعطاده

سرور مالقاسی ثوابی دخی ضایع اولماز اما وزر امتنان

اول ثوابدن اعظم وکلاندر (فمن یعمل مثقال ذره خیرا

یره ومن یعمل مثقال ذره شریره)

(وحده المرء خیر من الجلبس السوء)

معنای لطیفی کشتنک یا لکز لغی یرامز مقارندن خیرلورد (شعر

اوله ناقص لره همدم کیم همیشه هوشمند

استمزم کیم کند و دن ادنی ایله اوله قرین
سندن اعلی اولنه پک اولمه هم ثقلت نما
اول دخی کندندن ادنی ایله اولمز همنشین
جلبس پدک مقارننده اولان مضرات علی وجه التفصیل
شرح اولمش ایدی تنها اوتوران کیمسه برقاج آفاتدن
سالم اولور از جمله غیبت و مساوی ناسدن و ریادن
و آفات چشم و کوشیدن دخی نیجه نیجه معاصیدن که
الفت خلقدن متولد اولور (شعر)

بایدان کم نشین که صحبت پد
کرچه پاکی ترا پلید کند

آفتابی بدین بلندی را
ذره ابر نا بدید کند
(ولایة الاحق سریع الزوال)

معنای لطیفی احقک ریاستی سریع الزوال در تیر نهایت
بولور سبی اولدر که حاققت نیک و بد تمیزینه مانعدر
هر عملک رجالی استخدام ایتمز و نظر عواقب بینی منعدم
اولد یغیچون (اول الفکر آخر العمل) مضمونندن غافل
و صادق و کاذب فرقنده عاجز اولغله سقیم مستقیمدن
صادق منافقندن ترجیح ایده مر و عدل و ظلمی تصحیح
ایلیه من بناء علی ذلک هر کسه منفور اولوب مدت قلیله ده
منعزل و محجور اولور (الکبس من دان نفسه و عمل

لما بعد الموت) والی عاقل نفسی افراد رعایا دن فرض
ایدوب (مصرع

کدالر پادشاه مشرب کرک شههلر کدا مشرب
خواسنجه تکبر و تجبری بالکلیه فراموش و مقتضای شرع
اطهر ایله عمل ایدوب دائما خدامینک احوالنه چشم
و کوش اولور (مثنوی

خوی شاهان در رعیت جا کند
چرخ اخضر خاکرا اخضر کند

شه چو خوضی دان چشم چون لولها
آب از لوله روان در لولها
چونکه آب جمله از حوضهست پاک
هر یکی حوض آبی دهد خوش ذوقناک

وردران آب شورست و پلید
هر یکی لوله همان آرد بدید

(والاک من لم یعادک واساک من تغافل عنک)

والاک مفاعله در واساک کذلک معنای لطیفی سکا دوستلق
ایتدی شول کیمسه که سکا دشمنک ایتمدی و سکا مالی ایله
مظاهرت و امداد ایلدی شول آدم که سندن تعافل
ایتدی یعنی احوالی تفحص ایتمدی مراد شریفلری
اینای زمانه تعریفضدر زمانه ده شرط دوستنه مراعات
اولنماز همان دوست اکا اطلاق اولنور که سکا عداوت

ایتمیه محبت ایتدیکیکی کبی و مال و جانله اخوت ایدر آدم
نادر در شول کیمسه که سنک حانی ییلوب بیلزانه همان
اول برادرک مرتبه سنده سکا معاونت و یاورلک ایتمش
اولور (شعر)

هست زیاری همه را ناگزیر
خاصه زیاری که بود دستگیر

این دوسه یاران که توداری ترند
خشک تر از حلقه در بر درند

(ولی الطفل مرزوق)

معنای لطیفی طفلک و لپسی مرزوقدر طفل معصومک
رزقی دخی منضم اولدقده بهر حال افزون اولور

(ویل لمن وتر الاحرار)

ویل شدت و عذاب معناسنه در (وتره توتیرا غلبته)
احرار حرك جمعیدر رق انك ضدیدر معنای لطیفی
شدت عذاب آخرت اول کیمسه ایچوندر که احرازه غلبه
ایلیه احرار دن مراد رقبه لری ربقه علایق شتای
دنیویه دن آزاد اولان مردان راه حقدر که انلرک
اللهدن غیری مطلبیری اولیه بالکلیه قیود ماسوادن
مطلق اولوب بحسب الضروره مصلحت کفاف عیال
ایچون خلقله معامله ایلرلر قلبیری بر نفس اللهدن غافل
اولماز (رجال لاتلهیم تجارة ولا یبع عن ذکر الله)

بویله وجود مکرملر حقنده در اکثر یا عادات ناسه مماشات
ایتمزل مکرکیم بر عمل صالح اوله فی الجملة خلقک هوا سنه
مخالف حرکت ایتدکیری ایچون خلق انلره حقارت نظریله
نظر ایدر لر قال النبی علیه الصلاة والسلام حاکما
عن ربه وعزتی وجلالی لا ینال رحمتی من لم یوال اولیائی
ولم یعاد اعدائی) کذا فی نوادر الاصول بوحدیث قدسیده
حضرت رب العالمین جل شانہ بیورر که عزتم وجلالم
حقیقچون بنم رحمته نائل اولماز شول کیمسه که بنم
دوستلریمه محبت و دشمنلریمه عداوت ایلیه بو خبر صحیح
نوادر الاصول نام نگایده بویله مذکور در (مثنوی
تو مکو که من کریرانم از نیست
بلکه آواز تو کریرانست بنیست

نعلهای باز کونست ای سلیم

نفرت فرعون می دان از کلیم

پس زد دفع ظاهر اهل کمال

جان فرعونان بماند در ضلال

ودخی بویله وجود پر سودلرک انکسارلرندن و تأثیر
نفسلرندن زیاده احتراز لازمدر حکایت اولنور که حضرت
ملا خداوند کار جنا بلرینک والد ماجد لری سلطان
العلمایها ولد قدس سره حضرتلری محمیه قونیه به ابتدا
تشریف ایتدکیری اثناده بر کون جامع شریفده

زاتونشین تعبد ایکن برداشتمند فراجہ سنک آستین
 کمیوب عزیزمشارالیه حضرتلرینک یانلرینه اوغراقده
 محضا تعلیم ادب قصدی ایله ملا فراجہ نک یکلرینی
 کی زیرابویت خداده ادب لازمدر دیدکلرنده اول
 دانشمند بد پیوند عنقله کیمه نیجه نه لازم کلور دیدی
 حضرت عزیزدخی سنک جان خیشک جسدکدن چقمق
 لازم کلور دیدیلر همان اول ساعت اول کیمسه لرزان
 اولوب نقد جانی خزینہ ارواحه تسلیم ایلدی مناقب
 حضرت مولویده بویله مسطوردر بعض عارفلمیانہ
 ناسده اولیانک تمیز اولملرنده اوچ علامت واردر اگر
 برکیمسه ده اول اوچ علامت بولنورسه اول ذات شریف
 ولایتدن حصه مند دریمشدر (شعر)

سه نشان بود ولی راز نخست آن بمعنی
 که چوروی اویه بینی دل تو با و کر آید

دوم آنکه در مجالس چو سخن کند زمعنی

همه راز هستی خود بحدیث می ربابد

سیم آن بود بمعنی ولی اخص عالم

که ز هیچ عضو او را حرکات بدنیاید

(ویل لمن ساء خلقه و قبح خلقه)

معنای لطیفی شدت عذاب اول کیمسه ایچوندر که خوبی

چرکین و ظاهر خلقتی دخی قبیح اوله بوضورته اهل

ظاهر و باطن اندن متفر اولور لر دنیاده دخی بویله
 آدم معذب اولور اما ظاهر خلقتی چندان مستحسن
 اولیوب اخلاق حیده سی اولان وجود عند العقلا
 محبوب و محمود اولور عکسی بویله دکدر (شعر)

از حسن نفیس نیست مردم

از جوهر مردمی نفیس است

زیبا صغنی که هست بدخو

چون خوب خط غلط نویس است

(ویل للحسود من حسده)

معنای لطیفی شدت عذاب واردر حسود ایچون حسدی

جهتندن نه کیم بعض بلغا دیمشدر (شعر)

اصبر علی مضض الحسود فان صبرک قاتله

فانما نأكل نفسها ان لم تجد ماتا کله

❁ فی حرف الهاء ❁

(هموم المرء بقدر هممه)

معنای لطیفی کشنک غملری همتلری مقداریدر بو مضمون

علی التفصیل افاده اولندی

(هم السعيد آخرته وهم الشقي دنياء)

معنای لطیفی سعید اولان کشنک غم وهمی آخرتیدر

وشقی اولان آدمک غم وهمی دنیاسیدر سعیددن مراد

سعادت ازلیه به مظهر اولان کیمسه در شقی دخی کذلک

ازلده شقی اولاندر سعید و شقینک بو عالمده بعض علایمی
واردر محجو بلره کوره والا کل اولیایه حضرت الله بوسری
بیلدر مشدر لکن کشف ایتمزلر جمله علایمدن بریسی
بودر که سعید اولان فقر و غنایه اعتبار ایتموب اعمال
صالحه یه دائما صدق و خلوصله سعی ایدر و شقی بونک
خلافیدر فقیر اولسه دخی فقری مرزاد اولدجه اصراری
زیاده اولور (فاما من اعطی و اتقی و صدق بالحسنی
فسنبسرہ للیسری) کریمه سنی بعض مفسرین منعینه
و نوقفه للیسری یعنی لعمل اهل الجنة (و اما من یخجل
و استغنی و کذب بالحسنی فسنبسرہ للعسری) یعنی نخذله
فلا نوقفه للطاعة فسنبسرہ علیه طریق اهل المعصية
دیو تفسیر ایتمشیر خلاصه مرام اعمال صالحه یه میل
و محبت علامت سعادت ازلیه و فسق و فجورده اصرار
امارت شقاوت و نشان مقت و بعد رجعت لم یزلیه
اولدیغی مضمون آیت ایله مستدلدر مشاغل دنیویه یه
صرف همت و لوازم آخرت تدارکندن بالکلیه غفلت
ایتمک عمای قلبک و ضعف ایمان و یقینک ثمره سیدر (شعر
سراحوال جهان پرسیدم از فرزانه
گفت یا خوابست و یا باد است و یا افسانه
گفتش احوال عمر ما بکوتا چیست عمر
گفت یا برقست و یا شمعست و یا پروانه

گفتم انکس راجه کوی کاندیرین دل می نهد
گفت یا کوراست و یا مسنست و یا دیوانه
(هر بك من نفسك انفع من هر بك من الاسد)
هرب هانك وراء مهمله نك فتحيله فرار معنائه در معنای
لطیفی سنك نفسکدن فرارك شیردن فرارندن انفعدر
شیرك هلاکی حیات صوریه بی ازاله ایدر اما نفسك
هالکی حیات ابدیه دن محروم اولور نفسه تبعیت آدمی
(اولئك كالانعام بل هم اضل) ماصدق ایلر (بیت
اقبل علی النفس و استكمل فضائلها
فانت بالنفس لا بالروح انسان
مرأت نفس زنکار کدورتدن مصیقله و منجلی اولدقده
محل فیض الهی و مخزن اسرار نامتناهی اولوب بشریت
ملکیتیه متبدل و دخی (لایسعی سماء ولا ارضی ولكن
یسعی قلب عبد مؤمن تقی تقی) مرتبه سی حاصل
اولور (بیت
صائب زملائك مطلب رتبة انسان
آینده بی پشت چه دیدار نماید
(اعدا عدوك نفسك التي بین جنبيك) نفس اماره نك
مضراتی بطلك مراد ایدن مرصاد العباد نام کتابه
مراجعت ایلسون
(هات ما عندك تعرف به)

تُعرف مجهول و محز و مدر معنای لطیفی کتور عندند
اولان نسنه بی که انک سببیله پیلنورسن یعنی هنک
هرنه ایسه بیان ایله که قدر و قیمتک اول مقدار اولوب
اول قدر معروف و اول قدر مکرم اولور سن (لمنشئه
هرمند اولین ممتاز اولور می اهل عالمند

چنده هرکبه هم قدر ورد و یاسمین اولن
(همه المرء قیمته)

معنای لطیفی ک شبنک همیدر قیمتی (بیت
عاشقک احوالنه ایتمه نظر همه قصه دهنه ابرامنه
(هامة المرء همته)

هامة دپه تارک معناسنه در معنای لطیفی ک شبنک دپه سی
همیدر بوندن مراد ک شبنک هامة سی جسمنک طرف
علوده نهایتیدر یعنی هر آدمک نهایت علو رتبه سی
همتی مقداریدر (علو الهمة من الایمان) کشی همتی
عالی ایتمک کر کردر مرتبه سینه کوره اما دسترس مستحیل
اولان ماده لرده همت فائده ایتمز (بیت

بخت بد و همت عالی بلاست
و آی برانکس که بدین مبتلاست
(هلك الحریص وهو لا یعلم)

معنای لطیفی حریص اولان هلاک اولدی حالبو که هلاک
اولدین بیلز هلاکدن مراد رحمت حقندن دور اولمقدور

زیرا دنیا الهک مغبوضیدر حریص اتی سودی الهک
دشمنه دوست اولمق آدمی رحمت حقندن بعید ایدر
معاذ الله رحمتدن بعد ایسه هلاک ایدیدر اکر چه
حریص شمدی بو حالی بیلز روز جزا ده ظاهر اولور
اول کونده ایسه ندامت فائده ایتمز (بیت

اذا ما اهان امری نفسه فلا اکرم الله من بکرمه
(هشم الترید غیر آکله)

هشم های هوزایله و شین معجه ایله اتمکی ترید ایتمکه دیرل
معنای لطیفی نانی ترید ایلدی اکل ایلین کیمسه نک
غیری یعنی ترید ایلین اکل ایتمک مبسر اولدی مراد
مالی جمع ایلین تمتع ایده مدی بلکه غیر یلر یعنی وارثلر
سودمند اولدی دیمکدر (ع) مال میراثی نباشد پایدار

فخواستجه نیجه خانما نلر وارث واحد ا انتقال ایدوب
زمان قلیله نقود و منقولات مقوله سنی اتلاف و اسراف
ایلد کدن صکره یاران تصنع پیشه صورت حقندن کورینوب
ضیاع و عقار و املاک اطلاق اولنا نلری دخی فروخت
ایتدکجه ثلث قیمته اشترا ایدوب برقاج سنه ده اول وارث
سفاهت معتاد دزدان قلعه افلاس آباد اولدینغی چوق
کورلمشدر سعادت اول غنی یه که مالندن هم کندی
کامیاب اولوب هم سفره سخاسی کشاده و قضای حوائج
فقرا یه از جان و دل آماده اوله (شعر

کبست اهل کرم انکس که چو سائل بدرش
آورد آن قدر امید که در دل کنجد

بکشاید کف احسان و ببخشد چندان
که نه در حوصله همت سائل کنجد
(هیئات من نصیحة العدو)

هیئات اسم فعل در بعد معناسنه نصیحت غیره خیر
اراده سیدر معنای لطیفی دشمنک نصیحتدن خیر بعید
اولدی یعنی دشمن دوست صورتند کورینوب صورت
حقده نصیحت ایدرسه اعتماد اینه زیر دشمن آدمه
خیر سوق ایتمزالبته ضمننده بر سوء قصدی وارد حزم
واحیاط محلیدر (لمنشئه)

نسب روی دل دشمنه غرور اینه
ملایمتدخی کوسترسه خاره آلدانمه
(هلاک المرء فی العجب)

معنای لطیفی کشنک هلاکی عجبده در هلاکدن مرادهلاک
مغویدر بونک تفصیلی بالاده کذارا بلدی * فی حرف لا *
(لا ایمان لمن لا امانة له)

معنای لطیفی کال ایمان یوقدر شول کیمسه ایچون که انک
اما تی اولیه یعنی امین اولیه خائن اوله
(لادین لمن لامرؤة له)

معنای لطیفی کال دین یوقدر شول کیمسه ایچون که انک

مروتی اولیه مروت انسانیت معناسنه در شرح هدایه ده
مسطور در که (المروة الانسانية و یعبر بها بالفارسیة
مردمی کردن) یعنی بر موجب عقل رفتن و نقل عن ابی القسم
دین بی مروت دامت مروت بی دین کار خامست و دین
بامروت کار تمامست

(لا غنی لمن لا فضل له)

معنای لطیفی غنا یوقدر شول کیمسه ایچون که انک فضلی
اولیه یعنی انسانیتده نقصانی اوله زیر سخا و کرم تمه
صفات انسانیه در علی طریق الکنایه دیمک اولور که
غنی اولماز سخی و کریم اولین کیمسه فی الحقیقه بخیل ایله
فقیرک فرقی یوقدر
(لاراحة للموک)

معنای لطیفی پادشاهلر ایچون راحت یوقدر بهر حال
در وننده خشیت ربانیه و غیرت انسانیه اولان پادشاه
(کلکم راع و کلکم مسؤل عن رعیتہ) مضموتی فکر
ایلیوب ظلم و پیداددن قصرید ایدر و پادشاه عادل
اولنجیه و کلاسی تصدی ایده مزلر اما اقصای ممالکده
بر ظالم ظلم ایدرسه آخرتده اول ظلمدن پادشاه مسؤل اولور
حاصل کلام افکار کونا کون ایله هر ساعت متلون
اولوب محذورات فکر دن خالی اوله مز از جمله اصلاح
خدمه و تحصیل و حفظ اموال بیت المال و اندیشه اعداء

دین و دولت و تدارك احوال رعایا و برپا اندیشه سی عاقل
اولان ملوک ذیشان در بر لحظه منفك اولماز نته کیم
سلطان محمود غزنوی لساندن بو بیتلری نقل ایدرلر (شعر)
کاکچی بودی جانه خاشه روی بودی وشاه نه
خشک بادا پروبال آن همای کومر ادر سایه خود داد جای
(لا کرامه للکاذب)

معنای لطیفی یلانچی ایچون کرامت یوقدر کرامت ممدوحیه
معناسنه در یعنی کاذبک سائر خصوصده مدحه سزا
افعال و اوصافی دخی اولسه انکچون ممدوحیت یوقدر
کذبک شامتی و کاذبک لثامتی بوندن اسبق ایضاح اولمش
ایدی اگر کرامت خارق عادت معناسنه اولورسه کاذب
فاسق اولدیغی اعتبارا یله اندن صادر اولان خارق
عاده کرامت دینملیوب استدر اراج اطلاق اولنور
(لا غم للقانع ولا فقر للعاقل)

معنای لطیفی صاحب قناعت ایچون غم رزق یوقدر
و صاحب عقل ایچون فقر و احتیاج یوقدر قانع اولان
کیمسه رزق مقسوم تخلف ایتدیکن ییلوب مسرور
و خرم اولوب زیاده طلبیله پرغم اولماز (بیت)
آنکس که خدا یرا بشناسد یقین

داند که بدست هیچ کس کاری نیست
عاقل اولان معطی حقیقی حضرت حق اولدیغنی یقینا

ییلوب جزم ایدوب غیره عرض احتیاج ایتمز و غیره احتیاجنی
ییلدرمین کیمسه یه فقیر حقیقی دینلور انک فقری فقر
محمدی اولوب فقرینی غنای قارونه دکشمز (بیت)
همیشه خازن شهداست از حلاوت عیش

کسی که خانه جوزنبور مختصر دارد
(لا حرمة للفاسق ولا قذف للفاحش)

فحش ضم فا یله یرامزلق حدی تجاوز ایتمه دیرلر معنای
لطیفی فاسق ایچون حرمت و تعظیم یوقدر و یرامز لقه
حدی تجاوز ایلین کیمسه ایچون قذف دشنام یوقدر
فاسق بالخاصه قلوب ناسده مبغوض اولوب کیمسه اکا
تعظیم و حرمت ایتمز بحسب الاقتضا اکرام ایدن دخی
درونی دکل جعلی ایدر و فاحش اولان کیمسه یه دشنام
ایدن آدمه حد قذف لازم کلز (منوی)

موجب لعنت بود در انتها نقض میثاقی و شکست توبها
پرده ای ستار از ما بر مگیر باش اندر امتحان مارا مجیر
(لا وفاء للمرأة ولا راحة للحسود)

معنای لطیفی عورت ایچون وفا یوقدر و حسود ایچون
راحت یوقدر (شعر)

ثلاثة لبس لها وفاء السيف والفرس والنساء
نسوان عقل و دینده و میرا شده رجالدن ناقصه در وفا
عاقل و کاملک کاریدر بیوفا اولان بیخردلر دخی همان

نسوانه ملحقدر بوندن اقدم بونلرك بيانى مستوفى افاده
اولنمش ايدى (*) فى حرف الياء (*)
(يا تيك ما قدرلك)

قدر باب تفصيلدن صيغه مجهولدر معنای لطيفى سكا
كلورسك ايچون تقدير اولنان نسنه (بيت
رزق ايچون فى الحقيقة غم يمه كيم

ضمن الله رزق كل احد
حضرت مولوى قدس سره العزيز مثنوى شريف لرنده
بيوررلر كه بر كيمسه نفسى ايله مجاهده اثناسنده بيابانه
چيقوب كيدوب ويمين ايلديكه مادامكه برغيري كيمسه
آغزينه روغن وعسل دوكدكجه كندى اختياريله برشى
تناول ايليه بيابان پي امانده كريوه رو خلاف اولوب
جاده دن خيلى دور وانسان اوغره يه جق ستملردن
مهجور اولدى بر قاچ كون روان اولدقدن صكره رفتاره تاب
وتوان قالميوب ماننده مرده بيچان ريك سوزان اوزره
افتاده اولدى بر مقتضاي اله بر قافله ككرده راه اول
مكانه تجسس طريق ايدر ككلوب كورديلر كه بر آدم ياتور
آيا مرده ميدرزنده ميدرديو يانسه كلكلرنده هنوز
وجودنده حياتدن اثر مشاهده ايتلريله غالبا بودردمندك
ضعفى كرسنه لكدن اولق كركدر ديوب راحله لرنده بولنان
ما حضر دن بر مقدار انكين وروغن چيقاروب آغز يني

بچاغله آچوب كلوسنه دوكديلر عقلى باشنه كلكد كده
ماجر ايني انلره نقل ايلدى پس ايمدى جناب حقك
تقديرى هر نه ايسه لامحاله ظهور ايدر همان بنده يه
سزاوار اولان صبور اولمقدر (بيت
نباشد در دل مرغ قفس جز فكر آزادى
كجا اندیشه آب و غم ناست دلهارا
(يسود المرء قومه بالاحسان)

معنای لطيفى كشي قومنه احسان ايله بزرگ اولور بونك
تجربه سى هر كسه معلومدر بر قومك رئيسى هر تقدر
نا اهل اولور سه ده اول قومه احسان ايله محبوب اولور
محبوب اولان استعظام اولنوب صاحب استيغال اولنلره
ترجیح اولنور (والله يحب المحسنين) بودعوايه برهاندر
(يزيد الصدقة فى العمر)

معنای لطيفى صدقه عمرى زياده ايدر (ان الصدقة
والصلة يعمران الديار ويزيدان فى الاعمار) حديث
شريفنك شرحنده كمال پاشا زاده دير كه نظر دقيقك
مقتضاسى اولدر كه تحقيقا عمره طويل تقدير اولنور
شول حيثيت ايله كه اول عمره اير شممك جائز اوله تقدير
اول اوزره زياده اولور تقدير ثانى اوزره نقصان اولور
مع ذلك تقديرده تغيير لازم كلز بونك بيانى بويله در كه
تحقيقا هر شخصك مقدر اولان عمرى انقاس معدوده در

اما محدود دکلدر خفی دکلدر که انفا شدن مقدر اولان
نسنده صحت و مرض و تعب ایله زیاده و نقصان ممکندر
بوسر عجیبی فهم ایتد کسه بعض طوایفک حبس نفس
اختیار ایتلری معلوم اولوب صدقه نک وجهی دخی
متضخ اولور اتهی کلامه (یت)

حفظ دولت در پریشان کردن سیم و زراست
دست احسان رسته شیرازه این دقتراست
(یسعد الرجل بمصاحبه السعيد)

معنای لطیفی آدم سعید اولان کیمسه نک مصاحبتی ایله
سعید اولور می بیانه

(یا من الخائف اذا وصل ماخافه)

معنای لطیفی فورقان کیمسه خوف ایتدیکی نسنه یه واصل
اولدیغی وقتده امین اولور (نکته) حضرت الله قرب
معنوی ایله قریب اولنلر خوف و رجا مرتبه سنی کذار
ایدلر زیرا خوف و رجا خواص وجود موهومیدندر
فناهی کلی ظهورندن مکره زائل اولور فهم من فهم (یت)
چون بدا نستی که ظل کبستی

فارغی کرمردی و کرزیستی

(بصیر امر الصبور الی مراده)

صبر و رت رجوع معناسنه در معنای لطیفی زیاده صابر
اولان کیمسه نک امری یعنی کاری مرادینه رجوع

ایدلر (مصرع) صبر تلخست ولیکن بر شیرین دارد
سوره عصرده بر برینه صبر ایله توصیه ایدن بنده لری
حضرت حق مدح ایلش اندن معلوم اولور که بوصفت ایله
متصف اولان کیمسه واصل مرام اخروی اولور مقاصد
دنیویه دن حصولی مقدر اولان دخی صبر ایله وجود
پذیر اولور

(یأس القلب راحة النفس)

معنای لطیفی قلبک مأیوس اولسی نفسه راحتدر (یت)
راح راحت نیست در جام غم انجم طمع

کاس یأس از کف منه کالیأس احد الراحته

بود دخی مستوفی بیان اولمشدر

(يعمل النمام في الساعة فتنه اشهر)

نمام قووجی اشهر شهرک جمعیدر معنای لطیفی نمام اولان
کیمسه بر ساعتده پرقاچ آیک فتنه سنی ایشلر یعنی پرقاچ
آیده انجق وجود پذیر اوله جق فتنه یی بر ساعتده ایقاظ
ایدلر نعوذ بالله نماملق بریر امر صفتدر روز حشرده
یونلر میمون صفتنده حشر اولور لریو حدیث شریفده
فخر الانبیا صلی الله علیه وسلم حضرتلری و عید
بیور مشلر (مثنوی)

هر خیالی کو کند در دل وطن

روز محشر صورتی خواهد شدن

(يطلبك الرزق كما تطلبه)

معنای لطیفی رزق سنی طلب ایدر سن رزقی طلب
ایتدیکک کی (مثنوی

رز آید پیش هر که صبر جست

رنج کوششها ز بی صبری تست

آنچه نماند که عاشقی بر رزق وزار

هست عاشق رزق هم بر رزق خوار

زیرا کسبک رزق سایه سی کبیر سایه انساندن منفک

اولدیغی کی رزق دخی منفک اولماز حرف باده تحریر

اولسان تفصیل ایله بودعوی مبرهندر

(يبلغ المرء بالصدق الى منازل الکبار)

معنای لطیفی کشی صدقله منازل بکاردینه ایریشور انواع

اخلاق حیده دن هیچ بریسنده صدقک خاصیتی بو قدر

زیرا اوصاف رحمانی صفت شیطانیدن امداد صدقله

متیر اولور وعادت سیرتدن قوت صدقله فرق اولور

و کمال صاحب دل و نقصان صاحب نفسی میران صدقندن

غیری ایله فهم ایتک اولماز و شایسته مقعد صدق شول

مردان راه یزداندر که (لهم قدم صدق عند ربهم) انلرک

شاننده دینلمشدر سالک عزیزتکاره لازمدر که صدق

رهبر طریق مستقیم ایدوب افعال واقوال واهوالده

بوصفت مبارکه به رعایت ایله تا که درجه صدیقنه

واصل اوله (مثنوی

صدق پیداری هر حس میشود

حسها را ذوق و مونس میشود

هیچ غیر از راستی نهانند

او بسوی راستی میخوانند

دل مکر رنجور باشد که زبان

وانداند چاشنی این و آن

چون شود از رنج و علت دل سلیم

طعم صدق و کذب را گردد علیم

الحمد لله رب العالمین والصلاة والسلام علی ائمة الناس

اجمعین و علی آله و اصحابه حاة الدین المبین بونسخه

بیک یوزیکرمی اوچ محرم الحرامک یوم عاشرنده انجام

رسیده اولوب قلم جامع الحروف بو کونه بسط اعذار

ایلرکه مزرکش بافان دستکاره بلاغت و دقیقه دانان

دادوستد کلری عبارت بولسان خواجکان دستمایه بینش

و بصیرت جناب معالی نصابلرینه خفی دکلدرکه فراید

تابدار صدف ولایتک سلاک و تنظیمی یعنی افاده حکم

و معانیسی خلالتده (مصرع

حاجت مشاط نیست حسن خدا داد را

وزنجه طنانه تعبیرات منشایانه ایله تحسین و تزئینه عدم

احتیاجدن قطع نظر لغزش پای یراعه براعه کار احتمالی

دخی ملحوظ اولوب لاسیما مالک نصاب نقود معارف
اولمین عشاق آتش نفسانک صعوبت استخراجندن
ناشی ملامسه انظار کیمیا آثار لرندن بو مجله مختصره
بی بهره اولسی خوفندن اثنای ابا نه وایضا خده سرد
اولسان کلمات ترکیانه تعبیرایله تحریر اولمق صوابد یخاطر
فاتر اولمشدن منا الاستعداد ومن الکرام العفو والاستار

(لمنشئه)

نسبیا بواثر بریاد کمارک اولدی یارانه
دعای خیر اولورسه جائزه اعلا تجارتدر

هله اهل دل ودانش دعا احسان ایدر لابد
بلی شایسته طبع اهل عرفانه سخاوتدر
بو اوراق اوزره تحریر مقالات ایتدن مقصد
جناب حضرت شیر الهیدن شفاعتدر
اسیر سجن عصیانم بونسخه عرضالمدر
باقر لر عرضحال بنده به شاهانه عادتدر

تاریخ تألیف

اولدی بو کتاب پر لطائف بر عقده لاله سرائر
ختم اولدی دیم آنک نسبیا تاریخنی رشته جواهر

۱۲۲۰

بینه ومنه تعالی * پادشاه اسلامپناه * وشهنشاه
معتصم بحبل الله * شارح متون نصفت وانصاف *
وقامع حصون ظلم واعثساف * السلطان ابن السلطان
السلطان عبد المجید خان * دام مجده وسلطان
الی آخر الدوران * افندیمر حضرتلرینک
سایه شوق کتویه ملوکانه لرنده اشبو کتاب
فیوضا تنصایک طبع وتمشلی مفتقر لطف
الهی * تقویم وقایع نظارتیه مباهی
السید محمد نائلک معرفت عاجزانه سیله
رسیده ختام اولمشدن
فی غرة ذ ۱۲۵۷

م م م م م

م م م

م

م

